



雪  
嶠  
禪  
師  
語  
錄

參學門人弘歇等  
編



清刻龍藏佛說法變相圖

雪嶠禪師語錄序

魚一

曹溪受法弟子福徵譚貞默謹撰

大師自乙亥春爲黃海岸余集生諸居士驛駱奔趨雙徑強之開堂登祖位說法王法出世大事因緣實始此前此從雲門石頭上得

魚一

正句後誅茅高峰雙髻者六載從荆溪龍池  
叅幻和尚受具戒更名記荊後曳杖徑山千  
指者二十餘載活埋歲月嘯傲煙雲若非鐘  
樓生耳佛殿懷胎那肯容易許人出世既從  
徑山而金陵靜明而廬山開先而長明能仁  
而濟生院祇陀林而越州顯聖四明景德而  
荆溪南嶽而光溪天王而携李東塔而雲間  
勝果頤浩而究竟末後一着於雲門悟道石  
之地時在丁亥邇前乙亥僅越一紀而坐東  
南大道場者十有餘會結冬者四期其間龍

池埽塔天童封塔許大奇特機緣在語風老人分中只當一頓家常茶飯耳若夫正令高提孤情絕照宗風流暢響振諸方曲終撒手獅絃尤勁何待語錄馳布而後塗毒發聲哉積年絡索遺此劫灰正好散歸龍藏乃有獅聲珠公復爲之撿拾編次俾得邇流知源披枝見本而吾友葵石居士昆季還念疇昔皈依道誼因捐資壽剎與天龍神鬼及海內有眼無眼入共矜式之將無被老人常寂光中捉鼻大笑乎何笑笑眼前伶俐禪和畧得出頭吐氣便教白帟黑字充棟汗牛其爲水母眼鸚鵡舌者多多許矣的的消隕虛空超越佛祖爲眼裏筋舌中骨者幾人即不乏眞寶叅悟歷代師承如玄圃積玉鮫人泣珠其爲珠玉則同而趙璧之連城隋珠之照乘若

老人之殺活縱奪賓主全融擺壞鎖韁不求伴侶者幾人倘遇波斯胡定知毫釐千里也不慧隨侍盤桓歲歷四紀不曾向佛法中作一合頭語今日何能饒舌贊嘆一辭獨念老人能掃三千大千世界衣拂影子那能斷威音王以前水乳消息不牽自肯只今當問之徹崖獅聲兩公與葵石居士因繫以頌頌曰雪老鼻孔撩天公案出語爲風着手便判世界小兒是非莫管祖令孤行青獅活現厥謚云何宗壇鐵漢

衆護法請開堂疏

伏諗宗門一路久矣線道不通日午打三更留黑白未分之消息連夜日頭出少常住不動之師承擬掃塵妖當宏利濟恭惟雪嶠大和尚貌座宗無所宗法本無法空中伸巨臂

招斷從上諸佛祖鼻梁身畔現韋馱打屏五  
百比丘踪影古雲門三字見凡聖於一家爛  
豆渣半升關艸萊平雙髻呵斥諸方從無當  
意輕許可撈漉群趣不將佛法當人情語風  
提唱照地光天廬山開先懸崖峻壁七十五  
燈俱是火掌握薪傳百千三昧悉真空口吐  
血脉欽震旦之將登獨坐適福城之現缺主  
人伏祈大和尚小遊戲而飛錫肯來大踏步  
而折葦即至魔也打佛也打堂堂見性明心  
明頭來暗頭來的的攔胸劈面獅王出窟俾  
萬獸之潛形金翅分波使諸龍之斷命一切  
衆生胥擁戴十方賢聖悉依皈谷等臨啟曷  
勝企佇願誠之至

崇禎十六年夏月禾城曹谷譚貞默朱茂時  
汪挺高承挺朱茂暉王起隆兩邑護法仝疏

雪嶠禪師語錄目錄

卷首

序文

開堂疏

第一卷

住嘉禾東塔禪寺語錄

第二卷

住廬山開先禪寺語錄

住越州雲門禪寺語錄

普說

第三卷

小叅

晚叅

茶話

示衆

開示

第四卷

法語

叅請機緣

問答機緣

第五卷

佛祖偈贊

自贊

附贊

頌

魚一

垂問會頌

偈

佛事

第六卷

拈頌

四

第七卷

拈頌

懷淨土詩

第八卷

書問

歌

雜著

第九卷

道行碑上

第十卷

道行碑下

雪嶠禪師語錄目錄終

魚一

五

雪嶠禪師語錄卷第一

參學門人弘歇等編

住東塔禪寺語錄

師於崇禎癸未夏荊谿受嘉禾東塔請至仲秋八月初八日進院十五日曹石倉譚埽菴朱葵石汪爾陶譚蘭仲高寓公沈甫受朱子藻子葆子容李珂雪孫培菴吳水原孫起伯朱範臣欽臣迪臣王季延嚴轅轅同合山大衆暨諸護法士紳等請就本寺開堂

師陞座云東塔寺前問水神相逢盡作帝鄉人故園田地如何會一喝分明介主賓拈香云此一瓣香根盤靈鷲價重坤維卷之則千巖截流放之則六合彌豐蕪向寶鑪端爲今上皇帝聖躬萬安惟祈邊邦寧謐海不揚波士農工商咸沾化育此香供養華嚴會上清

涼澄國師復指香云此香供養禹門幻有先師大和尚用酬法乳歛衣就座白椎竟舉仰山問中邑洪恩禪師云如何得見佛性義思云我與汝說個譬喻如一室有六窻內有一獼猴外有獼猴從東邊喚猩猩即應如是六窻俱喚六窻俱應仰山禮謝起云適蒙和尚譬喻無不了知祇如內獼猴睡着外獼猴欲與相見又且如何思下繩床執仰山手作舞云猩猩與汝相見了譬如蠅螟蟲在蚊子眼睫上作窠向十字街頭叫云土曠人稀相逢者少師云若無仰山後語幾乎獼猴個個無尾巴諸人要見佛性義麼漁船上有槓槓堆頭有下座

八月廿九日譚埽菴誕日設齋請上堂師云佛身充滿於法界到不得者裏普現一切群

生前太勞勞生隨緣赴感靡不周還見麼而  
恒處此菩提座掀翻他窠臼有明眼者出來  
簡點看僧問如何是向上一乘師云塔尖峰  
頂如何是向下事師云幡竿動也意旨如何  
師云地藏菩薩問擊碎東塔踏翻太湖且道  
此人具甚麼手眼師舉如意示之進云拋却  
德山棒放下臨濟喝還有爲人處也無師云  
到得這裏麼

序東徐居士薦母請上堂古人道父母非我  
親誰是最親者諸佛非我道誰是最道者父  
母既非我親畢竟誰是至親有伶俐衲僧出  
來道看一僧纔出師珍重下座

結制上堂師云結制無有他爲切念生死大  
事到此禪堂不得東語西話不得亂想胡思  
一心正念提起話頭看個父母未生前那個

是我本來面目若不苦心參究受他施主供  
養滴水難消切須仔細

甲申元旦諸護法暨大眾請祝聖上堂師陞  
座拈香畢乃云且道新年頭佛法如何舉揚  
村村蠶麥熟處處稻花香忽聞爆竹聲隨云  
爆竹一聲天地老塔前無處不光輝即此是  
法即此是道大眾久立珍重

恒輝禪人供衆請上堂古者道平常心是道  
喜怒罵詈咳唾掉臂無非是祖師西來大意  
此事不論初機晚學只要一個信得及若是  
夙有靈根猛自提撕忽然正眼豁開方見老  
人眉毛端的

臘八日譚埽菴居士爲薦誥封夫人徐氏請  
上堂師陞座維那白椎竟師喝一喝什麼第  
一義第二義今日埽菴居士爲亡過誥封夫

人徐氏曾於病中發心請老人說法普利一切夫說法者聽法者如夢如幻無有是處而徐氏夫人仗此勝因超生天界作天眷屬不墮人間受諸苦惱平坦坦地佛祖安身立命之處喝一喝云者裏是甚麼所在容伊着腳經云諸佛智慧甚深無量其智慧門難解難入復喝一喝云什麼智慧門只消一個乾屎橛擊碎流出一切麻三斤庭前栢樹子三玄三要五位君臣有句無句打作一串不消老人一拂化爲微塵久立珍重

解制陸登之居士請上堂師陞座云結制解制爲個甚麼祇爲當人脚跟下一段大事不明如大火聚不得清涼所以道十方同聚會個個學無爲此是選佛場心空及第歸一期過了堂中不見一箇半箇雖然且喜太平良

久云一二三四五六七萬仞峰頭獨足立問伊你更是阿誰我是人間白拈賊遂喝一喝云十字街頭撞着馬相公與你索飯錢你作麼生祇對衆無語師云老人與你代一轉語春風日日到園林夜夜面南看北斗

到雲門顯聖請上堂喝一喝云法王法座如此如彼三宜上座同季超初居士請老人登此猊座不免乘時拈出普告大衆老僧昔拈靈樹不無其繇蓋主法者不嚴聊借此以見志况先年三登禹門機緣歷歷可考此乃沿流不止嫡親嫡故無敢違者若也竟拈靈樹則事負禹門若也竟拈禹門則事負靈樹今日人天衆前撥轉船頭順風把舵去也遂拈香云即此供養直隸常州府宜興縣荆溪禹門幻有先師大和尚從此不敢事負就座乃

云去聖時遙宗門紊亂必須洞達心宗庶不虛生浪死若也不悟自心終日尋行數墨了沒交涉於今目前依草附木者豈達磨一宗乃糟粕耳假我衣裳名是比丘豈千聖不傳之旨如此容易者哉佛法不直半文矣諸仁

無一

九

者趁色力強健時討箇分曉莫待眼光落地業識茫茫平日說禪說道豈指伸拳到恁麼時你還作得主去麼喝一喝云啼得血流無用處不如緘口度殘年下座

崇禎十六年四月廿六日師至龍池掃塔荆谿吳九叙居士暨禹門大眾等請上堂師至座前喝一喝遂陞熏風自南來殿閣生微涼倦來困一覺何必好眠牀此一瓣香鼎爲當今聖君皇帝惟願道心永銳太平天下令十方法界衆生各各安樂自在次拈云此香供

養本山前代一源禪師復拈云此一瓣香供養即此禹門堂上嗣臨濟正宗幻有先師大和尚用酬法乳之恩欽衣就座白椎云法筵龍象衆當觀第一義師乃云佛法正是衰替時節各宜努力以求出世人人埋没多生今朝若不透徹何時解脫不見南嶽讓叅六祖云甚麼物恁麼來讓不會經八載便對六祖道說似一物即不中祖云還假修證也無讓云修證則不無汚染即不得祖云只此不汚染諸佛之所護念汝旣如是吾亦如是善自護持者箇一物即不中便是六祖大師本來無一物合轍之語所以祖祖相傳佛佛授受與達磨大師正法眼藏合文合節若有半字差異即同魔外何爲臨濟正宗也白椎云諦觀法王法法王法如是師卓拄杖下座

天童景德禪寺諸護法同合山大衆請上堂  
師陞座呵呵大笑且道笑箇甚麼笑那無舌  
人善能解語喝一喝云不必重打葛藤須向  
未舉以前會取若論此事盡大地拈來在老  
人一毛孔中着不滿諸佛心印不從人得既  
不從人得難道從牆壁瓦礫得既不從牆壁  
瓦礫得難道從地水火風四大五蘊喜怒哀  
樂而得豁開自己正眼炤天炤地始知不從  
人得如啞子喫苦瓜向人道不得遂鼓兩臂  
作獅子奮迅勢云獅子遊行不求伴侶喝一

喝下座

上堂喝一喝云斬開碧落百花新扶起山門  
兩位人古殿雖殘雲不老燈傳白月夜精神  
四明鄞邑乃老朽故土爲送天童和尚入塔  
蒙城中士紳留住數日此乃鄉情眷眷陸敬

十一

翁長者相招同到天王古剎并遊勝地此寺  
創自晉代至宋元重修雖然山門殘替門前  
光景如舊自有人天安排諸仁者要識自家  
本命元辰着落不必他求逆順境緣消歸自  
己人命無常不與人期一氣不來便同土塊  
今日老人談話原非別事如來出世爲衆生  
沉溺生死苦口叮嚀撥動上頭關棧欲令衆  
生得入此門又勞他遠磨大師到我震旦傳  
佛心印直指人心見性成佛之旨今幸長者  
請登此座重爲舉揚俾益四衆知脚跟下有  
此一段光明諸仁者急須諦審休將閒學解  
埋沒祖師心珍重

十一

十二

乙酉改元三月十七過雲間超果寺監院知  
一靜主紹源并各山大衆暨合郡檀護請祝  
聖上堂師陞座拈香云此香非陰陽造化之

所成亦非金木水土之所生。熱向爐中端  
爲祝。延今上皇帝聖躬萬歲萬歲萬歲。伏  
願堯風永扇於大明。舜德普聞於沙界。闡朝  
文武公卿尊崇祿位。遠近檀那均斯法化。遂  
欽衣就座。僧問：如何是衲僧本分事？師便打  
進云：除却棒請師再道一句。師復打。僧禮拜。

結舌有分。何故法如是？故祖師出世蓋爲一  
切衆生沉淪苦海墮落五欲。所以開方便門  
接引愚癡。咄言多去道遠矣。還有問話者麼？  
僧問：如何是大師方便門？師以拂子畫一畫  
云：會麼？太平日月光天德。一統山河壯帝居。  
久立珍重。

起便喝。師連打問雲門。普趙州關即不問。祇  
如乾坤未立。世界未形時。主人公向何處安  
身？立命師云：念言語漢云：恁麼則鶴棲無影  
樹花發不萌枝去也？師云：芽生也。乃云：暮春  
三月好風光。盡見遊心白面郎。國界無虞今  
日定。夜深皓月照長廊。豎拂子云：即此用離  
此用。復震威一喝云：此是馬祖陳爛葛藤。不  
勞拈出。今日打些新鮮葛藤。與大衆結緣會。  
麼？若論者事三世諸佛。無下口處。歷代祖師。

上堂七十五年何處來。燈籠生脚上天台。癡  
人知道我來處。三月菜花歷路開。老人于甲  
申八月被業風吹入雲間。承衆居士供養數  
月。監院一輪同衆檀恭請金澤頤浩禪寺說  
些閒話。且舉現成公案。與大衆商量。乃云：昔  
日圓悟禪師。泰五祖演和尚。聞舉小豔詩云  
頻呼小玉原無事。只要檀郎認得聲。乃出方  
丈見鷄飛上欄杆。鼓翅而鳴。豁然大悟。作偈  
云：寶鴨香消錦繡幃。笙歌裏醉扶歸。少年

一段風流事只許佳人獨自知爲甚麼只許  
獨自知聾老人今日爲他下箇註脚鷄寒上  
樹鴨寒下水雖然如是逗漏不少復舉臨濟  
和尚道有一人論劫在途中不離家舍有一  
人離家舍不在途中此二人那箇合受人天  
供養顧侍者云喚這二人來與老僧洗脚此  
事人人脚跟下乾乾淨淨無有絲毫泥水只  
爲耽着五欲從逃入逃喚作衆生所以雜華  
偈云毘盧遮那佛願力週沙界一切國土中  
恒轉無上輪今日盧舍那佛在徑山拂子頭  
上轉大法輪去也遂擊拂子召大衆云還聞  
麼豎云還見麼且道聞底事作麼生衆無語  
代云如是我聞便下座

三昧海中狂波濤浪裏轉身吐氣始有說話  
分雖然更須向深雲窮谷養得純純熟熟方  
可出來人天衆前舉揚箇事光耀祖庭瞻之  
仰之庶不辜負達磨大師西來一番辛苦若  
也不然只是箇蝦蟆田雞亂跳亂叫成得箇  
甚麼邊事乃大笑復云笑那吳山端獅子見  
弄獅子得悟後有老僧譏他道鄉裏獅子鄉  
裏弄眼睛鼻頭一齊動假饒弄到帝王前也  
是一場乾打圓有時上堂云佛法無可得說  
不如打箇觔斗便下座今日徑山在頤浩上  
堂也無獅子弄也不打觔斗說些平實話接  
物利生且道如何是接物利生句聾衆須實  
衆悟須實悟有僧出禮拜擬問師便打僧云  
某甲話也未問師云待你開口成得箇甚麼  
便下座

上堂今日登此寶座爲本鎮居士持貲供衆  
請老人說些佛法普利群生諸仁者莫瞋睡  
惺惺着眼前山林池沼無非是你故宅只爲  
離鄉太久所以不得受用良久云樂云樂云  
鐘鼓云乎哉禮云禮云玉帛云乎哉即此見  
聞非見聞無餘聲色可呈君箇中若了原無  
事體用何妨分不分卓拄杖云離中虛坎中  
滿

住越州雲門寺語錄

上堂雲門有一奇特事從曠大劫來無人動  
着今日分明舉似大衆良久云忘却了也曳  
拄杖下座

荆門上座出關請上堂春秋三度掩柴關無  
事於心不放閒今日聊通一線道踏開煙水  
入深山既是出關合該逍遙山水於石橋邊

茗焚香於溪閣爲什麼又要入山嚮爲他途  
路不得力

結制上堂欲知佛性義當觀時節因緣時節  
若至其理自彰大衆今日是甚麼時節舉拂  
子一拂云雲門老古錐出世也地搖六震天  
雨四花且道有何祥瑞五雲山下青獅子曳  
尾搖頭弄爪牙遂喝云這畜生休作怪要騎  
便騎要下便下

師誕日解制上堂老人自住雲門已來不曾  
動着一步不曾措着一辭今日幸遇解制打

魚二

古

開長汀子布袋放出百千萬億光明雲將五  
湖四海衲子而爲眷屬使歷劫多生父母俱  
超樂國以拂子打○云會麼盡十方世界是  
燃燈古佛光明門盡十方世界是釋迦老子  
總持門盡十方世界是堯率陀天彌勒世尊

解脫門盡十方世界是文殊師利法王子般  
若波羅密門盡十方世界是普賢菩薩行願  
門盡十方世界是一切修多羅差別義海門  
盡十方世界是凡夫衆生四生六道微細極  
微細昆蟲蚤虱生滅門乃喝云今日雲門解  
制猶如螃蟹去草縛橫行直撞切須仔細倘  
遇無厭足王莫道我是雲門解制來若道着  
被他一棒打折你驢腰莫言不道

辭請

崇禎甲戌十月十一日衆集千指菴請徑山  
開堂師辭衆曰今日承大檀鄉紳暨唐祈遠  
居士起緣爲首閱裴卿居士率衆拜請請語  
風出世非惟大檀鄉紳居士請語風出世又  
復諸山大衆請語風出世非惟諸山大衆請  
語風出世又復本山各房大衆請語風出世

非惟本山各房大衆請語風出世又復開山  
國一大覺祖師無上禪師法濟大師大慧杲  
妙喜老人別峰禪師塗毒禪師乃至八十七  
代住持大和尚請語風出世非惟開山國一  
大覺祖師無上禪師法濟大師大慧杲妙喜  
老人別峰禪師塗毒禪師乃至八十七代住  
持大和尚請語風出世又復本山護法伽藍  
廣澤龍王雙髻周宣靈王靈山授記十八位  
伽藍請語風出世非惟本山護法伽藍廣澤  
龍王雙髻周宣靈王靈山授記十八位伽藍  
請語風出世又復主山神主地神主空神主  
林神主風神主海神主江神乃至鬼神等請  
語風出世非惟主山神主地神主空神主林  
神主風神主海神主江神乃至鬼神等請語  
風出世又復梵天帝釋天韋天乃至無想天

非非想天三十三天神衆請語風出世  
非惟梵天帝釋天章天乃至無想天非非想  
天三十三天神衆請語風出世又復乾  
屎極麻三斤栢樹子青州布衫胡餅請語風  
出世請出世作甚麼庭前生瑞草好事不如

魚一

十六

無諸人豈不知徑山祖庭從唐宋至本朝宣  
德二百年來宗風闕寂祖道不行賴有本山  
各房接管香火方得殿宇廊廡煥然一新若  
論今日請語風出世爲衆說法利濟衆生沒  
交涉你看那箇是衆生記得圓通訥禪師云

長安風月貫今昔那箇男兒摸壁行家家觀  
世音有路透長安若箇今日出世求名名蓋  
天下久矣把手牽他行不得惟人自肯乃方  
親按牛頭喫草央使不得良久師舉雲門到  
雪峰莊見一僧乃問上座今日上山去那僧

曰是門曰寄一則因緣問堂頭和尚祇是不  
得道是別人語僧曰得門曰上座到山中見  
和尚上堂衆纔集便出握腕立地曰這老漢  
頃上鐵枷何不脫却其僧一依門教雪峰見  
這僧與麼道便下座攔胸把住曰速道速道  
僧無對峰拓開曰不是汝語僧曰是某甲語  
峰曰侍者將繩棒來僧曰不是某語是莊上  
一浙中上座教某甲來道峰曰大衆去莊上  
迎取五百人善知識來門次日上雪峰峰纔  
見便曰因甚麼得到與麼地門乃低頭從此  
契合若論今日請語風出世即是著語風在  
鐵床裏使我動不得隨人使喚被人指揮如  
案頭猪肉斬斷由他何苦得語風三十年來  
不曾受人拘束但饑來喫飯困來打眠逍逍  
遙遙林間步武自由自在何苦得要我出世

魚二

十七

出世是大惡業事放我在地獄裏去你看那箇是爲生死的甚麼喚做生死汝等不如歸去好語風央央不出世不出來謾神謔鬼有甚麼相干實無利益直饒截我語風頭去寧作無頭人亦不隨汝等脚跟轉不如歸去好大衆跪久不起師瞥然裴卿閱居士云大師雖未登座說法已竟

十三日衆再請再辭前日說竟了今復何爲又勞大衆來此衆云世尊三請方說法師曰世尊眼花及至道箇止止不須說早已逗漏不少有甚奇特若向衲僧門下好與三十拄杖衆再四師曰稅不重科又曰再犯不容乃舉雪峰妙湛和尚示衆一切法無差雲門胡餅趙州茶黃鶴樓中吹玉笛江城五月落梅花慙愧太原孚上座五更次鼓角天曉弄琵琶

琵琶語風也有兩句一切法無差鶻鵠對老鴉生臺爭飯喫打得亂如麻有約不來過夜半閒敲碁子落燈花慙愧西湖保叔塔六橋煙雨夕陽斜珍重師便轉身衆候良久散去崇禎乙亥歲三月初三日司理黃海岸居士請徑山開堂

三門喝一喝云惟有一門而復狹小豎拂子指門云莫得就是這箇門那巍巍堂堂煒煒煌煌入此門者如獅子王復喝一喝二位力士證明

彌勒殿喝一喝云喚你作彌勒又是布袋和尚喚你作布袋和尚又是彌勒畢竟如何一彩兩賽

韋馱殿韋天韋天還記得湖州弁山多寶寺苦告你因緣麼遂禮拜云珊瑚枕上兩行淚

半是思君半恨君

伽藍殿廣澤龍王不忘靈山之付囑發菩薩  
心捨宮殿爲國一祖師伽藍今當現身而去  
垢莫假瞋睡以蒙董豎拂子指龍王厲聲云  
汝當護法

魚二

大

祖師殿會麼坐得骨贅生眠不知冷暖八十  
七人成群打哄大似守屍竟鬼喝一喝云開  
佛殿稽首瞿曇黃面老爺離言說相離文字  
相離心緣相畢竟平等這箇說話與我付之  
海外

陞座卓拄杖三下拈香云此一瓣香恭惟北  
闕之至尊上祝南山之萬壽扇亮風於千古  
布舜德於今時惟願邊疆平靜國界安寧歛  
衣就座乃云今日時逢三月三黃司理請老  
人爲衆舉揚且道舉揚箇甚麼威音王那畔

通二

十九

更那畔這一着復卓杖一下云大衆還會麼  
還有人出來問話麼勿得辜負居士一副熱  
腸此事人人具足箇箇圓成居士出衆問云  
如何是箇箇圓成的事師云好與三十棒會  
麼日輪西墜夜月東昇卓拄杖下座

司理黃海岸居士爲封公壽誕請上堂師至  
座前作女人拜云稽首須彌山王以拂子指  
座云此乃八十七位所坐的曲衆木牀老僧  
今日不敢違時失候照例施行就中一句作  
麼生道還有人道得麼若無老僧自道去也  
遂陞居士禮拜問云八十七代燈燈相續祖  
祖相承大師今日且道如何爲人師豎拂子  
乃云四月今晨最吉祥托來鐵鉢古風香海  
岸道人知此意高遷爵祿捧霞觴門裏出身  
易一聞千悟有甚麼難身裏出門難坐却白

雲宗不妙從天降下則貧窮如人數他實從地湧出則富貴擊徧擊等徧擊動徧動等徧動吼徧吼等徧吼正恁麼時山門頭撞着善財童子五十三位大菩薩各各手持華幔幢幡寶蓋珊瑚瓔珞珍寶等物外有無根樹一株叫不應山谷一座無陰陽地一片老僧問伊道擔荷許多骨董到此作什麼菩薩答云相聞黃封翁八旬壽誕特來慶賀老僧云難得菩薩遠來遂喝一喝云莫作一喝會耶爲菩薩買草鞋豎拂子云見麼若也見叢瞎汝眼若也不見眼在甚處問答不錄擊拂子下座

今日朝陽峰頂千僧閣下不行妙喜老人走過的路不飲妙喜老人喫過的水老僧別有一段家風作麼生是老僧家風江月照松風吹永夜清宵何所爲佛性戒珠心地印霧露雲霞體上衣此乃永嘉大師受用的非惟永嘉受用即是老僧受用何以故道道相同祖祖相授若是已事未明心地不亮顛顛顛顛憊憊惘惘未免向驢胎馬腹中作活計去也良久云一槌擊碎珊瑚月大地山河是阿誰僧出問云如何是祖師關師云過不得云未過關如何接師云立云已過關如何接師云坐云總不恁麼時如何師擊拂子兩下云大師即今在何處安身師云蠟燭兩行排僧禮拜云恁麼則學人有賴去也師云錯問中心樹子請師舉示大衆師云再舉來僧擬議師

便喝問古鏡重光即不問孤峰獨露時如何  
師云萬里一片雲云大風吹散時如何師云  
蒼天蒼天問徑山堂上敲鐘播鼓驚起座中  
獅子舞如何是獅子舞師擲花瓶云花瓶倒  
地云請大師再道師灑香灰云蘇嚕蘇嚕師  
曳拄杖下座

因事上堂咄咄徑山乃唐宋已來之徑山  
擊拂子云八十七人在此經過非今日之徑  
山非一日之徑山也千年常住一朝僧今朝  
祖令當行十方坐斷且道還有祥瑞也無鐘  
樓生耳朵佛殿又懷胎海岸居士出問云如  
何是鐘樓生耳朵師拈生香云會取這箇進  
云如何是佛殿又懷胎師云產下也士禮拜  
云須是大師說法始得師乃云今承吳江大  
檀同諸護法等命老人登獅子座理荒殘之

祖席扶陳爛之頰網這喚做狗尾續貂那管  
家家門前火把子釣漁船上謝三郎即不問  
媳婦騎驢阿家牽道將一句來還有人道得  
麼良久云一拂擊開金殿月萬家無箇不光  
明復舉瀉山云有句無句如藤倚樹踈山持  
此語問瀉山值瀉泥壁次踈云有句無句如  
藤倚樹是和尚語不瀉云是踈云忽然樹倒  
藤枯句歸何處瀉放下泥盤呵呵大笑歸方  
丈踈云某三千里外賣布單來和尚何得相  
弄瀉喚侍者取三百文錢與這僧買草鞋去  
後來有獨眼龍爲你點破在踈至明招處舉  
前話招云更使瀉山笑轉新踈山有省原來  
瀉山笑裏有刀師復召大眾曰要見瀉山笑  
裏刀麼呵呵大笑下座

海岸居士請上堂師墜拂子云也大奇也大

奇無情說法不思議彈指頃石虎咬殺青田  
雞燈籠露柱忍俊不禁蹣跳上鵬搏峰頂揚  
聲大吼且道吼箇甚麼功德池中添箇月滿  
林光彩可追隨舉臨濟和尚云有一人論劫  
在途中不離家舍有一人離家舍不在途中  
那箇合受人天供養師云這箇語話大似掩  
耳偷鈴瞞人自瞞諸人要識這兩箇人麼餘  
杭紙貴一狀領過

雪嶠禪師語錄卷第一

音釋

榼上克盍切音韃酒器也下  
私盍切三入聲枯榼也 鵬乃里切  
音徐如  
見也鵬未教角切音  
連刺也 鵬音徐如  
音徐如  
見也鵬未教角切音  
連刺也 鵬音徐如  
音徐如

雪嶠禪師語錄卷第二

魚二

參學門人弘歌等編

住開先禪寺語錄

師於崇禎己卯仲秋受西江請越明年庚辰

三月初二日進院

大殿喝一喝云魚三本自無言莫傷齒牙

伽藍目視云本該禮拜今日老僧沒氣力

韋天韋馱尊天隨處見你你也思量我我也

思量你你我思量無彼無此

達磨徑山今日來也復搖手云不必攢眉

據室大眾請下語師云這箇方丈是我坐的

有甚麼說衆乃禮拜

挂鐘板從上以來叢林號令今朝吉日良時

挂此鐘板願我堂中千百億衆箇箇如龍若

虎得諸佛機古人云銅頭鐵額漢盡在我山

中遂擊板一下

初四日現任護法暨合山大衆請上堂師至

法座前以拂子打十字喝一喝云諸佛心印

莫若於此便陞僧出問大師舟中跼踏之勞

即不問且道一口吸盡西江水時如何師云

露出你這野狐精僧擬進語師云且過一邊

着僧禮拜退維那白椎云法筵龍象衆當觀

第一義師乃云匡廬開先荒涼久矣諸護法

宰官黃海岸居士等書來徑山三回五度老

人卑志不欲出世無奈他何捉猪上攪大都

不得已而應箇時節也諸人應自思惟六根

門頭縱橫妙用莫將眼來見色便是汝之真

見當知此眼之外別有正眼此耳之外別有

聰耳不可耽着五欲遷延歲月增長無明無

常到來阿誰替代眼光落地打發不去今見

老人到此急急理料衣帶下事他日黑面老  
爺捉將去佛也救你不得白椎云諦觀法王  
法法王法如是下座

吉安府首龍居士發心造殿設齋請上堂一  
字相聞忉利天廬山荒寺在開先喜逢他日

應三

二

成金殿萬指同叅來復禪這位居士發心久  
矣親近善知識求無上妙道日誦華嚴經念  
念見佛心無別求發大誓願世世生生願爲  
居士生死海中利濟多方捨身受身廣度苦  
惱所謂毘盧遮那佛願力周沙界一切國土  
中恒轉無上輪復高聲云且道無上法輪作  
麼生轉莫是撞鐘擂鼓梵唄聲麼莫是山河  
大地草木叢林麼莫是黃鳥青禽吠茅叢芻  
狗麼莫是千尋瀑響雙劍峰頭麼諸仁者體  
會好是箇甚麼道理不見華嚴經云剎說塵

說熾然說無間歇法無依故無內外故無去  
來故還會麼諸仁者一切衆生徹內徹外頂  
天立地皆在廬舍那佛光明中着衣喫飯香  
水海裏遊戲出入或說有法或說法忍或說  
貪欲或說寂靜或說利生衆生在裏許總之  
不知不覺何以故生死海中晝夜黑暗故不  
信自已所從來惟人我故不知三惡道充滿  
世間自會快樂故華嚴法界不可說不可說  
不思議故互攝剎塵寬廓非外寂寥非內童  
子身中入正定童女身中從定出實不可思  
議惟證乃知棗柏大士云自他不隔於毫端  
始終不離於當念也良久復舉雲門下白雲  
子祥禪師問僧不壞假名而談實相作麼生  
僧指椅子云這箇是椅子祥以手撥椅云與  
我將糗袋來僧無對祥云這虛頭漢師復召

無三

三

大衆這僧既會椅子因甚又不識鞵袋且道  
請訖在甚麼處卓拄杖下座

新建齋堂監院請上堂喝一喝云亘古開先  
風景異此山何似紫袈裟無言童子分明說  
那箇男兒先到家復喝云易復易難復難何  
人施大臂斬斷祖師關雖然猶是應世之言  
若論其中事遠之遠矣過此百萬億恒河沙  
微塵數世界不可說不可說夢未見在何故  
不見道深固幽遠良久云百千雲水餐香飯  
盡是解黏去縛人

覺休李居士請上堂師陞座維那白推師顧  
喝云有甚麼第一義第二義便據座居士出  
禮拜拈香云求大師爲衆發明性地示上上  
機令人人普沾利益師乃云諸仁者惺惺着  
莫瞋睡瞋睡則落鬼窟裏去不是好事須要

着些精彩明白自己若不明白自己二六時  
中着衣喫飯總在生滅死屍裏過日子有甚  
麼用處你看當時雪巖欽一見高峰便問那  
箇拖你死屍來這便是棗柏大士云性戒智  
海不宿死屍一切生滅死屍至於根本智海  
皆爲智海無生無滅所以貴乎見性明心喚  
作箇人不然總是箇死屍前代尊宿苦苦勸  
你叅求知識只爲衆生以生老病死爲已受  
用以貪嗔五欲爲已莊嚴便教你叅箇話頭  
做工夫也不是槁木死灰須求妙悟始得又  
無奈何說箇庭前柏樹子乾屎橛要你言下  
領會不是流到今日做箇話頭的今日順天  
李居士發菩提心已久到處叅訪經歷程途  
不得因緣今遇老人懇求出家就曰覺休覺  
者覺一切煩惱死生根本了達自性圓明通

天徹地無彼此相無優劣想故金剛經云是法平等無有高下蠢動含靈皆入平等菩提道場不變初心祇如高超獨步擺脫羅籠一句作麼生道萬古碧潭空界月再三撈撻始應知

海岸覺休二居士祝髮請上堂師陞座喝一喝云萬樹秋風入院賒綠袍換得紫袈裟若千頭惱一刀盡性海澄清不浪花一言不發萬事皆如拈香畢乃云祝香已竟當說何法以利樂一切衆生頭出頭沒苦惱有情不知此道湛寂圓常卓然眼前爲何不知皆因五欲蓋覆甘爲下賤作持糞漢老人今日登此寶座爲新城黃司李海岸發心出家非一日兩日夙植德本般若正因入我法門鬚髮自落作大比丘這事舉示人不得如人飲水冷

三

五

煖自知絕後再甦欺君不得復舉石頭和尚一日命大衆剗除法堂前草丹霞捧水跪前石頭即與剗落丹霞到馬祖處入禪堂騎聖僧項馬祖云吾子天然便以天然爲號開先這裏也無聖僧項可騎也無象王可騎也無

獅子可騎且騎佛殿上忉利天兜率陀天與諸天子說且道說箇甚麼諦聽諦聽海岸出問云騎却獅子項時如何師云看尾巴進云如何是出家事師一喝如何是到家事師云非汝境界云大師曾到此境界麼師以拂子打○岸禮拜云明眼人難瞞師云珍重

薦覺休禪人上堂僧問不基諸聖不重已靈此人還假修證否師云那裏突出一竅進云上無攀仰師云且過一邊僧一喝師云再喝看僧禮拜歸衆海岸出問生從何來死從何

去師云向這裏會取進云死中得活時如何  
師云初三十一岸禮拜師乃云嗟乎痛哉覺  
休纔見披剃今日又見薦亡生死路長人欲  
苦回頭便是涅槃山覺休此去歸何處竹色  
秋聲月掩關大衆無常迅速剎那易世豈得  
不怕隨業動流無可據秋風依舊掩門時

遊金輪峰回大衆請上堂遊罷金輪峰歸來  
招隱坐大凡一切事體須得親到方知端的  
向南向北若不親到一回接耳聽來未免諸  
訛兼之疑情不解金輪峰昔來耶舍尊者自  
西域持佛舍利造塔於其頂常放寶光絕世  
珍重謂之金輪峰老人昨日去彼禮塔今日  
方回實不曾動著一步諸人還見老人去來  
麼若見老人出入即是諸人鬼窟裏活計何  
曾得見老人良久云樹頭黃葉盡應見遠山

青

結制上堂師至座前云稽首燈王如來普願  
微塵國土衆生同入般若波羅蜜門且道般  
若波羅蜜門作麼生入舉拂子云鑒便陞維  
那白椎竟師喝一喝云四十年來恁麼行新  
開碧落血腥腥其中果有希奇事獅子遊行  
不問程今朝十一月朔日結制爲衆人打些  
葛藤以了夙生現生來生無明窟宅生死結  
根然這箇總是閒言語一切衆生本來是佛  
何似雪上加霜大衆不得動着維那白椎云  
諦觀法王法法王法如是師喝云你也差我  
也差且無法王法也無法王說的法今日結  
制古來舊規不許交頭接耳不許亂走一步  
亂走一步打折你驢腰又不許作默照邪禪  
亦不得在鬼窟裏作活計只有本叅話頭切

魚二

六

要明白離心意識參絕凡聖路學問還丹一粒點鐵成金至理一言轉凡成聖金鐵即不問如何是丹師云大展坐具着進云還丹已蒙師指示至理一言事如何師云好似念經一般僧禮拜師拽拄杖下座

上堂師呵呵大笑如雷這一笑笑破諸佛鼻

孔虛空百雜碎老僧今日頭痛不得爲你說且舉古人現成公案不着佛求不着法求不着僧求作麼生會衆無語鵲鳩樹頭鳴意在麻倉裏好與三十拄杖喝一喝復舉僧問雲

門一舍不起還有過也無門云須彌山師云當時這僧若悟去將須彌山拗作兩極免遺累今日堂中四十餘座須彌山硬骨骨逼塞殺人去不得還有會的麼出來試舉看若不會老僧爲你頌破一念不起須彌山青天白

日鬼門關黃鶴樓前鸚鵡岸白蘋紅蓼血斑斑

蕭次公居士請上堂師陞座良久云我爲法王於法自在人天衆前說長說短有甚利益今朝爲吉安府蕭次公居士持淨資到山請老人說些淡話願其綿綿福壽念念貞祥天無迴轉之日輪海無逆波之湛水生生世世不昧福田作大檀越樹蓋護苾芻草安樂樂得心自在復舉昔日僧問雲門如何是和尚家風門云有讀書人來報今有人問老人如何是開先家風向他道微雲澹河漢疎雨滴梧桐下座

臘月八日說戒請上堂師陞座云今朝臘月八日釋迦老子成道師起身云稽首過現未來十方諸佛賢聖僧諸代祖師皆從戒而得

道復坐戒如空中杲日諸暗不能躲閃又如雄兵帥將帥不立干戈起也戒義如是戒爲成佛之基得道之源爲僧不可不受戒且道戒是甚模樣將何爲戒體戒體不屬有無等相光明橫亘十方世界若執世界是佛便有

魚二

八

成壞去來有善惡有分別之相不知戒無形狀故心體宛然戒無體性故諸佛出世亦無體性自知無心是戒無爲是戒無相是戒無取是戒無住是戒無漏是戒無諍是戒無生滅是戒戒爲非道非非道非非法戒性如是果能直下受持如空作響天下皆聞又如雷聲振地遠震十方菩薩子耳聽心受當堅忍持之菩薩子五戒沙彌戒比丘戒菩薩戒諸佛成道都打這裏過離不得五戒根本根本若虛求菩薩戒皆爲枉然自今受戒之後姪

殺盜妄永不再犯成就戒香定香慧香解脫香知見香十方諸佛所遺到今日各各自已守護大衆禮拜師下座歸方丈

透菴鄧居士請上堂唯一出問如何是第一義師云且緩緩云請更道師便喝唯轉身對居士云今日上堂特特爲居士聞居士有些見識古人云此是選佛場心空及第歸選佛場且置如何是心空及第速道速道士以袖左拂云未在士以袖右拂復座前禮拜師笑云多得的唯遂出法堂師乃云者位漢陽透

魚二

九

菴鄧居士看華嚴經至毘目仙人執善財手善財得無數三昧向這裏打失特來開先見老人所謂欲窮千里目更上一層樓這事原非兒戲須是真參實悟不是死丁丁雙眼看鼻頭亦不是長連床上學空頭話聞羅王到

來如何打點他如今世間都是絡絡索索有許多葛藤自稱奇特瞞騙龍天似有所得問他得箇甚麼開先這裏則不然比山當面來白拂隨手轉下座

西林一如律師請上堂師云諸人還會第一

義麼喝一喝今日恁麼明日不恁麼來來去去上上下下有甚麼要緊有耳不聞圓頓教有眼不見舍那身汝等諸人作麼生會不須向外馳求當下叩已而參而今人只會打妄想爭人我不肯向生死上用心其中有大根器者決不向這裏耽閣過時如虎生角如龍獲珠逢山遇水自有方便見客迎賓拈起便用俗情世諦付之鄱湖且道楊子江又作麼生老人在裏許半月今日分明舉似  
辛巳元旦上堂師至座前云昨夜鐵牛生獅

子今朝滿面是光輝喝一喝遂陞莫謂古人無奇特今人奇特勝前人今朝元旦特爲慶讚當今皇帝惟願淳風滿國德氣充方百姓謳歌太平天下柴不荒米不貴風調雨順五穀登即此是香供養聖君萬歲萬歲歛衣就座乃舉西天目斷崖和尚偈云大地山河一片雪日出後相見太陽一照影無踪前山後山青從此不疑諸佛祖着甚死急有何南北與西東山是山水是水喝一喝云到這裏容註脚不得爲甚如此者事人人脚跟下大須仔細如紅爐上點雪相似好則好矣美則美何方不可是歸期只爲路窮山更杳可憐墮落作奴兒珍重

魚三

十

解制上堂結制何如解制奇春風南北各樓遲村中乞食無些子一片饑腸一首詩六十

五日前從何處來六十五日後從何處去是大神咒是大明咒正當六十五日內在此中作什麼若有相應者出來舉似老人爲汝證明如無甕絆婆訶今日打開布袋一任諸人東拋西擲橫行海內假如撞着黑面老爺切莫道開先解制來

過潯陽江州見任別駕陳司理嚴德化令劉彭澤令謝德安令徐衆居士等捐資設齋於能仁寺爲太守君平張公祈嗣請師上堂師至座前執疏云今日公案不必問如何若何遂過疏云以此爲驗維那宣畢師一喝遂陞有僧出問師隨聲便喝云全體恁麼去全體恁麼來阿剌剌阿剌剌一語相投善法堂百千天子施禎祥山河永固田蠶熟處處笙歌樂帝鄉此一瓣香專爲當今萬德之至尊發

廣大心永護三寶闔朝文武各省官僚隨心適意滿足無疆據座乃云諸佛出世爲衆生淪溺苦海現出若干奇特譬喻方便欲令衆生知自性圓明本來清淨不假雕琢觀體是佛衆生惡知惡覺如絲如麻何時能得清楚今日張公君平清正如霜得無子乎古人云天得一以清地得一以寧太守得一子門紹先德里輝後榮即此世間法即此出世間法無二無二分無別無斷故天上天下護法善神終不相違自然諾諾書記大中問大師今日舉揚爲張居士祈嗣世諦佛法如何得槌兩當去師云你道釋迦老子即今在甚麼處進云恁麼則石筍抽條千萬枝也師云不爲分外云只如子歸就父又作麼生師云特地一場歡中禮拜云團團共說無生話師一

喝中歸位居士問只如張公祖多男之囑當  
生幾子師云兩箇進云父母未生前也須通  
箇消息師舉拂子云向者裏會取云生下後  
如何師云惡水驀頭澆士禮拜師云久立珍  
重

崇禎己卯仲冬二十五日應天大京兆錢元  
冲張二無璽卿趙二瞻柱史方孩未大中丞  
余集生太守蔡明藩朱向之孝廉王夢蘭張  
孺合文學范爾培范起叔余子揚暨諸士紳  
大衆等請住靜明禪寺師至法座前古佛堂  
中香一爐談玄說妙有文殊老僧到此無言  
說只有門前水滿湖遂陞拈香云半夜月明  
時正好相隨漁父過瀟湘業風吹入靜明寺  
未免拈香祝帝王歛衣就座維那白椎竟師  
喝一喝顧左右笑云好箇第一義被維那擊

魚三

十三

得百雜碎了也且作如何話會乃舉楊岐云  
楊岐乍住屋壁踈滿床盡撒雪珍珠縮却項  
暗嗟吁翻憶古人樹下居今日老僧則不然  
靜明乍住屋壁踈且無床鋪撒珍珠不縮項  
不嗟吁高枕天明唱哩囉且道與古人是同  
是別會麼會則與你一箇大窟寵不會與你  
一箇小窟寵乃呵呵大笑云老僧今日葛藤  
留與諸方作話柄集生居士問大師今日靜  
明寺開堂還有奇特事也無師云有進云如  
何是奇特事師云案山高似主山云謝師答  
話師云放你三十棒士禮拜問頂上開門不  
見身時如何師曰劈破骷髏云劈破後如何  
師云血淋淋地云如何受用師云喫茶喫飯  
云人人喫茶喫飯爲何不得受用師云飯裏  
沙僧禮拜師卓拄杖下座

崇禎十三年庚辰前正月朔旦石布衲余集  
生請上堂師陞座拈香云今歲欣逢也大奇  
春風兩度上梅枝拈香祝聖無多句國祚遐  
昌萬壽期就座石布衲出禮拜云今年春王  
兩正月元下起元旦而復旦分明國運長新

三

十三

佛運長新之兆恰值徑山大師七十初度行  
化京都以希有之年遭希有之時說希有之  
法從此壽國壽民兼壽世化日舒千古長春  
頌萬年總在大師法輪裏轉弟子裕拈出一  
瓣新香特地啓請師舉拂子呵呵大笑乃云  
拂子無端抹過東海鯨跳上忉利天宮觸着  
帝釋鼻孔帝釋打一箇噴嚏善法堂中風窓  
亮榻同時放光帝釋大怒此是何人家拂子  
到此放肆拂子答云我是隨徑山老人到金  
陵爲提唱宗旨不覺慶快冒犯天帝帝曰善

哉拂子爲衆竭力拂子答云堪嗟末法之徒  
聰明者多見性者少鬪諍人我角立門庭惟  
以一棒一喝爲躲身符子拚盲亂統謂之大  
機大用或將古人公案妄意穿鑿記持相似  
言句取辯舌快當作機鋒欺罔先聖魔昧後  
昆悲哉痛哉此邪法矯亂正宗時也九牛莫  
能挽之我徑山老人目不耐見不得已向孤  
峰頂上盤結草菴高提祖印號令人天豈徒  
然哉帝釋大喜合掌讚曰善哉拂子善說法  
要爾時諸天雨大香花遍散虛空拂子歡喜  
作禮而退帝釋曰拂子來來我有一問寄與  
徑山大師如何是新年頭佛法拂子歸舉似  
老人老人答云今年蠶麥好天下太平時師  
良久復舉張拙偈云光明寂照遍河沙到不  
得這裏凡聖含靈共一家不入這保社一念

不生全體現是箇甚麼六根纔動被雲遮有  
何不可斷除妄想重增病不必不必趨向真  
如亦是邪你往那裏去隨順世緣無罣礙果  
然涅槃生死等空華說夢的人好與三十拄  
杖此是如來禪始得祖師禪未夢見在若論  
張拙秀才此偈則石布衲亦可入傳燈也衲  
出禮拜云大衆證盟師云許你是半箇聖人  
云那半箇聾師云三平云這莫便是雲門目  
機鉢兩麼師云瞎云透過雲門一字關又如  
何師云重疊關山路云恁麼則後人斷絕去  
也師云何不領話衲禮拜歸衆又僧擬伸問  
師云去去西天路迢迢十萬餘便下座  
大師壽誕濟生菴監院我空請上堂諦觀辛  
未年前事徹夜思量淚不乾雖然父母未是  
親誰是最親者祖佛非我道誰是最道者大

第三

十四

衆看他古人語話大似滴水滴凍老人記得  
小時騎竹馬三三兩兩打瓦鼓呵呵唱哩  
囉跳的跳舞的舞一回歡笑一回苦可憐生  
逐年老去今七旬記取將來九十五咄重新  
拈起舊家風趙州何曾像得我豎拂子召大  
衆云還見老人手中拂子麼還聞拂子說法  
麼既不見不聞汝等尋常所用六根俱成虛  
妄以何爲主不見華嚴經云刹說塵說熾然  
說無間歇復高聲云紮得髻根牢便休一朝  
何用兩梳頭大抵還他肌骨好不搽脂粉也

第三

十五

風流

庚辰二月初十日出山赴黃司李開先請即  
日余集生暨諸士紳等請上堂海岸居士問  
如何是佛師云畜如何是西來大意師云彼  
彼有分如何是初生一句師云拋不出如何

是成佛一句師云誰是成佛者如何是出山一句師云錯如何是進山一句師云開云如何是不涉程途一句師云且禮拜着士禮拜歸衆師乃云七十年從何處來浙江山水亦悠哉喜逢海岸今朝至眼上眉毛不用猜諸仁者既是恁麼現成爲甚構他不得只爲因循五欲沉溺生死你若猛着精彩十方坐斷那裏見有世數短長千歲百歲衆中還有不顧危亡善能拈頭作尾者麼試出來道看衆無出擊拂子云今日開舖全無主顧收拾下堂閉門打坐便下座

普說

人之用水即用得一味海水無別有水或曰此去大海程途數量莫知幾何何得便言是大海水莫妄談耶諸仁者有所不知我謂汝

等微細分割海之因地夫世間之山水川林沿邱壑洲潭乃至百川異流微細一滴一勺大流小流無不全歸於海何以故海極低極卑極廣大極平易極汪洋極忍辱極清淨不可思議無邊無際無涯無畔第可萬派歸海而海之水一無滲漏內藏魚龍毒蛇蝦蟹種種不可說異類差別水獸曰海牛曰海馬曰海羊曰海猪其數無量不可說異名不可說不可說差別眷屬何以故海之廣大人莫能知人莫能測窮量不得思議不得異類衆生各各不相知各各不相到你不得礙我不礙你水爲屋宅水爲被褥無分別無異念無晝夜皆困於海無所動搖海亦不知自稱曰海何以故以要言之海乃佛之不動智不動智廣大莫測無表無裏無去來無今古先天不

有後天不無不動智者空智也空智乃諸佛諸祖之根本智何以知之根本智圓明發生差別智我說用一味海水者海無遠近故不期時隨緣發生生無相故海體常寂常寂故無生無生故曰不動智也因其不動智海而

魚三

十六

入一切流動江淮種種差別異流嗟嗟海之靈妙不可稱贊功德不思議故現前一切衆生畢竟不知自己身心從曠大劫來無明所使執身有我出生三毒資長無明受結煩惱沉淪苦趣頭出頭沒無有了期何以故蓋謂衆生信不及故本來是佛福淺業重故無德相故障深故不知自己身心元是清淨妙淨明心出生山河大地自我真常一葉一草皆是自已之真性妙明無有別物何以故世間所有之法本不曾生本不曾滅經云知是空

魚三

十七

花即無流轉因執着故有捨離故空所以圓覺經云知幻即離不作方便離幻即覺亦無漸次言其前境虛幻不實有故衆生癡執以爲實有生死淪溺由此而得一人發真歸元十方虛空悉皆消殞虛空本不曾生滅何勞消殞但消殞自己曠劫無明成大般若歷劫生死成大涅槃方知日用事無別頭頭皆是自家珍無一法從外來無一法從內出前所說一切水投入大海全是一味也隨意作用任性施爲不是心不是佛不是物祖師鼻孔放向無陰陽地上一憑風吹日炙爛壞也好不爛壞也好自恣之日已過明晨七月初一了好清秋涼夜各各自宜精進勇猛勿生懈怠我常謂汝等說六根無性意識無主心似狂猿暫無一

時休息冷地著眼四大毒蛇同一舍宅若各還本根畢竟無人誰爲是我諸仁者切莫貪安閒逗到臘月三十晚看你如何去得老人今有箇譬喻舉似大衆須彌山畔去此四百四十由旬其地方晝夜放光日則不見其夜人民俱見彼方放斯光明其來久矣日則不見何以故晝有日光不見夜即可見衆皆不決遞相告曰去此彼方不遠我等發勇猛力精進力尋光到彼已經十載到彼無獲不知光明從何地起更進數百里許偶夜其光即現如大日輪光相以從地發一切人民皆在光明中不知不覺衆人相謂曰欲得此光明畢竟有寶物在下如何得之計議三七日了無法則有地神從地湧出而相告之曰諸仁者世所希有世所難得如是信心如是勇猛

如是決定如是精進我知仁者身疲力倦將欲退還我作方便令仁者獲大寶光欲得斯光明必當執持器械鋤斧鈎鋤離光明外鑿地開廣七尺深七尺諸仁者各各勇猛破土鑿地又經十年已求寶光不得心生懊惱我等既來此喫辛苦若干不顧風霜上無遮攔下無安息之地惟草莽中澹泊經廿年矣豈可不得空手而返中有一人有大智慧得大自在安慰諸人兄弟不要退心不必疑慮只是我們用心不親切若一心開鑿拚只一生進去無有不得寶光明而歸諸仁更精進鑿地如故惟見一鐘作金玉色其光湛寂如琉璃世無可比諸人相告曰寶鐘已見不得起來奈何愁苦無量地神復相告曰諸仁者勿苦再鑿七尺下立用鋤鈎鐘中乾泥漸漸鎔

化鐘頂有門向須彌山左尋金剛際水上灌  
中間土潤向中心用力頂穿四面土濕其上  
鐵索堅牢用千人萬人盡其信力齊心一扯  
土泥自脫鐘心自空懸空無礙諸人依地神  
說再不生退悔各各努力手攀鐵索競共一  
扯無二寶鐘離地泥沙脫盡回地自吼響振十方  
十方佛祖曰今日東土衆生獲此如意寶鐘  
寶鐘即作偈曰善來諸仁者欲見我金身我  
以沉溺土得幾千萬劫心無嗔恨故歡喜於  
是事今仗諸仁力出脫塵沙土心生大歡悅  
作大師子吼以方便力故光明始見我屢生  
積惡習或復貪嗔癡或生大我慢輕薄於一  
切或生大貢高下視諸仁者墮於淤泥中經  
百千萬劫今乃離此報一斷皆永斷不一亦  
不二

若論宗門一事甚爲希有悟此宗者直接西  
來穿過十方諸佛鼻孔歷代祖師骨髓無奈  
末法下衰依依徬徬彷彿自稱悟道少  
有一兩句文字寫得幾箇字咬嚼不進的公  
案無縫罅的語句問他他便解說支吾此乃  
義學之流杜撰長老也閻羅王殿前打鬼骨  
髒有日在前代祖師豈無文字如六祖一丁  
不識說出無非文字大慧中峰語錄再要如  
何妙文字他是得的人胸中流出謂之般若  
非文字也今之所謂文字不過窓下吟哦心  
意識卜度得來非是般若口吐黑烟人天見  
過當時風穴沼禪師見南院百問百答南院  
無奈伊何末後問風穴南方一棒作麼生商  
量穴云作奇特商量風穴落節也穴問和尚  
這裏如何院云棒下無生忍臨機不見師作

家作家穴便禮拜此乃理能伏豹徑山昨問  
禪和子今時棒喝者在南院邊在風穴邊僧  
不能答徑山代云若論今日棒喝何似趁野  
鴨子古人云盡大地撮來如粟米粒大拋向  
面前漆桶不會打鼓普請看徑山則不然盡  
大地拈來似箇彌勒布袋聖也在裏許凡也  
在裏許祖也在裏許佛也在裏許魔也在裏  
許外道也在裏許六道四生也在裏許杜撰  
長老也在裏許春禽夏蟲橫橫斜斜唧唧亂  
啼的也在裏許只不許他動動一動不消徑  
山一捏粉碎你這些冬瓜瓠子那裏安身立  
命且道與古人相去多少毫釐有差天地懸  
隔

到龍池掃塔衆請普說多年不到龍池今得  
得到來掃先師幻有大和尚塔不妨拈出當

卷二

二十

年參請機緣某自雲門普濟寺得地以來住  
雙髻數載有瓶窰聞谷見龍池歸後過我雙  
髻道及龍池機緣次年方去叅請受戒入門  
便問先師佛不見身知是佛且置如何是若  
實有知別無佛先師答云有了你沒有我某  
即禮拜先師云雪嶠不得老僧道次年又見  
先師先師豎一指問會麼我道這箇喚做甚  
麼師微笑自此三登龍池先師問你草鞋猶  
未脫也我道何處見草鞋來師又微笑某即  
呈偈云數載龍池三度登重重問話舌生冰  
草鞋分付虎狼去雙髻峰頭一箇僧這些機  
緣是從上諸祖傳佛心印的的心髓樹高千  
丈葉落歸根豈可辜負先師宗門中事有時  
作賓有時作主有時賓主齊彰有時賓主雙  
忘此是臨濟家大機大用人天莫測但憑徑

卷三

三

山作主諸人安得摸索近今佛法凋殘宗風  
凌替不知是男是女是聖是凡何敢如此錯  
落般若性中原無奇特要向自己脚跟下理  
會得穩穩當當向青山茆屋中三十年四十  
年習氣自然白淨心地自在隨問隨答或隱  
或顯無不是祖師西來大意如今亂做者半  
青半黃半生半熟取辱先宗殊爲可歎珍重  
十方虛空衆生共有同一慧命同一性靈衆  
生出沒於其中了無影響衆生名字亦虛空  
也身心形儀亦虛空也何影像之有哉譬如  
幻師家套筒向十字街頭搬弄幻術拈出男  
女種種等形不可言無究竟不可言有了無  
一法原是空套子耳奇哉怪哉十方齊空而  
無實義衆生男女本因幻生既稱幻生名字  
亦幻幻無幻者是則名爲大圓鏡智大圓鏡

智者衆生根本智也名相則有悟則全空第  
一義空者情無情生滅性悉皆空故所以云  
佛身充滿於法界衆生日用莫不在如來身  
中蹴踏地獄天堂莫不在如來身中建立衆  
生生死莫不在如來身中出沒往來乃至毛  
孔窄狹悉是如來放光說法處故曰坐微塵  
裏轉大法輪譬如摩尼珠隨方各見好形異  
形莫不現於圓滿寶相故曰天上天下惟我  
獨尊豈饒衆生徹底悟去猶是如來佛身中  
奴兒婢子何況迷悶衆生坐他蘊薈中飲他  
殘涕奴兒婢子不亦卑乎今乃末法下衰宗  
風零替何日報佛深恩擊揚祖道傳佛心印  
普天匝地迦葉阿難剎竿重爲扶起  
若要參禪了脫生死先要辦箇久長心以悟  
爲期這箇事不同草草苟無真心實行饒你

坐折了腰瞪破了眼總是箇騙飯吃的無主孤魂於佛法何補哉而今日前有一等假宗師口說胡話以飲食衣服爲自己受用向人前自稱悟道魔昧人家男女一般要上堂小參這瞎禿奴瞎驢瞎狗瞎野狐精瞞瞞諸方

魚二

主

不知明眼人如見其肺肝教他有時薄福謝而果報現方知謗大般若如此靈驗死後怕你不入阿鼻地獄裏去那時你還下得語魔昧得人茶話普說得麼上堂拈古頌古徵古代古闢古得麼閻羅王只將一百二十斤鐵枷枷你出來十字街頭示衆且道閻羅王爲甚麼發嗔只爲要你改過做箇法門好人勿將欺心瞞天昧已誘引清白後生作眷屬改名改號如是黑心黑肝爲得人天師範麼還肯依徑山恁麼好話麼若肯依而改過何勞

魚三

三

更到那邊喫許多生受又有一等坐禪者影也不知功夫怎麼樣做亦不肯參請諸方只管在裏許趣閑打擲瞋瞋睡睡過了日子已謂我是箇禪者可憐生又有一等伶俐而不悟者過在他尖尖滿滿噎着一肚皮大底大滿小底小滿有如是過患所以難得其人你若要來長連床上將養無明須帶一片牛皮馬皮纔坐時便覺穩貼貼地不然被他聖僧看不過惡發管教他鑽地洞無處在如此躲根禪奴剗避禿兵到這裏十指不彈水百事不干懷現成喫了有甚慚愧嗚呼末法時杜撰宗師轉多癡眷屬轉盛悲夫做工夫人不得力無有別理會只爲他冷一日熱一日或東西或南北猶如狂狗相似癡獸獸心王不定如此作禪和子喫鐵棒有日

在莫說今生不了直待彌勒下生敢保未夢  
見祖師西來意在今時諸方有幾箇長老說  
禪說道是爲人處孰不知自己脚跟下浮逼  
逼地這樣禿奴喚作門頭戶口假名宗師幾  
時能到古人境界臨濟和尚有四料揀奪人  
不奪境奪境不奪人人境兩俱奪人境俱不  
奪你旣作人天師範向此四句中對面定當  
得麼若一字不着便莫說作臨濟兒孫未得  
作一切衆生奴未肯要你在時有僧便問如  
何是奪人不奪境春花眼暖野水渺茫如何  
是奪境不奪人小橋扶過東籬下影跡渾無  
鳥語聲如何是人境俱奪黃昏雨後窓無月  
不見門前犬吠天如何是人境俱不奪太平  
日月光天德一統山河壯帝居僧禮拜復云  
雙髻如此答且道成得箇甚麼事好將柳絮

枝頭弄誰作堤邊歌笑人吐

雪嶠禪師語錄卷第二

音釋

唄薄邁切音鵠薄沒切音紫側入切音豹布悅切音  
似虎似虎切音

二

二

雪嶠禪師語錄卷第三

魚三

參學門人弘歇等編

小參

鹿城衆居士請補園小參師云竿木隨身逢  
場作戲住山久長無事可做擊拂子云總在

第三

白雲野水邊吟哦過日黃葉秋風堆裏逍遙

當時黃面老人云我無法得阿耨多羅三藐

三菩提是何言歟然燈佛與我授記號釋迦

牟尼呵呵大笑云題目分明

崑山魏子韶居士請小參師陞座云法王法

座隨處建立法本無法心從何有喝一喝云

達磨西來大似眼裏撒砂以拂子打○相云

到這裏無你開口處說甚麼祖師咄

王原達居士請小參師陞座云有一人超出

佛祖千聖莫能窺諸祖不敢正視良久云諸

人要識此人麼只在汝等動用中還會麼會

則不妨出衆道看舉洞山茶次問泰首座有

一物明歷歷上拄天下拄地常在動用中動

用中收不得過在甚麼處泰云過在動用中

洞山喚侍者撥去菓子桌師云當時首座恁

麼下語至今還有下語者麼如無徑山爲伊

下箇註脚過在動用中不得菓子喫洞山太

無端咄咄咄咄咄

黃介子請小參今日居士爲祖母姜氏媳婦

駱氏請徑山登此寶座說些葛藤追薦二位

往生天界不墜淪溺還會麼舉佛偈云見身

無實是佛身了心如幻是佛幻了得身心本

性空斯人於佛何殊別徑山則不然鮎魚水

底聚鷄子貼天飛會得此中意成佛更無疑

師云今日李會嘉居士爲先太僕卿亡忌之

辰請老人登座說法汝等諸人還知太僕卿  
着落處麼昨夜東鄰踏月回蓼花楊柳向人  
來分明一段好消息爭奈時人眼不開

朱葵石居士爲先司寇廣原公生忌之辰請  
對靈小叅師以拂子打○相云性海澄清靈  
源湛寂祇爲一念風生便見漚華起滅須知  
起惟法起滅惟法滅如千波萬浪相續不斷  
起時不言我起滅時不言我滅是故智者即  
千波而觀止水生死本空諸法無實從上佛  
祖從此一門超出證大涅槃利濟群有名了  
事漢廣原居士乘般若願力現宰官身護持  
法門道德風香功名蓋世出世間無不了  
了祇如不昧本因一句作麼生道雲中生石  
笋火裏發青蓮

結制小叅師陞座經云有一堅密身一切塵

魚三

二

中現山河大地日月星辰豈不是塵四大五

蘊六根六塵豈不是塵而今衆生但知是塵

不知在塵中現的堅密身當日釋迦文佛雪

山六年觀明星悟道只悟得這堅密身長慶

捲簾也悟得者堅密身香嚴擊竹也悟得者

堅密身玄沙掣指也悟得這堅密身即今在

此結制無非要悟這堅密身果然悟得長連

床上喫粥喫飯伸脚打眠有甚麼過遂豎拂

子云大衆還見拂子頭上堅密身麼若向這

裏見得何用老人叨怛說者些絡索還委悉

魚三

三

麼良久震聲一喝云截斷葛藤

生于中國得爲人身便是無量福德無量受

用必須超脫生死切莫被三毒五欲裹送一

生忽爾臘月三十日到來將何抵敵這回失

脚翻身黑漫漫的馬腹臚胎鑊湯爐炭無人

替你且道如何得超脫生死去聲無論忙閑  
夢寐之際將一箇乾矢橛牢牢捏定不得暫  
時放捨如雞抱卵如龍護珠日久歲深一朝  
戾斷命根摸着娘生鼻孔便見天地同根萬  
物一體了也叅

師登座云結制來十日了也十日內在此作  
麼生還有得些血氣者麼出來舉似老人爲  
你證據衆無語良久云有時教你揚眉瞬目  
有時不教你揚眉瞬目有時教你揚眉瞬目  
者是有時教你揚眉瞬目者不是子作麼生  
會且教他去西天十萬八千里踏得脚板爛  
似鄱陽湖待草鞵繩斷漫漫與你說莫喚他  
冢殘羹剩飯男兒丈夫漢自有驚天氣概何  
不會取定要依古人蘇三斤乾屎橛做甚麼  
雲門大師云扇子踔跳上三十三天築着帝

釋鼻孔東海鯉魚打一棒兩似傾盆子又作  
麼生會到這所在如蚊子上鐵牛無你下嘴  
處而今時節衰落衆生福薄肯向這裏如生  
大病相似一時一刻過活不得逐日揩磨將  
去少有相應分即今大衆還有相應者麼衆  
無對復云十五日再作商量衆禮拜遂歸方  
丈

祖師云和尚子莫被人瞞且道受那箇瞞日  
用中光明卓然無絲毫相隔時時刻刻用着  
他受那箇瞞認着臭皮袋是我便被瞞了  
也更無第二人謂之自欺自瞞所以不得見  
道古人云若人識得心大地無寸土十方世  
界全身是佛全身是你全身是我怎麼說話  
急須漱口三日始得又云佛之一字吾不喜  
聞佛既不可聞衆生名字又可得聞只爲衆

生識情自隔故云情生智隔相變體殊若肯

一念回心便見清淨故馬大師云不是心不

是佛不是物不必道是箇甚麼若道是箇甚

麼又是物了也不是心不是佛不是物直下

領會去好你若悟去馬大師在你脚底南泉

魚三

和尚云心不是佛智不是道教中所謂寧作

心師不師於心心如工伎見意如和伎者故

云心智不是道方便呼爲智向言下薦取何

等省力不是定要三年五年十年二十年古

人逐日挨去辛辛苦慙三登投子九上洞山

却成年月了也即同汝等一般又如織機之

人工夫一日不廢云心不是佛智不是道一

法不立便是能仁又不同空見無知死灰外

道急薦取好光陰易過人命無常你看妙喜

老人前後際斷尚有公案不透舉樹倒藤枯

魚三

五

句歸何處云相隨來也方打失鼻孔又不了

產婦因緣直到虎丘誦華嚴經至第八地菩

薩無功用行方得了然即乃頌出花陰山前

百尺井內有寒泉徹骨冷誰家女子來照影

不照其餘照斜領頌得何得分明而今做工

夫人髑髏不乾情識不斷拖了死屍在這裏

觸着便是無明何不放下退之又退着眼看

只在這裏不在遠纔曉得馬大師說話的的

實實久立珍重

江州大守張君平居士請署中爲誥先人對

靈小叅師云汝等亡者各須諦聽或遠或近

或生天或在六道者無本可據皆因汝等平

日打在妄想五欲內混過了日脚今在那裏

安身立命可惜許一道亘古不昧之性靈竟

然不知具有夙根靈骨者自然歡喜信受我

語若生天者福盡還墜不如生在世間做箇人好信心堅固迴向菩提日後永爲道種汝之形骸雖有盡期汝之真性無形無段無滅無生觀體現前是佛四大幻軀如水上浮漚汝等不覺所以輪迴六趣皆業識也既受我開示後好好托生良善人家去好語不用多記取記取

晚叅

舉臨濟在黃檗三次問話三次被棒一日辭檗云不須別去竟往高安叅大愚去濟至大愚舉前話復云不知某甲有過無過愚云黃檗與麼老婆心切爲汝得徹困更來者裏問有過無過濟於言下大悟於大愚肋下還拳這就是時節因緣第一箇樣子也靈雲三十年不知踏破多少草鞋忽擡頭見桃花刺

眼便云三十年來尋劍客幾回葉落又抽枝自從一見桃花後直至如今更不疑這就是時節因緣第二箇樣子也古人有這許多樣子在汝等冬瓜葫蘆滿堂都是飯袋子那得如臨濟靈雲這樣漢臨濟當日空洞洞一條肚腸問話尚然不曉豈似汝等齷齪齷齪一肚皮妄想無明痛癢不知那得心空及第果有真實叅究者出來老人與你證據僧問云某甲看一口氣不來向甚麼處去師云向地獄裏去云是某甲叅的話頭師云野狐精我這裏不叅甚麼話頭只要直下承當問某甲看誰字語未終師罵云是你家十七八代祖宗先靈僧擬議師便打復云你是那裏人云杭州人師云杭州人無佛性云大師有佛性麼師云者不唧溜的漢問某甲看麻三斤師

云何不向七斤半裏去僧無語師云立地死  
漢僧禮拜退復舉當年陳尊宿織蒲鞋養母  
雲門扣見尊宿開門便推出云秦時轆轤鑽  
雲門折一足因大悟你看尊宿向他說甚麼  
便悟去如人飲水冷煖自知盡十方世界是

魚三

七

箇話頭觸着便是佛境界庭前栢樹子麻三  
斤流到今日喚作話頭是你們貪嗔癡障了  
悟門與古人分作兩極大衆時光易過急須  
努力衆禮拜師歸方丈

師云說法有所得是名野干鳴說法無所得  
是名師子吼若論正法眼藏人人具足無一  
欠少使用自在情與無情無不具足故云蠢  
動含靈皆有佛性會麼東村王十嫂相罵到  
天明復舉趙州和尚云金佛不度爐木佛不  
度火泥佛不度水真佛內裏坐這說話逗漏

不少復高聲云大衆真佛甞趙州和尚前後  
相違說道佛之一字吾不喜聞今又說真佛  
內裏坐這箇趙州不怕後人簡責開先問伊  
你將甚麼作內作外內外既空又作麼生坐  
諸仁者還會麼衆無語三十拄杖一杖較不  
得

茶話

徑山國一家風冷落數百餘年矣今欲重提  
祖印爲衆舉揚撥開生死重關托出最上一  
着還有沒氣息漢與徑山拂子相見麼若真  
獅子兒不妨出來露箇消息僧出禮拜師便  
喝僧無語師便打海岸居士出問云如何是  
入門一句師云矮矮小小進云如何是出門  
一句師云長長大大云如何是不出入门一  
句師以拂子畫一畫云截破舌頭如何是天

上佛師云問取燈王云如何是地下佛師云老僧即今在甚麼處云如何是驢胎馬腹中佛師云喚居士作驢馬得麼云大師亦是師作驢鳴士禮拜僧問一口氣不來時如何師連聲唱云三滿哆母駄喃復云箇事甚是尋常只在喫飯穿衣因衆生心量差別佛說差別法喻如銀汞一把撒去顆顆皆圓及至收來原是一顆雜華經云若人欲識佛境界當淨其意如虛空遠離妄想及諸取令心所向皆無礙此偈佛已說盡老僧今日又在此葛藤復舉永明禪師云有禪無淨土十人九蹉路永明忒殺無禪有淨土萬修萬人去說甚麼三家村裏事有禪有淨土猶如帶角虎去却角來與汝相見無禪無淨土鐵床并銅柱不妨乾淨士云曾得無禪無淨土意鐵床銅

柱也好即今大師在鐵床銅柱麼師云放了我放了我士云幾時得出師云要你相救乃云直饒百萬億箇問頭一時問來只消老僧一拂直下冰消瓦解喝一喝云有意氣時添意氣不風流處也風流願浩寺裏三日三上堂是爲希有是爲難得諸方聞之也不知是佛法也不知是世法夫參禪學佛者要在真心篤志真心實行若無真心參之則虛若無篤志行之則假古人生死心切晝夜徬徨一日挨一日無可奈何二十年三十年這般苦楚方能成佛作祖報佛深恩爲甚如此只爲他信得及而今人到我面前便說爲生死事大生死二字掛在唇皮自家滿肚齷齪要向人前搖擺擺假模倣樣可憐生及至驗他如煤似墨縱然亂統幾

句總是尋行數墨冊子上學來的毫沒相干  
敢保他日間羅大王喫鐵棒有分在這件事  
若無苦心決不能廓徹清淨前後際斷若能  
真實苦心自然得見自性清淨自性清淨便  
見十方諸佛清淨與十方諸佛同一慧命同

一鼻孔同一苦行方可人天衆前呵佛罵祖  
貶駁諸方你若自性不明學得來的一局便  
了有甚交涉他悟的人如長江大海容之則  
萬派全收放之則千波競湧乃至萬語千言  
無非是祖師西來大意昔日黃檗大師道還  
知大唐國裏無禪師麼有僧便問云諸方匡  
徒領衆又作麼生檗云不道無禪只是無師  
應在今日矣良久云適纔老人說這些話若  
論世法則不無若論佛法遠之遠矣

舉僧問趙州一物不將來時如何州云放下

着僧云一物不將來放下箇甚麼州云放不  
下擔取去諸仁者夢醒也未釋迦老子叮叮  
嚙嚙打了許多葛藤達磨大師西來恩大難  
酬說箇直指人心見性成佛早不着便總是  
方便接引之詞若向釋迦未生達磨未來討  
箇分曉猶較些子如何是佛新窖坑如何是  
祖師西來意七八若論本分那裏有箇元字  
脚目前山河大地乃至十方世界是你諸人  
全身蝦跳不出斗良久云還有人會得麼衆  
無語師云且歸堂喫茶

臘月二十九晚堂中請師喫茶分歲師云一  
切世間爲箇爲客者不論千里百里俱要趕  
到家惟老人無家可到何故這裏無你棲泊  
處假若三十晚到又作麼生自代云千聖同  
途不同轍還有相隨者麼自代云拄杖子復

云大衆明日三十晚大須仔細遂歸方丈

師云今日三十日一年光景今宵盡明日重新發道心雪點樹頭花萬朵旃檀香氣滿山林百年三萬六千日總離不得今晚且道百年三萬六千日從那裏數起縱使釋迦老子

卷三

+

達磨大師出來口如磔盤舉僧問趙州如何是道州云牆外底僧云不問者個道問大道州云大道透長安何等直捷盲龜瞎鱉怎麼不會明明白白一條路只爲太近了可憐生冷地看來一些事也沒有爲甚麼終日浩浩地若是悟的人橫也好豎也好噴也好喜也好楞嚴經云本是一精明分成六和合動也不要動着這所在只爲你脚下泥水太重千言萬語叮叮囑囑要後代兒孫成家立業述相傳授光耀祖燈若自負我聰明我智慧得

卷三

十一

些光景只管嚼蛆明眼人見之惡心嘔吐徑山所以安安單單住山藏頭縮尾難道將悟之一字就在胸中忽爆聲即云依侬似曲纔堪聽又被風吹別調中便歸方丈

金陵除夕茶話石布衲出問除夜佛法請大

師道一句師云蠟燭是蠟燭梅花是梅花衲

云新年佛法請師再道一句師云且待明早

來師轉問衲云如何是除夜佛法衲云爆竹

驚山鬼師云如何是新年佛法衲云炊香接

道人又問子揚居士士答前語云癡獸連夜

賣答後語云貧鬼一時驅侍者問昔日北禪

分歲烹個露地白牛今夕大師分歲還烹個

甚麼師云烹個甚麼者云這個是常住公物

不是大師自家的師云你那裏學得來者云

大師合取口喫茶好師云你問我答有甚麼

過師復問侍者云月窓梅影時如何者云請  
大師看師云七縱八橫去也者云怎麼則惱  
亂春風卒未休師云楊花撲地來便禮拜  
示衆

青山白晝泉石松雲鷲面相逢吾不知其誰  
家之子做工夫人若肯向這裏會得便可穩  
坐家山不必更去那邊閒言長語討辛苦喫  
如或未然切勿脫空妄語死骷髏上作活計  
怒雷擊碎須彌石化作大洋海底雪泥牛吼  
木馬嘶拔出波斯眼中楔春晴桃李盡風流  
在處綠楊黃鸝擲惟有住山人打眠平生佛  
祖無交涉無交涉山花處處流鮮血拍膝一  
下云嘆  
大衆還知徑山決定姓朱麼汝等諸人姓個  
甚麼若有姓出衆舉看如無徑山與諸人下

個註脚元宵定是正月半更聽一偈村中樂  
穠穀馨糠滿竈脚烘被褥烟火香一覺天明  
樂不樂黃柳烟空索索鴻雁田中喫大麥鷺  
鷺怪煞紅老鴉各自枝頭去酬酢吐

汝等要疑情起驢年去夢未見疑情是個其  
麼物了生脫死不是好喫的果子須得斷情  
絕義大忘人世雖着衣喫飯何似有氣的死  
人無分南北胸次中通塞無路可入直到水  
窮山盡不得轉身可憐生捏緊拳頭咬緊牙  
齒決定要明這着子一念緊一念一步高一

唐三

士

步念念相追步步不離不放過提得話頭緊  
峭妄想更緊峭拚命提這個妄想微細極微  
細非今生有塵沙劫妄想徹底起來這時只  
爲信力勇猛妄想躲根不得徹底搖動這時  
節歇手不得不由歇手要一口氣成在時刻

也却又不斷這遺拚命下毒手一斬命根斷去十萬八千還他原是個木上座

甚麼事是出家所行的事清淨五欲立人品持戒律不謗佛法僧不惡口兩舌面是背非乃是出家人所行的事衆生惡習濃厚第一

魚三

十三

淫怒癡惡習之先導汝當知晝夜宜謹慎如禦邊疆惟恐失蹉犯人苗稼一失途程捶胸晚矣謗自己之過罪人所不知何以故背覺合塵六根不淨迷已逐物不明道眼俱名謗佛法僧非是外邊有佛與你謗夫親近善友良朋相聞好言當自策進至於無涯岸地上尚不許立立則截斷你腳

禪和子行腳住山須求個本命元辰看落豈是散心雜話念柏樹子過日直饒你念得熟如湛水如霜如雪卓然無依你作麼生出身

參禪惟貴妙悟古人千里不遠見人三登投子九上洞山之輩逃他一片苦心不過自然草鞋繩斷頂門眼開盡大地方知是我更無別物祖師云舉足掉臂無非西來大意且道西來大意为甚麼覓伊不得只爲你要覓所以遠了假似不覓時如何隆冬嚴寒伏惟珍重

大凡參禪學道人得個小境界不要當爲極則事向人前亂統非惟無益於人自喪平生出家學道之志古人三登投子九上洞山如此苦心豈無個境界他自不肯住佛祖心印難道便如是邪所以一聞千悟名分高遠垂萬世之龜鑑今乃末法澆漓福量淺薄操履日微偷心不死骷髏不乾流注妄想不曾休息何大道之可得哉我教伊重提話頭我之

小境界畢竟不是前代祖師若似我者模樣  
佛法掃地久矣安有達磨一宗流至今日你  
看他得心人凡有語句自然馨香自然智慧  
今人言說送出人前聞則絕倒

經云空生大覺中如海一漚發覺即一切衆  
生佛法如是廣大如是圓滿如是性如是心  
皆不可思議佛與衆生一坑埋却在裏許有  
甚麼出氣處若如是見得如是親證如是三  
昧如是鼻孔方圓大小山河大地日月星辰  
無不周徧無不入這箇皮袋裏轉身俯仰送  
客迎賓何勞更要提話頭參究發明豈不多  
了一件事是則固是理即是事即不是何故  
衆生有如是差別歪知見或貪或嗔或癡不  
知本源佛性中着不得這些惡知惡覺不但  
衆生着不得從是釋迦彌勒文殊普賢一毫

卷二

十四

毛着不得何故這裏喚作無相道場無作道  
場無爲無事無法無無亦無道場清淨光明  
惟證乃知佛不離一切衆生境界衆生境界  
即佛境界但於其中有一點差別所以便有  
優劣果報罪福之不同耳故曰奇哉衆生皆  
具如來智慧德相因妄想執着而不證得滿  
口道盡了也今欲參究自己本源佛性心空  
及第但於生死二字如救頭然時時無剪爪  
之功一心一意牢牢靠靠憑伊佛來魔來只  
有自己本參卓然擺在眼前以悟爲期莫待

照三

十五

眼光落地一場懺懺勉之

佛是百不會的人善用一切法佛乃一無所  
知的人而善知一切法過現未來悉知悉見  
不同一切衆生識見而自得無量善巧方便  
異類中音聲海佛無知覺而善覺一切生死

衆生沒於愛水泥犁海佛無住相而流動六  
根佛無識故不被諸惑境無礙故當體寂滅  
亦無寂滅性可得假名爲佛悟即事同一家  
以無一切偷心雜染心善惡二相俱不相到  
本性如是未有威音王名字先有此性性即  
佛佛即心以心名佛還不是衲僧本分事故  
曰心不是佛智不是道如人行路相似不知  
運足千差而實不知運足之所以也故云運  
足馬知路我見今人學道者自己一個臭皮  
袋打掃不曾乾淨便要作佛作祖學得幾句  
殘言餽語向人前下一語他明眼人掩鼻而  
遠之可憐生時世澆薄衆生福量不多那堪  
受無量不可思議之境界嗟嗟  
做工夫只管說妄想昏沉此皆生死不切之  
流輩直饒你做到妄想不主昏沉不有清淨

寂寂只見話頭頓在眼前你又將何作用參  
禪惟貴妙悟若死守話頭不妙悟守到驢年  
不過多喫些鹽醬  
爲僧須以戒定慧爲本方與道相應此中不  
然去道遠矣佛云人身難得佛法難聞善知  
識難遇善友難親今之所謂惡世界者以自  
心不良塗沒了也欲得相應要自心清淨即  
名善知識等等也豈離自心而更說有佛有  
人耶故云一切惟心造人身難得者難於無  
偷心偷心既無一切心皆無矣人身何懼修  
行人正不要人身人身者惡種子也但求空  
無相無作無爲之佛身法身耳又曰人身難  
得仗此身而作佛人身不可少不可住也當  
念生死是名第一義  
修道人只貴無事打開心意識掃盡葛藤枝

時時念生死事大苦於胸次中我何來而不  
明去來本因地既不知當生平在裏許提撕  
閒忙取捨之際如繩貫牛鼻不容他走作自  
然坐地折勉之勉之

學道如學射發之必中矢之相應前後不改

魚三

十六

初心始有到家日子分若也此念不真此心  
不確任你走到天盡頭處原是個王上座何  
故謂你有偷心在

出賣骨董開個舖長日竟無來主顧呆呆每  
日等人到只見長安有大路你也行我也過  
不問人何以故學禮乎學詩乎好個問頭今  
古著譬若金玉滿盤盛畢竟要將手來舉學  
禪乎學佛乎誰肯將心冰冷去莫教黑面老  
兒到相訪者回恨不入地底及早修休蹉過  
幽莽將軍陣中死黃梅時節兩家家破爛草

魚三

十七

鞋石頭阻一滑滑倒起不得縱有親朋難救  
護

心地若開廓處處逢達磨在在毘盧主橫也  
好豎也好顛之倒之無不妙欲往東去便向  
西日月逆流何不可天左旋地右旋江山原  
是舊衣冠萬象森羅影現中個中誰得復誰  
失鼻孔牽來恁麼時繩索從教都打折縱使  
千聖出頭來到此無處去分雪市井村翁唱  
酒餅是則名爲大圓覺誰爲是誰爲非睡醒  
鳴憲紙破已明朝依舊可憐生運水般柴只  
是伊除却東西南北山分明還我西來意咄  
咄咄早思惟  
結制示衆莫謂進堂好進堂生死拘半夜不  
得眠昏散和衣倒雙眼撐不開板響生煩惱  
若是其中人晝夜無飽板聲入耳門祖佛

俱了了

達磨大師知震且人有大乘根器辛苦而來傳佛心印不立文字直指人心見性成佛心可傳乎作證明人耳慧可大師云我心未安乞師安心祖云將心來與汝安慧云覓心了不可得祖曰與汝安心竟謂之傳佛心印此後祖祖相傳傳此也心心相印印此也其外有何物作衆生成佛了生脫死若有角立外見即名外道註解公案即名魔說悲哉達磨一宗印子到今日百雜碎矣眼前皆爲冬瓜印狗尾拂豈同前代祖師正法眼達磨慧可父子傳心哉如今發心學道者要遇明眼人示之正路的認真做當下便知分曉始不辜父母所生眼六根受用無時可離而今世間人都將血殼子認爲是我向這裏認差了

卷三

十一

輪迴苦趣埋沒本源祖師心印從生至死無由解脫千聖出頭提挈你不得蓋謂你認賊爲子喚奴作郎妄想六根自成顛倒攪混真常如雲障日光明不顯果欲明心須得放下夙生習氣割截無始愛根三七日中千了百當這回甦醒方知佛祖出世便爲這着子更無別事故云惟此一事實餘二則非真四威儀中諦審諦觀我之身心浮漚四大未可認爲本源若非四大何者是我真心不生不滅既不離四大日逐之間我何不知真心着落如是提撕如是緊峭畢竟有一日坐地折爆地斷以不動心接續如來智慧以無念無作體諸代祖師心燈以不可說境界降伏諸魔外道以無我相成就多生苦行續佛慧命見一切

境界即是如來境界見一切好醜男子女人  
即多生眷屬不起一念成就慧身今時參禪  
學道之流拖一條長布裙東掃西掃水灑灑  
地可惜許須當照管脚跟始得今禪人乃佛  
法中大孝養父母親鄰里學道雖不成佛其

魚三

十九

成佛久矣參禪雖不見性此中公而無私即  
性即見即佛即心矣禪人出紙請老人書隨  
手稱讚不知是個甚麼咄哉斷葛藤

今人不知妄是真如欲遣妄而求真遣妄求  
真先當遣自性之真如其妄自息不知真如  
無爲隨妄想而立名名相本虛依真如而得  
體了妄無體真如亦不立假名名相假名真  
如也若妄想之有根不說真如也因真如空  
遍法界不自有故故有妄想依之流動淪溺  
六道喻如大海之漚豈離水而別有漚也當

知世界流動之狂花必依空而狂不空而生  
狂花者無有是處

我有一物八個角十二隻腳面孔若斗肚皮  
如缸南觀則成北看則不是似乎甚麼不似  
乎不甚麼擬之則錯不擬白雲生面向東澗  
照之頗有相類走向西溪照之一毫不干涉  
且道如何即得不作無事會亦不可作戲論  
會若生穿鑿遠之遠矣

學道人以生死大事貼向面門時刻不容伊  
走作着衣喫飯行住坐臥如失至寶就地尋  
覓畢竟要尋他落處方可歇手不然唐喪光  
陰空度一生目前頭出頭沒之事總之夢幻  
無勞把捉或有別妄想起即將話頭劈頭截  
去久久自然生處熟熟處生一道清淨光明  
十方坐斷佛亦不見方了生死如空中花至

囑至囑

盡大地拈來是箇死關你又擬向那裏安身  
何處坐立若欲坐關不在牆壁封却兩扇門  
謂是關也關者心意識不行專心一念提箇  
話頭六愈清淨內不放外不放入一道孤  
明了境無礙此乃是關然亦不妨牆壁門窗  
何故通身是關通身是主也

初參禪做工夫人打頭要遇明眼衲僧開示  
始無差路無險道打頭若遇着惡知識杜撰  
長老將惡毒之藥灌於腦門一灌灌了自謂  
出世美味了生死之佛法悲哉痛哉這惡毒  
魔氣外道蠶尾一經他手永生永世再不得  
出頭成魔眷屬必矣而今有道氣者第一要  
遠離此等人方稱丈夫思之思之  
山中人吟哦弄管固非本分然亦少他不得

五十二

三

世上決無庸鄙聖人故假之以消閒送日脚  
下西山耳或問曰古人大事已明如喪考妣  
豈有閑工夫寫畫做詩推敲韻部耶答曰汝  
何人也居何國土曾見甚麼人來還讀書否  
識幾箇字否行脚否苦行否知古人作用否

既不知世出世間差別事務應訪高人請問  
細微曲折如何是道如何是大事如何是究  
竟法如何是世間法如何是衆生如何是山  
河大地如何是四大五蘊如何是菩薩行如  
何是菩提心如何是生死如何是涅槃如何  
是本來面目如何是父母未生前事你若向  
這裏一一明了一一透過千七百則陳爛葛  
藤乃至一切差別法口似懸河如瓶瀉水這  
箇喚做無礙大悲心大辨才三昧如是識見  
方可許你開口你若一一不理會莫教脫空

魚三

三

漫說此箇門中不是其人，也不要來，難道大事已明的人，動也動不得，依你說來，六根都用不着，死眉釘眼，如三家村土地，相似，纔叫做如喪考妣，你這些嚼死飯的禿兵，要知此意，驢年未夢見，在近代佛法，可傷邪師，妄說滿街滿巷，如賣小菜的相似，擔了湊人達磨一宗掃地矣。自己脚跟尚未穩當，將東瓜印子，東西南北，不管是人是鬼，一齊印將去，你這野狐精，何苦得這些無主孤魂，要他何用？佛法平沉王是今日而今，禪和子要知自己衣帶下事也，須具眼，始得不可七撞八撞，撞在野狐隊裏，打關過了日脚，是爲可憐愍者。

若有所重，即失正念。正念如如，綸貫一切世界，寂然都無動靜。諸佛本源，衆生物性，到此

方會迷則顛倒，十方洞然了無一法。祖師心印，天上天下，莫將體妄生人我。

心與境會，道本物齊。一念相應，生佛不二。今之所謂有生死者，虛妄業緣，果因不昧人者，情也。識也。以情識牽念念相續，故有生死佛

性流轉六道，孰能悟之而作人間無事人也。

宗門向上一着，與太虛同壽，與萬物並育而無差異。世間差異者，因衆生有我便出生種種虛妄等相，非佛性。咎神識過也。世間衆生應須揀別，中有菩薩衆生、羅刹衆生、住無所

魚三

三十三

住任性道，遙境無滯礙，脫體無依，如是光明還喚作菩薩衆生，得麼？試請道看。

如何是乾矢橛？如何是麻三斤？如何是庭前柏樹子？如何是青州布衫？你若向這裏一一透徹，會得古人落處，方可許你伸脚打眠橫。

行直撞其或未然還須默默揩磨實實逼拶  
不得終日播兩片皮胡統亂統他時黑面老  
子打算飯錢莫恠徑山不爲伊道破

開示

夫人者天上天下第一等奇特衆生也何以  
故一箇血肉殼子能見能聞能知能覺能辨  
香臭能分好惡乃至博通古今經緯天地種  
種聰明智巧非第一等奇特而何然都喚作  
乖覺非正覺也何以知之從生至死被妄想  
無明差遣了一生幾時自家作得一日主宰  
自己既不能作主便不得知本命元辰着落  
所以道百姓日用而不知大好笑事你這些  
妄作妄爲舉足動步無非是業總不去簡點  
他不知此身幻具平日動轉施爲從何處起  
四大分散又從何滅諸仁者若向這裏猛着

精采盡三夜三一心不雜如履萬仞深淵相  
似不得一毫放縱自然虛空迸出日輪光明  
照耀徹古徹今威音王那邊更那邊消息一  
時捉敗了也如是則任你橫傾巨海倒卓須  
彌不爲分外徑山恁麼告報還委悉麼其或  
未然更聽一偈啼破春風血未乾月明枝上  
漏聲殘誰家猶自貪歌舞舞散歌停魂夢難  
參

日逐進退之際接雲迎霧之間皆是祖師西  
來大意因甚麼不肯承當自爲五欲所困耳  
假使人心必假四大五蘊以濟之行之止之  
放之卷之要見心之所住定在何大對境分  
別落在何根汝欲云因眼有見還依眼識既  
在眼識則五根無用矣因何是中動轉施爲  
根根俱到分別前境善男子若夢寐時六根

所攝六根形影當着何處既不能知還同死  
人有何人我留于世間六根循業現前流注  
妄想皆是汝之生死根本必假工夫熏習揩  
磨淨盡漸漸純熟圓滿菩提雖然若論祖師  
門下不作是語何故沒這閒工夫與你打葛  
藤古人云如何是佛麻三斤大力量人向這  
裏一聞千悟大事已畢參

智相道人請受戒開示夫戒者即佛也佛以  
戒得成道戒乃佛之基菩薩祖師莫不打這  
裏去今智相道人於佛戒心地法先以相應  
理固如是事不可廢若欲利生接物無戒定  
慧不得入聖賢地戒乃器具如城之禦賊賊  
不得便法身不動戒體如如作用萬端隨機  
方便當行方便者以方便而接之諸佛諸祖  
終不執法而化度衆生也戒爲萬有之本諸

無三

二十四

法之源於戒方便心何礙哉四生六道莫不  
仗戒力度脫所以生死遠離種種自在

### 雪嶠禪師語錄卷第三

音釋

齷齪 上乙角切音漚 下測角切音疑 礫 寫裏切音類 礫 於致切音厭  
也 許救切同喚以真就氣也

雲橋禪師語錄卷第四

魚四

參學門人弘歇等編

法語

示錢相國塞菴居士

這個事不是帶了習氣做的須用全身放倒  
別立主人公若也朦朦朧朧如睡夢中欲求  
其開豁混到驢年馬月未敢相許在何以故  
祖師西來單傳直指傳佛心印不論禪定解  
脫惟言見性成佛禪定解脫尚不許挂向唇  
皮何習氣敢汚祖師心印哉若真欲求道悟  
自本心每日當以滌淨身心提個話頭僧問  
趙州如何是祖師西來意州云庭前栢樹子  
便向這裏參去

示錢元冲居士

學道人須打點胸次潔白外緣內緣盡付春

流澄澄湛湛提個話頭僧問雲門如何是佛  
門云乾屎橛即將此恁麼提撕恁麼參究如  
護眼珠時時在念日日在疑功夫緊峭自有  
陳爛葛藤妄想夾雜總之不必理會只管高  
提本參乃至迎送喫飯穿衣惟有一個乾屎  
橛頓在眼前動靜之際但恁麼參着些精神  
如失至寶畢竟要討個下落歲久月深生死  
心不退自朕得力一火煮熟始爲到家絕無  
奇特原是舊時人乾屎橛化爲無上覺王莫  
生歡喜至囑至囑

示廣原朱居士

以不動心降伏衆魔以無言言成就慧身蓋  
生死之由用諸妄想結業爲苦愛水所滋貪  
欲爲本其中有不愛區宇者佛亦奈何伊不  
得且老病垂身當以自勉幻化匪堅豈能久

長若無聖諦第一義把住綱宗必也早成流  
浪今日受用天龍鬼神籌運如是享如自  
在皆夙智所爲靈狀獨步四大血軀一套套  
出既以血軀同于父母父母血軀同于阿誰  
宜審察有不謝之緣磨不吝之德也若以哭  
泣欲使他人知者情也癡也落陰界而不返  
病也慟乾坤一切草木無不知癡之謂也思  
之

示錢仲芳居士

道無一向隨意可以還源信力既充佛祖將  
爲下立惟恐虛棄光陰這個便爲難事人身  
何來總之黑雲中過日忽朝腳踏實地心眼  
頓開始知徑山一片老婆舌頭領罵有分

示錢去非居士

欲識本來面目先教放下熱烘烘這條肚腸

五欲三毒付之東洋大海冷煖不干懷富貴  
非我有日用疎澹澹不求濃厚妻孥接應  
如影如響送客迎賓如夢如幻妄想忽生劈  
頭截斷放逸恣情是誰之過叅

示錢不識居士

不用澄心而念靜不用厭凡而忻聖不用聰  
明而賣世不用思量而得道不用將心而待  
悟不以重古而輕今不以好樂而忘情不以  
取長而乖短不用將心而覓心不用功夫而  
妨道不思善惡而定性不以肉身而求法身

魚目

三

不以肉眼別有慧眼不以就高而卑下不以  
逍遙而取性已上數語皆障本心非入道之  
門也但要時刻究心所從來一道無遮無閉  
之光明不遷不謝之智慧不相遠矣只在汝  
之六根顯現朝夕不居陰界故傳大士云夜

夜把佛眠朝朝還共起要知佛住處只遮語聲是

示四照居士

做功夫人不得力病在知多解穿鑿公案習氣膠之三毒五欲打脫不下所以不得洞明佛性這事不是壁立千仞漢子終不能到佛祖境界得入無礙辯才語言三昧既不得入無礙辯才語言三昧將何利生接引多方學者續祖慧命若真正爲生死的人無雜用心一個話頭如咬鐵丸相似定要嚼碎嚼不碎拚命嚼寧將身心墮於地獄終不放捨話頭具如是信力如是疑情日深歲久骨爛皮穿七零八落瓦解冰消習氣不現相將近矣差不多矣更加精進三七日中立地可待此中少有一絲一忽放不下不能廓然無聖直

得身似虛空尚有虛空窒礙當恁麼時大須仔細愈着精彩以勇猛力故忽然坐斷如生陷一般正眼迸開般若境界現前不見佛不見身不見一切一錠墨黑娘生鼻孔都無是處如大夢醒又如日輪當天融化雪霜影跡都無光明普照法界物物頭頭初無差別不作別色祖師云當初只謂茅長短燒了方知地不平珍重

示振侯居士

士大夫肯向法門親近善知識決擇生死極爲難得狀不能真實履踐的究此事但說而已此事深遠原不容易況今末法衆生信心不篤識見不廣五欲三毒如大火聚晝夜燒然無時暫息我此宗門豈易入也生死大事豈易了也直饒你是個古佛再來也須退步

有分何故我這裏不論聖凡只要還我個信  
得及一信求信梵行清白因果分明千魔萬  
難不變初心如是人者便是有智慧有力量  
大人許可學道目前有一等惡衆生口說宗  
門心爲魔業觀其平日無所不作五戒不持

魚四

四

血肉亂嚼豈佛法中有此一欸吾謂此等惡  
業魔外必有魔眷屬授記來魔印子上脫出  
來不狀那得便敢如此放肆毒氣流行地獄  
種子說罪福本空撥無因果如此魔民閻羅  
王打你鬼骨齧有日在

示葵石朱居士

人之性無性爲性以萬物體之各得其情所  
以云天何言哉春秋雨露了狀有章寒暑之  
性豈曰無情狀人不覺其源俱爲自狀生靈  
之義莫不稟當仁空劫來無影響之家流通

魚

五

草木山河大地上至忉利梵天中爲人物下  
至異類皆性也且生死之由從不信因果而  
得生死虛若空花不有不無求其實體了不  
可得是人若肯一念回心佛亦尚不見有何  
生死天堂地獄之有哉

示雲將居士

參禪一門大須仔細要以精進解脫一切雜  
務撇之腦後惟有話頭頓在胸次如生冤家  
相似拋擲不下不論歲月以悟爲期倘有靜  
境界現前都莫理會只管提撕本參本參不  
透疑情不斷終不放手直饒透過一物不立  
尚有物在未是到家時節轉轉相憶念念不  
離直到觸體粉碎方有少分相應莫生歡喜  
此時切須謹慎有奇特怪相惑汝禪定切勿  
隨他買草鞋行脚見人方知是佛是魔安邦

定國天下太平

示中邑禪者

做功夫人話頭不親切汝等偷心不歇護惜人情故使話頭打入妄覺不得清楚若是鐵橛相似一切境緣目朕遠離自朕不到惟有

一個生死念頭欲放之除之却又不得逼塞殺人這逼塞之物要在當人爲生死心切纔有這段光景提起話頭渾身打做一個疑團那時莫說無妄想從無始來妄想徹底搖動話頭提得親切妄想更平親切此時不必分別只管夾草嚼芻頭截鼻猛力勝一火煮熟逼塞疑情一擊化爲微塵佛亦不見

示禪人

志同孤鶴遠鉢響亂雲流夜宿石橋下曉行黃葉秋古人云未上船舷好與三十拄杖若

這裏會得百城烟水一場逗漏伸脚打眠衲子本分未出母胎度人已畢思之

示禪人

離親割愛入我法門所爲何事莫是園安閒自在穿好衣裳這裏大有事在即此軟嫩嫩風光清依依竹色靚面相逢你作麼生理會鐘聲夜聞黃鳥晝啼不是別物諦思我父母求生已前聲色未彰之際聲色響即今能聞所聞能見所見者復是何人善男子不須廣學多聞只此隨緣去住不了話頭蘊於八識田中倘夙有靈骨做到花暖春香因地一聲磕破觸體也未可知

示禪人

做功夫人提話頭達磨大師西來曾無此事自六祖問南岳讓甚麼物恁麼來馬祖打牛

打車鎮州蘿蔔頭種種語句發明衆生心這

話頭不是別物即汝之性靈衆生居於黑暗  
狂見異生生滅不定頭頭着逐物迷已認魚  
目爲明珠浮花四大爲堅固不朽之物如是  
差異五欲愛水滋潤無明使習氣盛而生死

魚

七

求作牛馬相無有了日這些相皆不離衆生  
心別有塵相衆生相倒相覆眷屬相地獄相  
夜叉相修羅相人相我相壽者相皆從一念  
心迷妄生若干節目如病眼見空華青黃等  
色空本無花病眼發生若欲病眼清明復還  
無知無覺之性靈不去不來本常之五蘊今  
將古人用過應驗藥頭服之僧問趙州如何  
是祖師西來大意州云庭前栢樹子日用中  
只將提撕不許你栢樹子上討滋味一心提  
撕提撕到日上西山月沉東海猛地爆炸親

見趙州和尚鼻孔便使身心輕快口若懸河  
而不滯心如利刃而無傷乃是離相離名之  
吹毛劍也大事已畢

示偃風璞侍者

今時出世輕薄後生只管貪程不覺蹉路且  
祖道不同外道要以真參實悟盡底掀翻尚  
未是衲僧本分事直饒絕後再甦方有幾分  
與禪道相應更欲向孤峰絕人跡處炊折脚  
鐺十年二十年人天相推出來應個時節况  
不是道人本心

示孝廉孝若徐居士

人所不知者心也故曰百姓日用而不知以  
情欲幽深秘之妙性天賦昏墜無覺嗟乎悲  
哉情欲妙性相去幾何不知日日幽深之情  
欲日日妙性天賦之佛道若欲離昏墜別尋

真覺妙性當昏墜離于何地令妙性真覺與汝可得耶不知當體全真肉身即法身妄想即妙覺向這裏擔荷得去何工夫可做何佛道可成圓覺經云居一切時不起妄念於諸妄心亦不息滅住妄想境不加了知於無了知不辨真實其義深遠只在當人直下頓斷便與先聖大道合轍矣故趙州和尚云佛之一字吾不喜聞是的當語

示隱聞李居士

雲生於空忽起忽滅生從何起滅向何處今之人也同雲之無根去來無依流浪飄泊竟不自知性靈無作無爲無繫無縛在身也六根無住在空也不染不污今之噉味舌用皆識神分別耳聞眼見亦復如是一搏血肉中不知識神從何而入爲人隱聞當知以日用

所住心皆業也腥腥之味少進爲貴知足之念不可一日忘之

示士材李居士

若欲了生脫死洞明大事因緣只要一箇堅固不移動脚跟便有日子可待見佛祖鼻孔大小這回方可着衣喫飯抱兒弄孫逢場作戲苟或不狀是大明呪是大神呪是何道理問取山前鄭八嫂叅

示容思徐居士

行藏林下不以世間榮辱爲念惟已事不明切切在茲既能如是用心何妨日頭浩浩左之右之莫不是祖師西來大意

示孝廉序東徐居士

入般若法門非容易事要一副真實心提箇話頭念茲在茲忘爾我相不着一些閑雜識

心卜度只有生死大事不得逐日換去十年  
五載以悟爲期勿生懈怠如救頭狀能如是  
做去自狀坐地折爆地斷一闢千悟諸代祖  
師無容身之地

### 示卓菴禪人

住山人不必將心用壞了有本分事在所謂  
急債寬做詩字文章海內多多未稱尊貴大  
徹悟光揚祖庭者實爲希有他悟的人轉身  
吐氣別有一家風頗見前代已了事後說幾  
句閒澹語字字印心不說別處如星月在天  
俱發光明心地般若亦復如是朽記得昔年  
往西峰時雲搏如綿幽然可喜偶占晚來雨  
過蒼巒靜一片白雲又進山復云斷崖花冷  
千峰吼松落煙光集地香獅子巖中苦心事  
如何分半到朝陽振衣亭下舊題目冷地思

量我是誰龍樹長成三抱半扶蘇夜月雪爲  
皮嘗思復住西峰奈山中難得卓錫之地所  
以幾回念起幾回休今老矣視聽不聰身疲  
力倦冷坐語風待天年而已不復遊山問水  
也禪人既住西目菴中冷靜無事正可進向  
脚前脚後事丟向他方世界倘得三年中改  
頭換面得好消息不辜此往那時方來劈朽  
拄杖思之勉之

### 示慈菴禪人

此事不必向外尋討但辦一箇乾淨肚皮無  
事不辦也做功夫人盡是說功夫者他會做  
的人默默十二時中只有一箇不了的心肝  
橫於胸次更無第二物也古人云那箇拖你  
死屍來但向這裏看不須持呪念經求人  
不求已誠哉是言也假以腦後一槌打死了

你又作麼生者箇事要真真實實念茲在茲  
虛言浪語一些來不得若肯放下眼前將自  
已轉歸萬物了也古人云目前無法意在目  
前不是目前法非耳目之所到好箇夾山說  
得忒煞乾淨好與三十拄杖

示瞿異禪人

若欲舉揚宗教直待虛空落地纔有說話分  
不然總是七家村開神野鬼祭孤冤茶飯與  
我宗門有何交涉近今末法衰替見得如是  
總不如是人天見青護法嫌嘆謗大般若口  
吐黑烟他時異日打你鬼骨齧有日在阿呵  
呵聚衆五百六百不是好事正是吾宗敗壞  
相心頭無一些見識口說得十分現成學語  
之流可憐愍者這些地獄種子何時休歇直  
待熱病打頭尚是不肯放下惡魔識見魔寐

人家種子猶在禿奴兒何苦得這碗飯隨分  
有得喫何必耍稱和尚登高座嚼蛆蟲亂嚼  
出來刻向板上成得甚麼說話看伊俗人文  
章有調法有轉句活句盡入文字三昧你者  
些禿兵禿賊禿野狐精死入阿鼻無間剝皮  
剔骨叫苦無量心酸難忍到此時你還上堂  
得麼小叅罵謗人得麼一千七百則公案許  
多差別機緣這些魔民道總之一箇道理只  
管胡言亂統一盲引衆盲牽入地獄眼前幾  
許魔民遣惡鬼打殺禿兵你還怕麼從今後  
發菩提心做箇好人莫待眼光落地做手脚  
不辦

叅請機緣

師見雲棲蓮大師問云如何得成佛作祖去  
蓮云問道於盲師云道豈盲耶蓮云我盲師

打○相云總在這裏蓮指○相云盲師云見婦不須重下淚還他原是個中人蓮云不是個中人師云却好蓮云好好師禮拜次日呈偈蓮着語偈云不解西方不學禪蓮云低聲低聲偶來塵世只隨緣蓮云解也學也三間茅屋傍溪住蓮云溪深路滑兩扇竹窗關月眠蓮云春色滿園關不住碎盡衲衣那有結蓮云爭似寸絲不掛養長頭髮欲成顛蓮云成顛亦不惡自從會得吾師意蓮云胡餅裏討汁白雪飄飄六月天蓮云夏行冬令寒暑不正復囑云以頭陀行住雙髻山續祖慧命師叅龍池幻和尚入門把住云佛不見身知是佛且置如何是若實有知別無佛幻云有了你沒了我師拓開禮拜幻云雪嶠不得老僧道師拂袖出次年復叅幻豎一指問會麼

師云者個喚作甚麼幻微笑又次年穿草鞋直上方丈幻云你草鞋猶未脫也師云何處見草鞋來幻又微笑師即呈偈云數載龍池三度登重重問話舌生冰草鞋分付虎狼去雙髻峰頭一箇僧

問答機緣

黃海岸居士到菴問云入泥入水來時如何師云滑殺人士云久聞雪嶠及至到來不見一點師云日頭大士云雪鎔後如何師云春水滿溪流士云大師曾見甚麼人來師點胸

魚四

士

云雪老士禮拜

一日茶次謂海岸云老人今年六十六復自輪指云丙丁戊己庚良久云怪見得把人牽來拽去原來水牯牛入命宮拖泥帶水東觸西觸雖然且喜水足草足黃居士便問水足

草足時如何師云飽殺人進云水拈牛還瞋睡也無師云撲面秋江白月飛鷺鷥撞入蘆花裏余居士進云恁麼則一色邊去也師云蘆花變作黑灰飛鷺鷥不撞蘆花隊士禮拜海岸請益師云此事大不容易常有禪和子

魚

十三

到問做工夫老人只教伊誦金剛經去士云如何是金剛經當頭一句師畫○相示之士於○相酬之師復畫○相作背拋勢士畫○相呈之師以拳撻○相士便喝師呵呵大笑云今日親見瀉仰父子

黃居士問雲門在睦州處悟得爲甚却嗣雪峰師云知恩報恩復問元正答祚萬物咸新百戶千門燈然室內且道與少室一燈是同是別師云只有長江水滔滔空自流士云流到甚麼所在師云住住又問雪覆千山爲甚

孤峰不白師云理合如是士云如何是夜半正明天曉不露師云十八士云請師更道師云一條舌

師舉三日前得一夢室中火起老僧喝兩喝火燄漸微自占曰般若如大火聚日來老僧舉揚家醜莫非正應此夢余居士云早是大火發了也師云老僧甚麼處安身一僧進云請師再下一語師云向居士鼻孔裏士云打失鼻孔救取眉毛師頷之

士問如何是函蓋乾坤句師云撲不開如何是截斷衆流句師云只少一點如何是隨波逐浪句師云隨我來如何過得獨松關師云莫作假雜啼

僧問古人云父母未生已前如何是我本來面目本來面目即且置如何是我父母師云

廁邊取

僧求開示師云誦金剛經去進云這是某甲打翻過來的師云打翻的聲僧豎一拳師豎兩拳云你還豎得三個拳頭麼僧無語師喝出復云來來僧回首師云你年多少僧云二十四歲師云二十四歲前你在那裏僧擬議師直打出

魚四

十四

僧問如何是金剛王寶劍師云不斬野狐精云如何是踞地獅子師云眼如何是探竿影草師云早知汝在途中如何是一喝不作一喝用師云要你自死

問雪覆孤峰時如何師云愁殺人問祖意教意是同是別師云日月在天

師捫風次聞谷師向背後拍肩一下云和尚慈悲些師云個個見血

師過土橋看湛然師同衆茶次師舉鼓山公

案問湛云一枝聖箭途中折却了也那裏是他箭折處湛無語師笑拊湛背云折却了也有僧叅次師云此事如十字街頭把勢四面有虎狼如何得條活路方免喪身失命僧云

捨他喫了罷師叱云不喫你者死屍便喝出

僧問如何是生死大事師云汝今年多少僧云三十九歲師云且如三十九歲前汝在何處安身僧無語師云這個便是生死進云要見在何處迷起師舉茶杯云這個喚作甚麼

魚四

十五

僧云茶杯師云向這裏迷起

聞谷師問大悲千手眼那一隻是正眼師云露天石臼子進云意旨如何師云瞎

博山道開叅次問近今佛法如何師云拄杖長一丈進云清淨雪山還有狗子也無師云

不消得進云背後的聾師云兩個開擬議師  
便打開奪拄杖師云佛法不是這個道理侍  
者點茶來與這僧喫開放手而立師云多少  
伎倆只消老僧一杯茶便冰消瓦解次日師  
坐次開侍立師云作麼開云問話師云問即  
鉢你問切不可動着舌頭開便問鑊湯爐炭  
時如何師云正是老僧行履處進云風清月  
白時如何師云其中事作麼生云人叢馬踏  
時如何師云誰在途中云鶴立青松時如何  
師云雪下來也云澗水潺潺即不問如何是  
雙髻家風師云一堆土灶萬個峰頭問大師  
承嗣何人師云遠山終日看雲裏鐵牛嘶云  
如何是祖師西來意師云破二作三云意旨  
如何師云常言俗語開禮拜  
唐祈遠居士問如何是叅禪着力處師云泥

牛拽鐵磨如何是叅禪險難處師云看脚下  
如何是叅禪受用處師云喫粥喫飯問破屋  
將倒時主人如何料理師作撐勢古人云省  
力處便是得力處兩手撐時莫不費力否師  
云倒也倒也

僧問如何是實中主師云曾爲浪子偏憐客  
月下風前幾度吟如何是主中賓師云柳栗  
橫肩不顧人直入千峰萬峰去如何是實中  
賓師云一片春雲飛出嶺至今縹緲不還山  
如何是主中主師云眼裏瞳人雙赤脚生來  
好醜任君看

魚目

十六

僧問如何是奪人不奪境師云古寺無門春  
殿月鷄鳴茆店五更霜如何是奪境不奪人  
師云馬蹄踏碎中原石醉飲漁歌江上聲如  
何是人境兩俱奪師云自從一去潘郎後花

木無香草不青如何是人境俱不奪師云長將日月爲天眼指出須彌作壽山

僧問如何是第一玄師云蝦蟆吞大蟲頭動尾巴顛如何是第二玄師云赤沙畫簸箕是甚祖師意如何是第三玄師云悔殺當年句鮎魚上竹竿如何是第一要師云乞我一文錢十字街頭討如何是第二要師云五更侵早起終歲忙忙了如何是第三要師云月落不成眠書聲秋閣曉

僧問如何是雲門餅師云官巷口如何是趙州茶師云不濕口如何是祖師西來意師云六月火燒山意旨如何師云好下蘿蔔

僧問如何是佛師云大珠和尚道的復云會麼云不會師云三脚蝦蟆

程季清居士問在家做工夫還成佛否師云

三

七

三脚木馬士云不會師云驢年去士禮拜

師一日與五岳居士坐次士指傍僧云這坵荒田怎麼好師云直待春到亡云春到來時如何師云犁耙一齊出

師浴次侍者面前經過師即跪浴鍋中問云跪即不問如何是祖師西來意者云大師跪起即道師起云道道云某甲跪大師有分師呵呵大笑

僧叅師以婆子燒菴話勘之僧無語乞大師代下一語師云大似商人落夜僧禮拜

僧指地上雪問云日出後如何師云一場懨懨

僧問急水灘頭下一篙如何着力師云你還打濕腳也未僧無語師打出

郭黎眉居士問如何是無地地主人師云不

居陰界云菩薩向地獄觀化一巡誰是同伴  
師云眼中無珠脚下無指云盡三界是個團  
扉誰人出得師云三界外問將來士禮拜  
僧問路逢獅子時如何師即震威一喝僧無  
語師打出

俞彥直居士問祖祖相傳傳個甚麼師豎一  
指云這個士云人人有這個何必要傳師云  
你只認得指頭士禮拜

蔡居士與師同過放生池師問云許多魚何  
不放些去士云我這裏飛去底師打一扇云  
還在這裏

師一日問侍者云一切說得出到此爲甚麼  
說不出者云叻師云不開口事

僧問雲生月際時如何師云甚麼時節云樹  
凋葉落時如何師云鳥不宿

法華

六八

師問望侍者如何是人云不逢師云不逢時  
如何云落日照青山師云一場懡㦬禮拜  
僧問如何是休懡㦬方師云兩粥一飯進云此  
理如何師云不曾嚼着一粒米進云若然一  
切人皆相似也師云不墮諸數

師坐次琮侍者過師召云弘琮琮回首師打  
○相琮便喝師豎拂子琮拂袖出師搗住云  
速道速道琮擬開口師打兩拂云且饒你去  
孤崖叅茶次師將拂子案上一擊問云這一  
擊五家宗是那一家崖擬議師便喝復云一  
擊三千里果然人不知

僧請益師云眼耳鼻舌六根何物也下一語  
看僧不能答代云與我數破骷髏僧云不會  
代云捏出汁來衆人各相顧視師云如鴨聞  
雷

師方丈茶次云一人發真歸元十方虛空悉  
皆消殞即今虛空現在如何消殞弘璐云大  
師何得薦面瞞人師搖首璐云喚甚麼作虛  
空師休去

僧進方丈不禮拜云會得者個即禮拜師云

者個是甚麼僧佇思師直打出方丈

急

十九

伯玉透菴次公三居士茶次伯玉居士舉慧  
持出定因緣師問云慧持入定數百年擊金  
磬出定鄧隱峰倒立而化還是定不是定士  
無語師呼伯玉居士士應諾師云我爲你出  
定了也透菴云大師自起自倒師云也難得  
良久師問云也難得是什麼語菴云是縱語  
師云未在菴云是什麼語師云活埋

山齋茶次師問既是陳尊宿爲甚身子只得  
半截衆下語不契代云前人置得又云埋沒

他不得復舉夾山掘坑因緣鄧居士云賊後  
張弓師云掃帚糞箕不在手居士云收師云  
好則好鬼窟中來的士云那裏得知師云收  
僧叅次問四大分離時向甚麼處去師曰棺  
材裏去進云意旨如何云埋在泥裏僧禮拜  
師喝出

何相國方坦菴方孩未同進靜明寺師舉僧  
問雲門大師如何是一切智通無障礙門云  
掃地潑水相公來今日靜明這裏也不掃地  
也不潑水相公來也請下一轉語公云荒田  
不揀草師大笑公云這一笑是賞是罰師復  
笑公無語

雪嶠禪師語錄卷第四

音釋

覲 杜歷切音徹 直列切 巒 盧官切音鑾 登  
狀見也 轍 音徹 巒 石巒以遠望  
蛆 子余切 簾 烏果切音駿 堡 仍玉器  
音直 簾 揚米去線也

雲嶠禪師語錄卷第五

魚五

參學門人弘歌等編

佛祖偈贊

雪山相

用盡自己心笑破他人口六載雪山着甚死

魚五

急肯向無佛處稱尊猶較些子然雖如是衣

鉢下作麼商量當初捏碎虛空骨今日挽雲

補漏天

佛

瞿曇老爺乃是世出世間天上天下大聖人

廣攝四生普慈三有饒君具無量廣長舌一

身多身通身是口遍恒沙世界微塵一一微

塵具一一口出無量音聲讚嘆莫及老爺功

德不可思議豈凡夫衆生敢下語稱贊雖然

其中有一着不如徑山且道那一着閉口深

藏舌安身處處牢

觀佛

佛是大覺金仙天上天下第一個老爺世間

無過於此若有口吐風雷手拈鐵棒者是我

宗門下一種靈利衲僧與瞿曇老人行不到

的謂之殃及兒孫事咄

文殊

文殊翁文殊翁縱使騎却金毛獅子遊遍五

須彌一一香水海到這裏總沒交涉不如本

分衲僧住空山煨榾柮打野菜掃黃葉臥個

破柴床歌吟乾屎橛活脫狂機不可禁一槌

擊碎珊瑚月文殊翁文殊翁若要好思量且

過一邊着

文殊師利童子

大師從何處來踞獅子之座欲往何處思惟

不下或要到徑山麼徑山有青獅子兒是大  
士之親嫡血大士莫忘記好敢問大士世尊  
安樂否即今清涼山何人主持萬二千菩薩  
誰爲座元誰爲維那這個法門全仗大士助  
一臂力使我結制大衆一個個發明心地得  
無礙辨不思議廣說事事無礙波羅密門盡  
法界衆生皆入此宗

調師圖

稽首文殊師利大士我當親近無捨離一日  
一刻乃至夢寐相隨其後大士謂我言有一  
青獅子方得三歲汝可收訖無至損傷善調  
養之將來大哮吼震動寰宇一切不作法怪  
異之屬相聞其聲即自調伏即自歸依今日  
大士何來至此隨從多人還當說法耶還遊  
戲耶清涼山萬肉身菩薩其中得神通者幾

幾今日請爲速說不必將前三三後三三換  
人眼到這裏總用不着要大士空劫已前道  
取一句若到不得徑山借口與大士道昨日  
新條斬舊令門前山岳雪堆堆

文殊大士

稽首文殊師利從何處發足到我這裏莫得  
尋花上苑莫得去住不安因甚麼到此死坐  
不起思量甚麼物作舟作航且莫妄想照管  
脚下青獅子座假如坐得瞋睡你又作麼生  
消遣不若歸清涼山萬菩薩衆中作一條拄  
杖人天有眼宗通教通絕無一字滲漏始稱  
丈夫咄千花雨淚臺山草石上空談無舌人  
普賢

這裡一物也無騎個六牙白象到此作麼遇  
着跛脚阿師定是一頓拄杖趂出山門饒你

廣大行願不如歸去好山僧恁麼贊普賢恁麼會蘇堤風細柳花飛野鴨畫長打瞌睡

觀音大士

吾謂大士多了一件事到處被人圖寫以爲是觀音悲哉衆生不知自己六根門頭盡是

觀音出現所怪大士不本分惑亂人家男女圓通訥云長安風月賞今昔那個男兒摸壁行豈不是大士多了一件事這事豈人可與可授耶大士利生不過皮毛上轉生授生以善教化以慈悲攝無量因緣終不能吐露把衆生盡底掀翻若要這樣辣手用劍刃上事畢竟輸我宗門前代諸老師佛及菩薩只可說好話說因果唱導之師而已達磨大師若無慧可尊者幾希

水墨像

不見大士金色身而幸隨喜水墨像大慈悲力不思議一一音聲悉皆應牛聲馬聲及虎狼地獄種種音聲相皆是自在無畏力而能攝受諸業力牆壁瓦礫聞思修露柱頭入三摩地

稽首大悲觀自在衆生何日得解脫衆生有我不自在自在衆生無我所三界一切所有法盡是菩薩悲心應三界一切法既空菩薩悲心亦無用莫教好肉剝作瘡瘡元無痕肉無癰我勸菩薩早收拾放下淨瓶巖底坐善財童子學心經從來不識元字脚阿多婆牛渡大河頭角已露

繡觀音

此上座名曰觀音自洛伽山去五天竺在這裏經過無端被那鄉間人通身針割累他善

財龍女一齊叫屈不妨不妨應以婦女身得度者即現婦女身而爲說法然雖如是鴛鴦繡出從君看不把金針度與人

### 大悲千手眼

問道菩薩用這許多手眼作麼汝等正不知

魚五

菩薩手眼因衆生有如是差別異故菩薩應之非菩薩真有祖師云通身是手眼即此意也雖然其實無多子

這光明中無法不具逆順斜倒差別異形隱顯出沒影現世間衲僧到這裏徹底分明未稱奇特何以故離不得這裏衆生迷這裏墜於惡道輪轉不息菩薩達此無遮無障應化三界徹底老婆欲指衆生得個入路雖然不得相欺眼裏耳裏鼻裏舌裏身根意根乃至運水搬柴穿衣喫飯無不是衆生大悲千手

魚五

五

眼應用十二時故祖師云通身是手眼

觀音自觀音徑山自徑山與我毫沒交涉我若靠觀音得成佛正好做夢到彌勒快教伊收拾行脚到他方世界去不要在此礙手絆脚癡衆生受閻弄燒黃熟香薰他鼻孔咄咄

### 十六羅漢贊

不會參禪何其倔僵捏串數珠作人榜樣

佛念

舉眼無親欲行無路靠根竹杖思量甚麼

惟思

手捉其物死殺不放勞他燒香塊塊勿着

香燒

端坐何爲淨心離欲都盧張嘴任渠摸索

索摸

得小神通共誰酬酢擎個淨瓶自取其樂

弄寶

通神

靴裏動指驢年不悟一念妄起枝葉已露

龍普

坐受  
花果

裹頭曲項大半即當打開卷子收拾不上

裹頭

卷開

枯木寒巖想是此老望渠回頭直待樹倒

枯木

立禪

這個差異黑心臉起用塗毒藥我不如你

袒臂

藥擦

手不釋卷誦白蓮經長眉幾莖勿遮眼睛

長眉

經擦

老極無齒緊閉其嘴待白雲來拽杖而歸

拄杖

坐閒

消遣白日手拈香爐觀不破機蘇嚕蘇嚕

蘇嚕

念默

且莫算計如意自在坐爛石頭身心痛快

身機

石頭

猛虎拽尾且嘯而來被人簡點皮毛尚在

伏虎

毛撮

捏住放行鉢盂脫蓋從此入者畜生作怪

降龍

鉢盂

不着兩頭中流已渡賴他頭毛末後一步

渡水

捺童子  
頭毛

降龍贊

雲浮空而不雨龍欲降而未降長年死丁丁

魚五

坐被人喚作枯椿唯既是天台羅漢爲甚墮

六

在丹青筆下

伏虎贊

這僧得幾許神通受用皮毛相逢黃檗老阿  
師斫折項不道我不與你說分明記取

羅漢像

耘耘綠草細成章花蓋梧桐地作床坦臂恨  
人何不會眉毛橫豎結清霜

達磨大師

墮墮墮皮鞋一隻笠一個橫在肩頭辛苦生  
思量擔到西域去只此這個放不下誰個肯  
來歸依你

尊者久坐不倦爲求人故喫毒異常死亦不  
顧大慈心力遍一切處到震旦國接得一個  
如花開敷如月在波香海澄清燈續無數若  
鶴林素若妙喜祖

大膽癡心闖來東土說道有傳佛心印忒煞  
掉謊及至梁王殿上有口難分自成逗漏拂  
袖便行啞子喫苦瓜直入千峰萬峰冷冷落  
落九載秋風若無恙可大師笑破他人人口久

聞擔履歸家如何還在這裏若不是異鄉別  
井人將斷貫索穿却你鼻孔朝打三千暮打  
八百高懸雙徑峯頭待你忍饑無暇那裏有  
工夫去賣傳佛心印

人謂西來達磨我道是擔水河頭賣的客作  
漢自梁至今被人畫影圖形焚香供養道是  
東土鼻祖不知逗漏家風不守本分何苦得  
人人喫飯穿衣知時及節你定要剝肉做瘡  
壓良爲賤來來去去賣弄這些骨臭氣

大師傳佛心印來震旦國喫若干苦辣冷坐  
九年被人喚作壁觀胡僧至今畫影圖形燒  
黃熟香供養雖然就中一點不好隻履西歸  
笑你猶有這個在

汝是梁時到我這裡舊得緊的面孔東也見  
你打坐西也見你渡江任你走盡天邊無有

着你所在是我等不啻啍秃奴輩道你是箇  
西來傳佛心印之祖師且喜沒交涉雖然憐  
你辛苦多年且留你這嘴臉掛在壁角

### 睦州陳尊宿

這個尊宿忒殺無禮單用麤拳辣手接人若  
青天揮霹靂電卷星飛雲門大師被你一撥  
死去十分損一足左跛右跛這樣惡魔王老  
秃奴佛法豈如是耶相聞後世兒孫也道末  
後有人罵你咄仁者見之謂之仁

### 高峰妙禪師

像藏匡山獅子峯

大師居西天目獅子巖壁立千仞之風攀躋  
不得苦行一生道滿天下雙髻六載龍鬚九  
年未嘗一日若倦以枕子墮地打破生死鬼  
窟壽算五十八歲涅槃於死關全身缶塔可  
謂鐵成金骨刀斧所不入面孔舍利無數光

魚五

現髮根千載之下更有何人像得我師我師  
真我師也非稱呼之師也影子在此且道高  
峯主人公在何處道道

龍鬚脫皮換骨向雙髻峯頂呵佛罵祖六年  
敗關倒轉旗鎗直入深深天目獅子巖中冷  
冰冰一十八載滯貨方纔得價若斷崖之與  
中峰更無得意於先師且道還有人麼臨崖  
看潯眼特地一場愁

### 斷崖義禪師

這狀阿誰雪巖之孫高峯之徒中峯之兄卓

魚五

九

然天目若影若空遠續臨濟之風眼空四海  
佛祖不容千巖坐斷粉碎鴻濛身心宇宙鼻  
舌俱通了無所了宗無所宗證何三昧有神  
化工諸祖莫及雲深難窮斷崖斷崖吾謂汝  
從

雲棲大師

這和尚出世四十九年得文字三昧捏管鐵筆把住天下衲僧見者無不指歸淨土更不提起向上巴鼻摹掇相逢未免跳入獅子窟裡大驚小怪和泥合水且道以何爲驗幾回明月下親見鶴翻身

念佛法門大似懸羊頭賣狗肉開舖四十餘年竟無一人喚着可憐江國行人少狼藉山前多少花

幻有傳和尚

三次到龍池不曾有一字或伸一指頭草鞋脫還未嘗說口頭禪一捏竟粉碎這樣老古錐悠悠過日子冷地好思量恨心徹骨髓不用惡鉗鉗只會笑而已笑裡有刀泥裡有刺龍池出天童棒喝西來意

密雲禪師

天童師兄還知麼徑山常罵你是個破木杓向東溪偕水則不得西溪安能有之饒你直走之金剛際索取衣兜將來逗漏不少不肯作個本分衲僧定要賣弄笑巖和尚家醜大唐國裡那個不知你是個破木杓

這位老兄三十年前在禹門同出山歷路隨了我走到越城尚不肯同伊說半字今日天童大作佛事闡宗揚教扭捏達磨大師鼻孔後代兒孫分疎不下何如何如

這老漢一副生鐵面皮沒些子人情一條白棒不論是佛是魔只管劈頭便打直饒打得血淋淋地猶是不肯住手可臨濟下兒孫天然有在他時異日相逢馬相公鐵棒又教誰喫

多年不學老胡禪且喜今朝日勝年天大事  
來同啼唾草鞋不值半文錢師兄坐得好我  
亦徑山眠

生前作業打人罵佛其罪莫大不入天堂便  
入地獄還有人相救麼直待彌勒下生水牯  
牛是汝同叅救取一半咄咄

橫贊豎贊贊歎不及天童山裏捏神捏怪惹  
得這些削禿如蜂護王如龍護珠我看你這  
箇老阿師有多少奇特要作臨濟兒孫且未  
夢見在

題大司寇廣京朱居士繞膝圖

先生之道若大樹根深錯節難指示枝葉盤  
桓香自清垂垂花果皆兒孫先生之德如卬  
山蒼崖石壁元尋常和風微扇薜蘿動林白  
扶疎明月霜水田野岸細草綠歡娛日日閑

五

十一

清足上下交羅如貫珠池塘春暖鶯雙浴歌  
夜不知秋水深鴛湖面面藏天腹雲可掬兮  
魚可呼金盤托出千年圖問道幾時來到此  
固非避喧愛寂莫諸君相逢總不語舒卷且  
留山水居

彥直孝廉像

大心普戴惟善是崇方正生平世所珍重如  
花開敷居春風中來既不留去何所從眉目  
儼然如鍠在鐘美哉此老無物可同

題蔡石居士行樂

蒼崖修竹青草苔花日日春光時時風月且  
道君家就地冷坐從何處到此圖眼前這些  
光景不肯還家歸舍死板板轉動不得六根  
虛豁無分彼此諸念冰消融通短長快哉震  
旦國中能得幾人像你自在倘他年杖笠五

峯東坡池上再與相見

無住沈居士小像

是真非真是幻非幻畢竟是誰具眼者看如意在手有經兩函長年敷坐雲山無住先生模樣梅花枝上冷魂飄芳草石頭舉一半

小菴王居士小像

狗子佛性無五五二十五逼塞趙州關叮嚀莫莽鹵即此是贊君將軍射石虎警爾頂門開是真相見我

自贊

這個若是雪嶠老子劈脊一棒打折你驢脚若道不是雪嶠老子喚千手大悲菩薩來拔脫你兩莖眉毛教你人不成人鬼不成鬼畢竟如何若何仲弓宰我子貢子由子夏咄是何言歟天目耳長拖得遠渴龍飲水入西湖

悉唎悉唎蘇嚕蘇嚕

又 像藏徑山

這個不會佛法漢有甚巴鼻一臉清冷冷骨頭刀斧所不入雙髻峯獨宿一十二載壁立千仞吟風嘯月傍若無人袒胸露臂氣宇如王未得楊岐正脉坐斷禹門活捉虎狼折脚鐺中燒盡千七百則陳爛葛藤觸鼻生香大塊吞吐不點鹽醬一飽便休呵呵大笑打筋斗不記數罵佛祖有來由泥團雪團一任諸人橫嚼豎嚼神猜鬼猜取性逍遙山顛風顛

魚五

主

今朝掇轉船頭斬新條令循規蹈矩時時如見大賓亂髮垂肩日日當胸叉手波瀾滄海龍蛇頂戴堯天星斗不是無錢買草鞋平生自愛赤脚走咄那裡去從容漫用株荅蒂五峰殿上好徘徊百萬杉松隨汝後

又

這個蓬頭漢真得能憎俗不俗僧不僧謗聲  
不絕佛法不靈若遇着臨濟老子一頓棒走  
得脚底無皮過滑石橋遇着寒山拾得將百  
千年陳爛葛藤穿却你繫鼻牽到國清寺不

魚五

十五

要你種冬瓜便要你栽蘿蔔那許你拗折拄  
杖高挂鉢囊叉雙手赤兩脚死立住長在人  
家註飯喫吐

又 像藏雲門

坐斷雲門怪石不依倚人家破簷戶今朝湛  
寂六根逍遙三界獨步相逢臨濟德山叉手  
叮嚀莫嫌滯貨吐五五二十五

又

這漢好些無理倔僵一頭孤高一擔聊通祖  
佛機緣全沒普賢行願捏住文殊舌根佛法

不通一線不作亂草堆頭夏蟲只愛高眠雙  
髻雙徑任伊五宗絕去冷水自有無位真人  
徹上徹下仔細思量你是大明國裏第一等  
偷懶沙門如何一般有人天供養

又 偈風璞請

身自我有影從彼出苟非其狀將錯就錯從  
何處來天人莫測住山四十有年走到匡廬  
被人圖捺青毛獅子隨身擬似文殊菩薩或  
問畢竟是誰便是雙徑峯頭千指菴中語風  
禪客咄惡聲遠布大明國不必時人來摸索  
序東居士圖老人像自侍於傍以爲朝夕  
覲面師承故蹟而書之

對面清談非佛而誰道心不易終始如一師  
子道合如膠似漆今日之緣夙生植德狹路  
相逢或坐或立奇哉怪哉如日如月問這是

誰青獅法脉號曰知有長居密室世出世法

了然明白不必多語毘耶一默

附贊

董其昌

精嚴戒德蕭灑宗風林居晏坐月朗春融東

語西話斷崖中峯如水入水如空度空龍象

魚五

十四

蹴踏師子行蹤刹那覲面歷劫無功曾經發

箭以口承鋒是水乳合非名句通吾欲著慶

歷僧寶傳非斯人其誰從

又

陳繼儒

悟明心地震動人天得法於臨濟之後印證

於雲棲之前胸懷海納鋒辨河懸說法則轟

擊雷電落筆則飛走雲烟不問雙髻峯不戀

千指菴不拈拂舉棒不揚目張拳語風居畔

朝陽頂邊一瓢一衲一榻一椽隨機對證發

衆生之藥窮因極果結震旦之緣此豈拾牙

後慧弄口頭禪者耶問之徑山諸祖師點首

曰其然其然

又

譚貞默

認得是雪老逼真面孔認不得是現成佛祖

頭陀高峯替身雪山作俑舌底風吹眉毛草

動撩天潑地大慈大勇既然棒喝兒孫那用

數珠供奉石頭坐爛多年畢竟雲棲法渾

又

郭凝之

這個老人快胸直腸舌橫劍樹目閃電光面

面相覲則寒冬煦日針針相對則夏月飛霜

魚五

十五

住山三十年抱孤雲獨臥應緣六十載與虎

豹俱藏允矣宗門武庫法海津梁而皮相者

或以爲普化之散聖而寒山之風狂噫這是

徑山東坡池頭臨濟嫡派孫語風和尚而行

將拈提正印重整大慧之宗綱

頌

顧鑒夷

雷電之機不可擬，纔落思惟千萬里。凡聖無名，更問誰脩然。拽杖竟回去，春風生面花雨飛。嫩綠依依樹頭起，黃雀聲中始見情。殘紅半寫佳人語，漚光淺澹去還留。楊柳枝枝夕陽雨，歸去來兮秋水深。故居猶在雲烟裏，蜻蛚戀戀白蓼香。蝴蝶翩翩若夢已，雲門老嘍而去。閃爍紅旗埋沒主，今朝幸是可憐生。一脉蕭蕭竟如斯。

百丈開田

掘破青山作水田，風流只在鑊頭邊。潑身紅雨帶歸去，脫却汗衫仔細看。

熏風自南來

竹底生風暑漸消，綠翻輕影有芭蕉。果然會

得古人意，獨角泥牛被火燒。

東山水上行

諸佛從來水上行，有身無脚到如今。眼前誰是我相識，同調絕無獨自吟。

南泉斬猫

拾得籬根血染頭，風霜飄泊幾經秋。今朝坐上分明舉，月落風殘趣水流。

高峯主人公

南北無門路不通，分毫有主賊來攻。直饒主客都星散，大似楊花趁曉風。

垂問會頌

魚五

十六

師室中謂衆云：雲門有四問，下語相當即付鉢袋子。

鉢袋子

問：除却着衣喫飯，如何是你心？弘歇答云：二祖道底。

問眼孔動定時分別前境不動時落在什麼處  
答泊被眼瞞又云確

問遊山玩水舉足動步者復是阿誰答不問不知

問一般計較念從何起答覓得却來舉似

師過天童因垂四問罕有契其機者代答頌

問既是帝釋峯爲甚不持笏畚今日放衙

善法堂中坐的人久無梳洗病支身花冠早

卸春風裏未敢峯前作侍臣

既是狀元紅爲甚喚作荔枝云降尊就卑

羸來鼎甲狀元稱心細身羸在世情脫却皮

囊非是色從前題目不容名

既是黃精爲甚是黑的云被人扭捏

無奈身將火氣蒸譬如髮落改爲僧此中滋

味全歸火莫把形容起愛憎

十

既是天童爲甚無面目可見云雖無面目瞞

他一點不得

假名呼作是天童面目渾如江上風萬朵白

雲飛不住與君相見在西東

僧請益舉高峯大師四問請師會頌

盡大地是箇火坑得何三昧不被燒却會同

道者方知

拈得東來又失西火坑三昧鐵鷄啼高峯饒

舌太多事笑煞江西馬簸箕

人人有箇影子因甚蹋不着云蹋着即禍生

脫空慢語得能憎有屋無家不着僧放過那

邊冷來看冰花雪月夜深燈

杲日當空爲甚被片雲遮却云昧語作麼

無陰陽地上過來倦煞香醪打一杯頂上門

開人境澹日輪曾受我生埋

佛祖公案總是一箇道理爲甚有明與不明  
云高峯自領出去

葛藤陳爛已成灰占着唇皮鬼見摧命運不  
通宜守舊山頭壁角去徘徊  
偈

辭衆檀請徑山開法

午夜披雲面北斗徐徐竹裏自南還偏吾無  
力行河漢若箇雄心到祖關老病祇堪隨日  
過清機那肯列人間諸君欲識生前旨好聽  
風柯敲玉環

寄惟一上座

鵬搏曾有訂同上畫娥眉今日喜千指憑君  
着意爲

題驪珠峰贈山幢上座

昔年辛苦一山夫奪得驪龍頷下珠拋擲雙

魚五

十八

林山絕頂君家作案可爲模

寄黃海岸居士

悟得本來心無心亦無法無法無本心始了  
心心法

挽天童密雲和尚

同出龍池入路長吳興分袂過錢塘多年挂  
錫玲瓏石今已藏身寂寞鄉雲面揭開紅日  
眼山眉愁斷白花香離離一片苦心事且道  
何人在影堂

別天童還雙徑

塔豐事訖且抽身曉嶂重重接遠隣飄影葉  
乾風拭露點衣寒翠日初新泉鳴沙澗遊山  
客天指肩輿過嶺人獨抱苦心帶歸去雙眉  
欲解在三春

龍池掃幻有和尚塔

銅棺山下養龍池步入涼風覓我師當戶娑  
羅空腹樹迎塔芳草昔人眉追思滴血曾留  
偈會寫傳燈嗣法詩今日塔前成九頓流源  
千載繼孫兒

傳佛心印

卷五

十九

從本已來法法不立見知知見同虛空虛空  
何所住

懷達磨大師

荻花秋雨敷寒江心慕孤行望遠幢此去嗟  
嗟無別計幾回月色到蓬窓

無相偈

我說無相法諸佛心即是諸佛無中生無相  
無諸佛

主人公

有僧問我主人公六月江行西北風記取當

年舊公案西山落日半邊紅

幻相偈

四大性假合愚痴着有我不知幻性因生死  
從茲起

無法偈

心地本無法無無說無法亦不同虛空頓然  
無知覺

性相偈

有性及無性人境二俱遣即今說性人了了  
無自性心相何所有事同於兔角出種種諸

法是故說性相

徑山四威儀

山中行脚健草鞋輕踏破了白雲千萬層  
山中住閒送春秋去鳥不啼花落溪邊樹  
山中坐窗亮胡椒布虎狼歸在我簷前過

山中臥直到日頭午炊粥喫隣菴去討火

雙髻四威儀

山中行上峻嶒縛腰爛草繩思量活菜喫石

壁採朱藤

山中住檀那地茆屋漏無底四壁冷蕭蕭半

夜來風雨

山中坐虛空破何處覓功夫筋斗打出門天

外笑呵呵

山中臥將就過着地鋪草窠衲被不遮寒猿

啼五更苦

亂髮垂垂

亂髮垂垂直到肩槌胸屋裏哭蒼天有僧問

我西來意黃老堆堆燒夜錢

亂髮垂垂直到肩白雲如水雨如烟山中一

片莓苔石滑倒野狐幾萬千

魚五

二十

亂髮垂垂直到肩日圓三頓夜圓眠便宜一

個閒身子留在青山作鏡看

亂髮垂垂直到肩茆棚猶勝夜摩天藜羹麥

飯家常有石壁山藤豈偶然

進開先

新作叢林事事差庫司無粟水無茶分明一

段苦心事那許時人磨齒牙果薦雲門胡餅

話途中尚未到山家

擬寒山三首

家有一庫司百般皆具足指向與人看人人

魚五

三十一

信不及貧兒甘自貧不肯回頭顧忽朝風雨

打身心成露布

只爲未見君思君在長日果在毫髮間如隔

千里驛一馬生三蹄蹄蹄用各別有時覲面

來天地同黑漆

我見寒山詩字字言真實東行及西行竹筒  
盛敗物飽餐殘菜滓身披破直裰化物不用  
情形類乎凡質

佛事

龍池掃塔今日有此宗風乃梁朝達磨大師  
過我東震旦國相傳至六祖以下列爲五宗  
各立門庭以應一花開五葉結果自然成之  
識而今法眼尚在高麗馮仰杳無音信曹洞  
雲門依倚有人惟有臨濟一宗沿流不止至  
我笑巖師翁師翁付先師幻有和尚今日塔  
前惟有徑山一人是師嫡子特具薄供分付  
主山神主地神主林神主空神等護持我先  
師全身法塔如今大明國內愚癡者甚多見  
性者甚少惟願先師常寂光中加被衆生遠  
紹教外別傳之旨不負達磨大師笑巖師翁

以此敬爲人天供養

上天童和尚供昔日南嶽讓禪師云道一去  
一向不見持箇信來着一僧去見他上堂出  
云作麼其僧如法出衆云作麼馬祖云自從  
胡亂後三十年不曾少鹽醬今日天童這裡  
作麼生君子千里同風某辦一箸菜飯供養  
師兄雖然無鹽醬且喜滋味馨香

爲天童和尚舉龕喝一喝云癸未二月十有  
三日南山卜得一穴最吉祥地修拾精藍人  
天大眾請師兄到彼安樂受用自在逍遙惟

魚五

三三

願天童香火綿綿德風遠播相繼祖燈如帝  
珠聯絡不絕法界衆生俱爲瞻仰法駕蚤臨  
不必躊躇復云起

封塔稽首大哉俊哉我師兄密雲和尚末法  
時拈出威音那邊鼻孔捏根拄杖把住天下

人舌根打人打得血淋淋地海沸山騰乾坤  
黑暗猶是不肯住手復起臨濟之宗非吾兄  
而誰今日退身三步藏身處沒踪跡沒踪跡  
處且藏身更說一偈坐空千界月諸佛汝同  
儕鑿破青山面將身就活埋復云封  
爲亡僧舉龕喝一喝云此處着你不得盡情  
擔荷將去復云起

秉炬云且向乾柴烈火中煅煉一番喝云水  
中漚滅還歸水不涉須彌一點塵擲炬云燒  
爲教梁下火死人送活人送到勝熱婆羅門  
作麼生會劫火洞然此土安隱教梁會麼生  
死出入遊戲之具何苦之有擲下火把云看  
舉龕若昧法師還知麼在這裏冷冷落落坐  
一十餘年竟不思量轉身吐氣今朝吉日良  
辰請向深深處安樂自在古人云欲窮千里

卷五

三三

目更上一層樓起

入塔以拄杖打○相云崇禎庚辰臘月十五  
日去土七尺以爲窟宅若昧法師千足萬足  
仗人天之福惟道忘之力老人切勿佛法狼  
藉後代兒孫如規如則喝一喝云任他歲月  
遷流汝此土安隱封好

雪嶠禪師語錄卷第五

音釋

寂蒲官切音合伊鳥切遠去笏呼骨切音  
所藉荔力智切音麗荔枝樹高五六丈  
也女父切音綴丁括切音綴  
紐丰轉貌綴補綴破衣也

雪嶠大師拈古頌古序

魚六

郭凝之謹撰

雪嶠禪師澍之四明人也行遊武康禮高峰  
祖塔遂結茆雙髻峰頂坐斷孤雲三十年喝  
風棒月拈指吹毛已乃飛錫徑塢豎法幢於

魚六

千指庵頭傾波倒嶽一似龍湫欲沸而喝石  
俱走師乃復返髻峰閉關掃軌而雙徑岑寂  
又禮請拈燈一枝朝陽樓閣千峰行將揭迷  
霧而開佛日矣不慧扣禮法席叅印有年第  
見師洗月供餐裁雲補衲而孤情傲雪奇骨  
撐霆悠遠長懷闊濶無聲若乃春霆發響而  
驚蟄飛競幽泉高鏡神騰颺拂爾時拈提正  
令撒智海於黑洋千七百則陳爛葛藤不用  
作止啼之葉抑或舌吐蓮藏轉冰月之輪筆  
燦空華繪天日之巧於時琴筑併奏笙竽俱

唱以風胎雨穀之舌騁石火電影之機今讀

其拈頌古真如巨鰲負大鵬續翻振盪汪  
流雷忤重淵者已維今狂慧靈禪宗印靡統  
千類萬聲自相喧聒然而聚沫作山吹網欲  
滿傲自足於一漚孰與量溟渤之宏深哉大  
師幼不識丁自心花開明走龍蛇於筆下又  
不爲呵罵佛祖行逕而詠懷淨土游戲樂邦  
運悲智爲慈航導法流歸心印直令蓮生火  
宅而宗鏡重朗者矣大師性安林薄而津梁  
不疲揮威無焰有不衫不履之槩至當機作  
獅子吼則狐兔潛踪倘遇皮相士面冥山而  
問郢雖轟雷破柱詎能爲耳食者啓聰余不  
慧自叩籌室于師有水乳之契緣借剗劖寸  
刃爲師斬藤絕蔓逗漏春枝而復有蕪辭叨  
絮偕微穢毘盧頂上師不予真乃相與波顏

微笑時天啓七年丁卯歲夏六月廿有一日  
序

自序

古人鼻孔大小常流未敢措辭摸索惟過量  
人方許發言吐氣批判古今不然入地獄如  
箭射予念無智庸人有何作用抱愚守癡久  
臥空山拈華落草打水驚魚一笑一歌日逐  
如此偶日不知何處降下一尊阿師撞入茅  
茨捏住幾則公案索頌予笑曰汝何癡也縱  
饒頌得祖師公案徹頭徹尾與汝分中有何  
交涉若要理會西來大意畢竟向已躬下透  
出方可與古人相見汝等土心木膽說不肯  
信不頌汝必謂我佛法有所悞咄薦取第一  
座

雪嶠禪師語錄卷第六

叅學門人弘珠等編

拈頌

世尊纔生下乃一手拈天一手拈地周行七步目顧四方曰天上天下惟吾獨尊

魚六

拈世尊奇特忒煞奇特未免傍觀者哂

三

頌七步周行也不妨拈天拈地便即當大風吹倒梧桐樹自有傍人說短長

未離兜率已降王宮未出母胎度人已畢

拈這個語話向青盲人說始得若遇明眼人亂鎚一頓莫言不道

頌一園春色播江湖香入丹青絕妙圖非但瞿曇能賣弄張三李四赤鬚鬚等閑註破黃金面大好男兒不丈夫總使不移蛙足跡那知早已落程途鵲嘻嘻兮鳥啼啼

這個風流在院西扶出樓臺公子貴活埋踪跡牯牛蹄花明閨閣春多怨月落無勞報曉鷄莓爛石頭香醉眼何須土上更加泥

世尊拈花

拈世尊說法四十九年不知賺殺多少人到這裏猶是放不下咄莫作是說樹高千丈葉落歸根三乘十二分教乃拈華之註脚世尊還記得麼

頌末後拈來花一枝露濃香冷報君知人天百萬同長短何故偏消迦葉疑可惜許春風遙送殘更雨

文殊白椎

拈雙髻當時若在奪却文殊椎子喝一喝看那黃面老人作何去就

頌張郎沈醉一盃酒扶醉李郎醉更深不  
顧腳根三尺水只貪縱步上高岑

阿難問迦葉曰師兄世尊傳金襴袈裟外別  
傳個甚麼迦葉召阿難阿難應諾迦葉曰倒  
却門前刹竿著

拈阿難善問迦葉善答迦葉答處阿難未  
必會阿難問處迦葉赴機雖然如是要且  
刹竿至今扶不起嗟別傳之旨迦葉其人  
歟血脈久長從這裏流出

頌隣舍無油不點燈清談待月眼惺惺刹  
竿倒却渾多事爲指阿難過草亭迦葉老  
仔細聽魚行水濁荻蘆青曹溪路上秋風  
急驚起雁行飛不停

峽嶠摩羅因持鉢至長者門其家婦人正值  
產難子母未分長者曰瞿曇弟子汝爲至聖

魚六

何法可免產難羅曰我乍入道未知此法待  
問世尊來相報及返白佛佛曰我自賢聖法  
來未嘗殺生峽嶠疾持佛語往告之其婦當  
時分娩

拈峽嶠傳言送語好與三十拄杖其婦當  
時分娩且許一半何故貪觀天上月失却  
手中橈

頌牆角花容欲綻眉曉霜清冷蘊香池橫  
開不在春枝上別有家風一段奇

世尊因靈山會上五百比丘得四禪定具五

魚六

五

神通未得法忍以宿命智通各各自見過去  
殺父害母及諸重罪於自心內各各懷疑於  
甚深法不能證入於是文殊承佛神力遂手  
握利劍持逼如來世尊乃謂文殊曰住住不  
應作逆勿得害吾吾必被害爲善被害文殊

師利爾從本已來無有我人但以內心見有我人內心起時我必被害即名爲害於是五百比丘自悟本心如夢如幻於夢幻中無有我人乃至能生所生父母於是五百比丘同讚歎曰文殊大智士深達法源底自手握利劍持逼如來身如劍佛亦爾一相無有二無相無所生是中云何殺

拈文殊殺佛則且從若無黃面老人打許多葛藤五百比丘疑至今日尚未住手頌莫笑他家忤逆兒戲房鑼鼓振天嘶住住住透牛皮雨爛春風花滿池內心不起如何也瓦解冰消萬劫疑

### 乾闥婆王獻樂

拈乾闥婆王被世尊東扯西拽說得却好王雖懍懼而退且信一半

頌風不來樹不動田鷄不跳草不動乾闥婆王眼失睛埋冤迦葉偷糟甕

### 女子出定

拈也奇怪文殊乃七佛之師因甚出女人定不得且道利害在甚麼所在

頌子丑寅卯辰巳午甲乙丙丁莫莽鹵鷄

然撞著李將軍石頭何用千鈞弩

龍樹尊者西天竺國人也亦名龍勝始於摩羅尊者得法後至南印土彼國之人多信福業祖爲說法遞相謂曰人有福業世間第一

徒言佛性誰能覩之祖曰汝欲見佛性先須除我慢彼人曰佛性大小祖曰非大非小非廣非狹無福無報不死不生彼聞理勝悉回初心祖復於座上現自在身如滿月輪一切衆惟聞法音不覩祖相彼衆中有長者子名

迦那提婆謂衆曰識此相否衆曰目所未覩  
安能辨識提婆曰此是尊者現佛性體相以  
示我等何以知之蓋以無相三昧形如滿月  
佛性之義廓然虛明言訖輪相即隱

拈余觀此一段甚爲奇特而今目前衆生  
稱悟道頗多不識曾見佛性體相如滿月  
輪否若不自己親見一番自稱見性悟道  
者俱爲戲論

頌吾心清淨同滿月一切影現於其中若  
有若無不可取非現非比非聲色不屬陰  
陽造化功而能造化諸品物祖佛豈能測  
其際衆生朝夕輪回光輪迴光中如夢事  
一一成現三摩地若離一切衆生界畢竟  
心相不可得心相猶於業力邊亦有亦無  
而顯現若人欲知自心體滌身垢穢同秋

卷六

七

水水清自然現其月洞達孤照不思議孤  
照之功非在水水空滄溟豈無月因水清  
淨而應之要知五蘊根本處一鎚錘碎娘  
生鼻四大原無似空幻覺之通身蓮花莖  
晝夜香風吹入眉眉間毛孔皆諸佛佛是  
何人我亦誰我無我故同諸佛君欲起念  
黑雲生埃塵面面飛蓬孛仙人外道及邪  
魔總入珠體非外物魔王持刀欲斬水水  
不成痕月不動春秋夏月及冬季時時不  
出心空界地獄天堂翻覆爲或爲牛馬或  
猪狗或作人天或作祖俱在心相中來往  
六根晝夜光湛然淨潔無爲若滿月囑付  
癡愚莫動著動著好與三十棒  
障蔽魔王領諸眷屬一千年隨從金剛齊覓  
起處不得忽一日得見乃問云汝當依何住

我一千年覓汝起處不得菩薩云我不依有住而住不依無住而住如是而住

拈金剛齊菩薩太煞逗漏既如是而住怎麼又被魔王覷破妙喜老人云一千年隨從底又是甚麼箇吞個棗若依徑山斷總之不然既不見金剛齊隨從一千年作麼既有可隨從者忽有可見者豈非二金剛齊也且要問伊二人那裏過日

頌妙喜老人下一語大似箇吞個棗塞北春寒凍馬蹄江南地暖先青草有住無住且放過朝夕隨從底事好金剛齊還知道楊花粘地一些些袖裏風光都靠倒

### 臺山婆子

拈臺山路上少這婆子不得自從趙州勘破後直至於今草漫漫地東倒西搖

頌臺山婆臺山婆死去十分沒奈何開眼受人穿鼻孔惡人自有惡人魔

大隨和尚庵側有一龜僧問一切衆生皮裹骨這個衆生爲甚骨裹皮師拈草履覆龜背上僧無語

拈還知麼大隨和尚拈草鞋蓋覆烏龜不是好心這僧無語口似磑盤

頌皮裹骨骨裹皮草鞋拈得覆烏龜風吹日炙渾無事不怕人來問著渠

馮山問香巖我聞汝在百丈先師處問一答

五六

十問十答百此是汝聰明靈利意解識想生死根本父母未生時試道一句看師被一問直得茫然歸寮將平日看過底文字從頭要尋一句酬對竟不能得乃自歎曰畫餅不可充饑屢乞馮山說破山曰我若說似汝汝已

後罵我去我說底是我底終不干汝事師遂將平昔所看文字燒却曰此生不學佛法也且作個長行粥飯僧免役心神乃泣辭瀉山直過南陽觀忠國師遺蹟遂憩止焉一日芟除草木偶拋瓦礫擊竹作聲忽然省悟遽歸

魚六

九

沐浴焚香遙禮瀉山讚曰和尚大慈恩逾父

母當時若爲我說破何有今日之事乃有頌

曰一擊忘所知墮落深坑裏更不假修持秤鎚鐵打的

動容揚古路切莫錯認著不墮悄然機猶是第二義處

處無踪跡只道得一半聲色外威儀無人識得渠諸方

達道者冬瓜茄子不生耳聾咸言上上機少賣弄瀉山聞

得謂仰山曰此子徹也仰山不肯師又呈頌

曰去年貧未是貧今年貧始是貧去年貧猶

有卓錫之地今年貧錫也無仰曰如來禪許

師弟會祖師禪未夢見在師復有頌曰我有

一機瞬目視伊若人不會別喚沙彌仰乃報瀉山曰且喜閑師弟會祖師禪也

拈仰山逼師弟落水香巖一命償一命若不著無底靴怎解入龍宮

頌無事長林掃地來蒼烟擊竹頂門開瀉

山今日分明道五月霜花照石苔

臨濟三頌棒

拈三度問話三度被打總之毒根深種不

知痛癢若無大愚點破何處見有臨濟兒

孫橫行天下

頌尊宿當年心太孤生機斷送入紅爐尿

牀鬼子如何道肋下還拳有大愚

僧問雪峰古澗寒泉時如何峰曰睜目不見

底曰飲者如何峰曰不從口入其僧舉似趙

州州曰不從口入不可從鼻孔裏入僧卻問

古澗寒泉時如何州曰苦曰飲者如何州曰  
死後雪峰聞得自此三年不答話

拈雪峰老老大大未免隨人起倒趙州若  
無這僧何處得見雪峰雙髻今日將二老  
縛作一束拋在春風堆裏任他花開花落

魚六

還有人與二老雪屈者麼

十

頌五里一箇亭十里一箇舖方便有多岐  
出門不認貨雪峰老何處討烟波江上釣  
魚舟夾岸荻花秋正好殘更不必著精神  
伸脚莫愁天地杳

百丈再叅

拈父子互換縱奪可觀冷眼看來總是白  
地上弄精魂

復拈馬祖一喝坐斷諸佛頂額何人敢向  
此說是大機大用尚未識馬祖這一喝在

百丈自得三日耳聾猶是指踪迷跡之象

豈但三日耳聾爲然哉頌三日耳聾也大  
奇業風揭塞觸體泥而今鼓弄唇皮者能  
得幾人像阿師何以故此處無銀三十兩

吐

頌馬祖一喝重須彌不落空山萬級梯未  
有祖師先有喝却聾百丈不聾妻宗風高  
起飛龍象狐隊沉淪弄鼓聲何似青天揮  
霹靂藥山一笑與君齊

魚六

十一

洛浦到夾山不禮拜乃當面叉手而立山曰  
鷄棲鳳巢非其同類出去師曰自遠趨風請  
師一接山曰目前無閑黎此間無老僧師便  
喝山曰住住且莫草草箇箇雲月是同溪山  
各異截斷天下人舌頭即不無閑黎爭教無  
舌人解語師付思山便打因茲服膺

拈笑殺人將謂洛浦有多少奇特到此未免被人薦面咒殺活得來幾時也

頌鐵鷄高翔極盡空了無江海別相通苦哉忽地天崩倒合殺從教飛活龍

榔榔覺和尚問舉和尚近離甚處舉曰兩浙

曰船來陸來曰船來曰船在甚處曰步下曰

不涉程途一句作麼生道舉以座具撼一撼

曰杜撰長老如麻似粟便拂袖而出瑯琊問

侍者此是甚麼人曰舉上座瑯琊遂下旦過

問莫是舉上座麼莫怪適來相觸忤舉便喝

復問長老何時到汾陽曰某時到舉曰我在

浙江早聞汝名元來見解祇如此何得名播

寰宇瑯琊遂作禮曰慧覺罪過

拈拳來脚去此是衲僧家本分鉗鎚若將

破提籃盛水救火非惟不能息其燄笑殺

傍觀者三十年後有人說破

頌黑霧紛紛潑面來手持王笏歎悠哉電

光影裏穿針眼線脚重重挑不開

僧叅法眼文益和尚立次師指簾時有僧同

去捲師曰一得一失

頌牛角撐撐虎角垂十分顏色著春枝可

憐拽角攀枝者闔地一交雙鬢泥

南岳芭蕉庵谷泉禪師與慈明遇一毒龍湫

捉明衣同浴明掣肘徑去師解衣跳入霹靂

隨至腥風吹雨明蹲草中須臾晴霽師引頸

出波間曰因

魚六

十二

拈谷泉作風作顛毒龍不敢動其一毫毛

慈明老老大大猶有這個在

頌谷泉咸殺作風顛一撥龍湫浪括天雷

雨至今如不息慈明抱死草中眠

普化和尚或城市或塚間振一鐸曰明頭來  
明頭打暗頭來暗頭打四方八面來旋風打  
虛空來連架打一日臨濟令僧捉住曰總不  
恁麼來時如何師拓開曰來日大悲院裏有  
齋

拈普化和尚恁般作怪被臨濟鼻孔一捏  
酸去十分若無大悲院躲得過何處見有  
普化

頌大悲院裏有齋喫普化親曾赴此回茶  
熟飯香人正餓放開窮漢肚皮來

高峰大師隨侍雪巖欽和尚赴天寧中間因  
被詰問日間浩浩時作得主麼答云作得主  
又問睡夢中作得主麼答云作得主又問正  
睡著時無夢無想無見無聞主在甚麼處到  
這裏直得無言可對無理可伸和尚卻囑云

十六

十三

從今日去也不要你學佛學法也不要你窮  
古窮今但只饑來喫飯困來打眠覺來却抖  
擻精神我遮一覺主人公畢竟在甚麼處安身  
立命雖信得極遵守此語奈資質遲鈍轉見  
難明遂有龍鬚之行即自誓云擦一生做個

癡漢定要見遮一著子明白經及五載一  
日寓庵宿睡覺正疑此事忽同宿道友推枕  
子墮地作聲驚然打破疑團如在網羅中跳  
出追憶日前所疑佛祖諸訛公案古今差別  
因緣恰如泗州見大聖遠客還故鄉元來只  
是舊時人不改舊時行履處自此安邦定國  
天下太平一念無爲十方坐斷

拈賊不打貧兒家高峰到此趕得主人公  
飛走通身冷汗不知遺下甚麼地方向枕  
子邊打破家私至今主人公影也不見

頌一捺捺倒扒不起渾身沒在爛泥裏  
然梳子笑呵呵咄啖瓔珞粥的不是你

巖頭歲禪師值沙汰於湖邊作渡子兩岸各  
挂一板有人過渡打板一下師曰阿誰或曰

要過那邊去師乃舞棹迎之一日因一婆抱  
一孩兒來乃曰呈梳舞棹即不問且道婆手

中兒甚處得來師便打婆曰婆生七子六箇  
不遇知音祇這一箇也不消得便拋向水中

拈這婆子雙髻若是巖頭和這婆子送向  
水中令他母子聚頭無離骨肉

頌不消這個意如何賣弄家私臭老婆惡  
浪千層捲殘月萬山愁斷白雲多

百丈卷席

拈百丈出捲席寬有家債有主不必論量

野鴨子向何處安頓

海六

十四

頌沒意味的老古錐惡聲早已播今時卷  
却席漫狐疑不是箇中人不知

玄沙和尚道鐘中無鼓響鼓中無鐘聲鐘鼓  
不交參句句無前後

頌打破鼓撞破鐘玄沙佛法信難通江山  
如畫杳然立流水一條道不同

大事未明如喪考妣大事已明如喪考妣

頌孰言春色無高下藍者是藍青者青試  
問禪流高著眼莫將犬吠作驢鳴

南泉斬猫

拈南泉斬猫兒拋磚引玉誰知兩堂都是  
個飯袋子可惜許

頌刀下猫兒何俊哉腥風千古動人哀這  
些面目儼然在我亦幾番呼喚回

趙州自外歸師舉前話示之州乃脫草鞋安

頭上而出師曰子若在即救得猫兒也

拈咄是何言歟頂草鞋出去大似西施戴  
箬帽

頌趙州婁徒狗酒西無端頂却草鞋走直

饒三搭不回頭未免早落他人手

魚六

十五

昔有婆子供養一庵主經二十年常令一二

八女子送飯給侍一日令女子抱定曰正恁

麼時如何主曰枯木倚寒巖三冬無煖氣女

子舉似婆婆曰我二十年祇供養得箇俗漢

遂遣出燒卻庵

拈冷地看來這婆子也不唧噥何待遣出

這僧方燒却且道雙髻意落在甚麼處具

眼者辨看

復拈古人云無奈船何打破岸斗愚謂古

人之言針對針不差一些些深得婆子燒

庵之旨可謂一個鼻孔出氣今有杜撰長

老云無奈船何打破岸斗此乃黃金增色

耳吾不知此人作何見解便容易放出熏

人非惟不識燒菴打破岸斗之意兼之文

理不通見地不亮臨命終時寧不道個歷

歷分明悲哉真杜撰長老也且婆子二十

年供養得個俗漢這僧有枯木倚寒巖三

冬無煖氣之語婆子徵其道眼不明謂之

俗漢豈黃金增色爲然哉若婆子將二十

年茶飯供養一狗子抱定曰正恁麼時如

何狗子搖頭顛尾却較些子

頌正恁麼時會也麼漫勞更問我如何比

來一樣娘生內徹底風流不較多

頌茅堂俗漢一堆燒冷地烘烘好插蕉干

古語訛都坐斷春風送雨夾花飄

有僧問報國照禪師祖佛塔廟爲甚麼却被  
雷霹師曰通天作用爲甚麼却霹佛祖曰作  
用處何處見有佛曰爭奈狼籍何曰見甚麼  
拈不霹祖佛更教伊霹阿那個霹

頌驀地青天霹塵來葛藤粉碎塔門開家

魚六

私未許庸人薦佛塔沉沉空劫灰

十六

舍利弗默然天女不肯維摩默然諸大菩薩  
讚嘆

頌生意各別共街走養家一般破芭帚籬  
空籃空愁殺人茆店板橋啼鷄狗

妙喜竹篋子話

頌好笑徑山竹篋脫芭帚柄相似刺著罔

明鼻孔女子從定而起

韓文公參大顛

拈大顛和尚賊過後張弓活埋他俗人雖

然如是祇救得一半

頌夜深賊被狗子咬墻洞慌忙補得好補

不好長安幾箇知天曉

魯祖尋常見僧來便面壁南泉聞曰我尋常

向師僧道向佛未出世時會取尚不得一箇

半箇他甚麼驢年去

拈魯祖面壁若作佛法商量入地獄如箭  
射

頌從來個事只尋常好肉何須刺作瘡久

坐自然腰折了清茶一盞濕枯腸

魚六

十七

風動幡動六祖曰仁者心動

拈六祖在黃梅得些子氣息向這裏便亂

撒也只是箇賣柴翁

頌風動幡動元無過不動風幡更甚麼堪

笑新州盧行者生枝節外便誚訛

楊岐乍住屋壁疎滿牀盡撒雪珍珠縮却項  
暗嗟噓返憶古人樹下居

頌枯柳殘暘雪片輕草堂墜落兩三楹板  
門久不關風月趙老胡蘆挂不成

莫將尚書謁南堂靜禪師咨決心要堂使其  
向好處提撕適如側俄聞穢氣急以手掩鼻  
有省即偈曰從來姿韻愛風流幾笑時人向  
外求萬別千差無覓處得來原在鼻大頭南  
堂答曰一法纔通法法周縱橫妙用更何求  
青蛇出匣魔軍伏碧眼胡僧笑點頭

拈莫尚書向鼻尖頭摸得些臭氣便揚出  
熏人南堂老漢好與三十棒何故養子不  
教父之過

頌摸得黃金特地愁支離縱好漫風流當  
時若作今時用截斷尚書鼻頭

梁山遠禪師上堂舉僧問楊岐如何是佛岐  
曰三脚驢子弄蹄行曰莫這是麼岐曰湖南  
長老

拈要會三脚驢子落處須向驢胎馬腹裏  
走一遍來見楊岐也不難不然饒你扯得  
葛藤萬丈長出不得楊岐佛在三分天下  
有其二以服事殷周之德其可謂至德也  
已矣

頌東風花暖色依依在處牆頭蝴蝶飛  
婦不聞天子勅太平晝夜不關扉

靈雲見桃花豁然大悟偈曰三十年來尋劍  
客幾回葉落又抽枝自從一見桃花後直至  
如今更不疑

拈靈雲行脚三十年不知踏破幾許草鞋  
若無桃花刺破眼睛更走三十年未是苦

在

頌遍界桃花歷亂開遊蜂香醉落紅腮如  
何獨許靈雲見咄咄時人快道來

磨穿鞋底路悽悽一見桃花雙脚泥無限  
風流只這是樹頭賺殺杜鵑啼

僧問馬祖離四句絕百非請師直指西來意  
祖曰我今日勞倦不能爲汝說得問取智藏  
其僧乃來問師師曰汝何不問和尚僧曰和  
尚令某甲來問上座師曰我今日頭痛不能  
爲汝說得問取海兄去僧又去問海百丈和  
尚海曰我到這裏却不會僧乃舉似馬祖祖  
曰藏頭白海頭黑

拈這僧非惟眼瞎亦復耳聾

頌簷前風過白雲斜幾度笙歌意轉賒犬  
吠夜深途路客爲貪花柳未歸家

卷六

十九

花塢春風滿袖香紅紅白白兩相當那堪  
更有多情者麥笛一聲過野塘

興化獎禪師謂克賓維那曰汝不久爲唱導  
之師賓曰不入這保社師曰會了不入不會  
了不入曰總不與麼師便打曰克賓維那法  
戰不勝罰錢五貫設饋飯一堂次日師自白  
椎曰克賓維那法戰不勝不得喫飯即便出  
院

拈賊是小人智過君子興化脚跟被克賓  
掀起半空過一小劫方得著地克賓古佛  
其心安如海會麼賣盡衣單終不赤膊好  
則好矣美則盡美生鐵板子只不得喫飯  
頌昨日喫飯今日饑得便宜處失便宜爛  
泥上壁不得力劈面西風打活羅

德山托鉢

拈密啓其意壁上貼門神低頭歸方丈慚  
惶殺人果與尋常不同毫釐有差天地懸  
隔也祇得三年活我爲法王於法自在豈  
受人塗汚咄咄

頌出門不利情不賒相逢都是生冤家歸

去罷較些些亂啼春鳥落藤花

丹霞慧林寺遇天大寒取木佛燒火向院主  
訶曰何得燒我木佛師以杖子撥灰曰吾燒  
取舍利主曰木佛何有舍利師曰既無舍利  
更取兩尊燒主自後眉鬚墮落

拈院主便恁麼道因甚眉鬚墮落具眼者  
試說看

頌中堂虎坐面門穿慧宇星飛入子年掩  
室春風家裏過不知花落草芊芊

一喝分賓主照用一時行

拈臨濟和尚提唱空王佛向上一著可謂  
構村迭店暗裏書符忽遇無舌人他喝不  
得又作麼生賓主俱隱照用俱瞎佛法無  
靈驗

頌桃李花開三月天滿園青白潑人寒枝

頭春倦吹微細砌地殘紅不耐看

一句中具三玄一玄中具三要

拈人人盡道臨濟和尚是個白拈賊到這  
裏話不虛傳咄其言不當

頌春曉黃鸝叫翠微遊人陌上踏歌歸紙  
錢縷縷堆寒食遍野青隄古墓暉

佛照燒木佛有舍利天然燒木佛無舍利

拈我也道

頌丹霞佛照一坑埋誰向爐邊拾死柴千  
古路亭寒索索逼人舍利滿青鞋

有秀才看千佛名經問曰百千諸佛但見其  
名未審居何國土還化物也無師曰黃鶴樓  
崔灝題後秀才還曾題也未曰未曾師曰得  
閒題取一篇好

拈可惜一座黃鶴樓被長沙和尚埋沒殺

無六

三十一

千佛名經裏許喚作註解得麼癡人面前  
勿得說夢

頌寒鴈一聲喉舌冷悽悽蘆笛月明中荒  
塘踪跡無漁火徒有秋烟拂暗風

僧問洞山初和尚牛頭未見四祖時如何山  
云柳標木拄杖見後如何山云竇八布衫

拈洞山和尚大似不唧噥將別家拄杖布  
衫作自己物與他人若是個皮下有血的  
衲僧拄杖布衫一時安置竇八郎赤條條  
過日豈不悲哉

頌竇八布衫不禦寒七穿八穴破爛殘自  
從一見祖師後燈盞茶瓶盡入官

僧問初和尚如何是諸佛出身處山云寒山  
不語拾得笑

拈屈哉苦哉這兩個風顛漢自由自在自  
喜自悲與他諸佛影無交涉扯來填溝塞  
壑有屈無叫處

頌寒山不語拾得笑覲面與君說破了花  
落苔深春雨時曹兵敗走華容道

僧問如何是佛山云麻三斤

拈洞山定盤星也不識向秤鎚上辨斤兩  
頌如何是佛麻三斤搓得一條釣桶繩枯  
草井邊風雨爛年深日久變成精

趙州問一婆子甚麼處去婆云偷趙州筍去  
師曰忽遇趙州又作麼生婆便與一掌師休

去

拈夜眠侵曉起更有不眠人婆子一掌趙  
州猶如啞子喫黃瓜雖然這婆子也是看  
孔著楔未是好手

頌趙州慣使上頭關活脫齒牙若劒山今  
日偶逢花面虎雖無傷命血潺潺這一掌  
那一掌竹林深處倦將還相逢俠路難回  
避唱個山歌也當閒

黃檗運禪師因有六人新到五人作禮中一  
人提起坐具打一圓相師曰我聞有一隻獵  
犬甚惡僧云尋羈羊聲來師曰羈羊無聲到  
汝尋僧云尋羈羊跡來師曰羈羊無跡到汝  
尋僧云尋羈羊蹤來師曰羈羊無蹤到汝尋  
僧云與麼則死羈羊也師便休去明日陞堂  
曰昨尋羈羊僧出來僧便出師曰昨日公案

龜六

主

未了老僧休去你作麼生僧無語師曰將謂  
是本色衲僧元來是義學沙門便打趂出

拈黃檗幸是作家何不當時便打趂出須  
待明日且道黃檗意作麼生這僧既會尋  
羈羊蹤跡來又不曾黃檗休去非惟義學  
沙門還是脫空奴子

頌要覓羈羊蹤跡無村農鑿罷晚來沽滿  
林寒鵲爭枝聚風送餘音不當鳥

仰山隨瀉山游山到盤陀石上坐師侍立次  
忽鷄銜一紅柿落在面前瀉拾與師師接得  
洗了度與瀉瀉曰子甚處得來師曰此是和  
尚道德所感瀉曰汝也不得無分即分半與  
師

龜六

二十三

拈你看瀉山父子譚禪盡是平實語言著  
著不離紅柿一枚何似大地衆生性命不

出瀉山父子舌尖上吞吐鴉子供養序品

第一可謂佛法人情事事皆到

頌瀉山倦坐興偏賒飛箇鴉兒也作家何

處啣來紅柿子瀉山父子當盃茶

仰山一日有梵僧從空而至師曰近離甚處

僧云西天師曰幾時離彼僧云今早師曰何

太遲生僧云遊山玩水師曰神通遊戲即不

無佛法須還老僧始得僧云特來東土禮文

殊却遇小釋迦遂出梵書貝多葉與師作禮

乘空而去自此號小釋迦

拈這胡僧不識是誰家之子往返得恁麼

快便仰山小釋迦梵僧口邊得名一時佛

法隆盛若依語風斷小釋迦不合受伊梵

書貝多葉既受應當與梵僧三十拄杖何

故世無不答之禮文殊咽之

頌飛來一錫禮文殊遊戲雲烟作便與風

細細雨疎疎仰山古佛一茅廬道人錯落

天中月不合收他一梵書

瑞州九峰道虔禪師福州人也嘗爲石霜侍

者洎霜歸寂衆請首座繼住持師白衆曰須

明得先師意始可首座曰先師有甚麼意師

曰先師道休去歇去冷湫湫地去一念萬年

去寒灰枯木去古廟香爐去一條白練去其

餘即不問如何是一條白練去首座曰這箇

祇是明一色邊事師曰元來未曾會先師意在

首座曰你不肯我那但裝香來香烟斷處若

去不得即不會先師意遂裝香香烟未斷座

已脫去師拊其背曰坐脫立亡即不無先師

意未夢見在

拈若論九峰道虔泰首座理合喫二十棒

首座未會先師意惑亂大眾三十拄杖一杖較不得泰首座脫去如此迅速果然難得無奈達磨大師先曾說破不論禪定解脫惟論見性成佛今泰首座錯解石霜之語單修枯定一色邊作活計若當時九峰拊背迸出活眼曰先師意寧管九峰滿面慚惶容身無地如紙衣道者見曹山云莫是紙衣道者麼者諾山曰如何是紙衣下事者曰一裘纔挂體萬事悉皆如山曰如何是紙衣下用者進前三步脫去山曰祇解任麼去不解恁麼來者即開眼問曰一靈真性不假胞胎時如何山曰未是妙者曰如何是妙山曰不借借者脫去這箇纔是語風今日與首座代一語九峰若問如何是一條白練去便與劈脊一棒

第六

二十五

須白練千尋孰可攀影無顏色似人間苦哉錯會先師意脫去妨他路轉頑九峰老語忒辣祖庭氣岸從來惡把住須彌不放行更添脚下千斤索

僧問大梅如何是祖師西來意大梅曰西來無意鹽官聞乃曰一箇棺材兩箇死漢拈大梅猶自可鹽官苦殺人三箇也有

頌答處虛虛江上風一枝搖落荻花叢漁舸輕放瀟湘月那得魚龍入網中故使傍觀發一笑雙雙驚起宿沙鴻

雲門匡真禪師到江州有陳尚書請齋纔見便問儒書即不問三乘十二分教自有座主作麼生是衲僧行脚事師曰曾問幾人來書曰即今問上座師曰即今且置作麼生是教意書曰黃卷赤軸師曰這箇是文字語言作

麼生是教意書曰口欲譚而辭喪意欲緣而慮忘師曰口欲譚而辭喪爲對有言意欲緣而慮忘爲對忘想作麼生是教意尚書無語師曰見說尚書看法華經是否書曰是師曰經中道一切治生產業皆與實相不相違背且道非非想天有幾人退位書無語師曰尚書且莫草草三經五論師僧拋却特入叢林十年二十年尚不奈何尚書又爭得會書禮拜曰某甲罪過

拈這俗漢草賊大敗不知觸忤多少阿師來今日赤眼撞著火柴頭拶得上天無路入地無謀渾身放倒方知禪和子利害古今白衣說法頗多難問者不少陳尚書可謂法門榜樣  
頌紙糊面孔黑漆心撞著銅頭鐵眼禽活

捉生擒死去也放渠殘命度荒林雲門老千古萬古何處討鋒銚雷電秋空曉霹靂巖前爛草窠這回狂浪殘聲杳分付妻孥莫亂道江湖自有肝膽人捏死狐狼血牙爪

僧問趙州和尚狗子還有佛性也無州云無頌趙州狗子無佛性太上老君急急令張三燒却兩莖眉焦爛古墳丞相病

藥山令供養主抄化甘贊行者問甚處來曰藥山來甘曰來作麼曰教化甘曰將得藥來麼曰行者有甚麼病甘便捨銀兩錠意山中有人此物却回無人即休主便歸納疏藥山問曰子歸何速主曰問佛法相當得銀兩錠山令舉其語主舉已山曰速送還他子著賊了也主便送還甘曰由來有人遂添銀施之

拈古人道一句合頭語千載繫驢橛行者

到這裏被化主一合合倒轉身不得兩錠

金填溝塞壑化主却在困頭上捧金便走

若無藥山相救至今尚在困夢中

頌石中有水水中火燒殺禪人一張嘴忙

至堂前舉向渠累他辛苦多來去

秦時轆轤鑽

頌秦時鍍鑠鑽隔牆野鬼喚芻狗吠茅叢

但聽取一半

雪嶠禪師語錄卷第六

音釋

筑之六切音竹以竹爲曲爲五絃之樂也聶平秘切音備巨龍

貌壯寫礫高義切音蹲徂尊切音願桑才切音

籊郎丁切音籊靈與籊同籊羊似籊而籊大角

雪嶠禪師語錄卷第七

魚七

參學門人弘珠等編

拈頌

雪峰禪師一日陞座衆集定師輒出木毬

頌爲憐苦口舌頭乾滾出木毬與衆看活

魚七

卓卓月團團賺殺兒孫炭裏眠

雪峰輕打我

頌秤錘出汁砂出油托地酬他放亦收輕

打我活人機三千里外冷雲歸言中有響

會不會孔子周流著布衣

東坡不了心

頌雲出青山鳥出林三條篾縛換腰金輕

烟一帶蘇堤柳盡是當年不了心

普化和尚將示滅乃入市謂人曰乞我一箇

直裰人或與被襖或與布裘皆不受振鐸而

去臨濟令人送與一棺師笑曰臨濟廝兒饒

舌便受之乃辭衆曰普化明日去東門死也

郡人相率送出城師厲聲曰今日莖不合青

烏乃曰明日南門遷化人亦隨之又曰明日

出西門方吉人出漸稀出已還返人意稍怠

第四日自擎棺北門外振鐸入棺而逝郡人

奔走出城揭棺視之已不見唯聞空中振鐸

漸遠莫測其由

頌東邊不了西邊討看這風顛情太勞搖

得手酸欲歇去棺材空裏笑魔高

賓主句

頌蘆花江底去來鴈蓼葉渡頭上下天賓

主不隨父象變吉凶豈落劫初前

有僧問雲門如何是透法身句師云北斗裏

藏身

頌北斗藏身意若何長江水接白雲坡見  
孫多少不伶俐抱櫓搖橈也大差

城東老母與佛同生而不欲見佛每見佛來  
即便回避雖然如此回顧東西總皆是佛遂  
以手遮面于十指掌中亦總是佛

拈莫錯會城東老母好老母乃末世衆生  
最後一金鎚耳何以末世衆生向外馳求  
尋行數墨推已讓人鑽研故紙以爲袈裟  
下一生極則事佛從三大阿僧祇修證得  
來我等豈能容易如此識見胸臆中一釘  
釘定六根頓睹猶若墮落千萬丈陷穽永  
無回心出離之日老母古佛先知末世衆  
生不信頓悟一門即向三十二相八十種  
好一坐坐斷將手遮面不欲見佛然十指  
掌中見佛者此乃老母自性天真非他人

使然其意正出衆生本來是佛自心作佛  
觀體相見老母慈念衆生心切若將色相  
賣弄是佛衆生永不能發菩提心擔荷此  
事非惟十指上可見四大五蘊髮毛爪甲  
皆是佛之全身故祖師云通身是手眼三  
十二相以野狐精呵之如此便知前後一  
貫悲哉黃面老子吾知其無容身之地衆  
生每日神通放光自在何假色相喚渠是  
佛且達磨西來不立文字教外別傳直指  
人心見性成佛勞伊一番辛苦爲衆竭力  
不若城東老母擯佛何其撇脫語言文字  
一時焚却那更有葛藤留到今日纏縛衆  
生趙州云佛之一字吾不喜聞到這裏絲  
毫不立衆生諸佛亦是強立名言誰是彌  
勒誰爲彌勒自亦擯之以此較之何處非

釋迦何方不老母何衆生不佛這則公案  
只要衆生信得及直下因地一聲城東老  
母產下祖師了也用佛何爲還識祖師殺  
人刀活人劒麼厠籌子千古奇特老母其  
誰歟

頌老母城東亦丈夫眼睛清冷絕諸訛三  
千里外相逢著不是當年這老胡莫謂似  
月中無影休辜負若向空王殿上行脚跟  
斬斷誰回互

徑山國一禪師上堂僧問如何是道師曰山  
上有鯉魚井底有蓬塵

拈這則公案因國一答得新奇古今無人  
與著語風今日橫推日月倒轉山河吸盡  
源泉掀翻五岫管教井底無塵而百劫長  
清鯉魚插翅而高冲霄漢且道這僧會不

會

頌一指驚心萬指寒鯉魚插翅挂黃冠至  
今山上洪波滾滌淨蓬塵井底寬竹簪燈  
沉疎影夜猿啼山月上欄杆

徑山鑑宗無上禪師

拈鹽官的子臨濟前輩自鹽官決疑之後  
尋徑山將息開堂拈提爲第二代住持今  
塔蹟雖存淒涼壅塞嗟嗟何時得儵然一  
路豁耳

頌塔示全身聊有蹤堆堆土石畧遮風三

魚七

四

更五夜山頭月聽取龍吟古寺鐘無上老  
知也未唐時直至今這箇性靈原不異日  
炙與風吹滄海桑田何可據劫火洞然燒  
大地總成是活計

徑山塗毒智策禪師天台陳氏子行脚往豫

章謁典牛道由雲居風雪塞路坐閱四十二  
日午初版聲鏗然豁爾大悟及造門典牛獨  
指師曰甚處見神見鬼來師曰雲居聞版聲  
來牛曰是甚麼師曰打破虛空全無柄靶牛  
曰向上事未在師曰東家暗坐西家嘶罵牛  
曰嶄然超出佛祖他日起家一麟足矣師偈  
曰色見聲求也不妨百花影裏繡鴛鴦自從  
識得金針後一任風吹滿袖香師將示寂陞  
座別衆囑門人以文祭之師危坐傾聽至尚  
饗爲之一笑越兩日沐浴更衣集衆說偈曰  
四大既分飛烟雲任意歸秋天霜夜月萬里  
轉光輝俄頃洎然而逝塔全身于東崗之麓  
拈大凡得的人開口動舌不犯風化自然  
與妙自然風流你看塗毒老人竊得雲居  
版聲歸家就會搖唇鼓舌捕老鼠捉青蛇

錄七

五

批判古今將聲色囊藏被蓋爲自己衣帶  
下物捏得一些渣滓也沒有示寂又賣弄  
家醜可謂光前絕後塗毒其人歟  
頌聲色元來是甚麼春風花鳥雜笙歌仙  
郎去後鴛鴦散只見枝頭蜂蝶多死得好  
祭文讀罷爲之笑全身塔塋五峰雲寒夕  
何人遣風掃也非僧也非狡盡屬人家園  
地了塗毒鼓聲振野郊山前山後成荒草  
大慧果妙喜老人

拈這個妙喜老人復起臨濟之風三玄三  
要撒開餒魚餒鶩了無少剩四賓主料揀  
搏拈如泥一些子筋骨也不存上堂普說  
若遊戲四天下不著一毫氣力小叅入室  
如笑談涕唾輕脫脫一雙手作白拈賊如  
神三寸舌根若懸河擬瀉竹篋子敲磚弄

瓦提契傀儡七上八下活捉生擒全不怕  
些罪過這回去鑊湯爐炭決定饒伊不得  
頌舌似蓮花遍界香掬將雲氣裹寒霜生  
來眼目天然異不屬娥眉對鏡莊山谷風  
雷乳虎面湘江星月道人腸一雙辣手難  
相似縱使惺惺且覆藏

香嚴和尚獨腳頌以張無盡因緣例之無盡  
謁東林照覺禪師覺詰其所見與已符合乃  
印可最後問兜率悅禪師公與悅語次稱賞  
東林悅未肯其說公乃題寺後擬瀑軒詩其  
畧曰不向廬山尋落處象王鼻孔謾撩天意  
譏其不肯東林也至更深論及宗門事悅曰  
東林既印可運使運使於佛祖言教有少疑  
否公曰有這箇怎麼好悅曰疑何等語公曰  
露出一角也疑香嚴獨腳頌如此從前德山托鉢話那裏  
不會悟

悅曰既於此有疑其餘安得無邪祇如巖頭  
言末後句是有邪是無邪公曰有滿口野狐  
林覺三十青柴何故賺人不少次打張商英  
三十若帶柄何故不合受他家冬瓜印子  
悅大笑笑裏便歸方丈閉却門公一夜睡不  
穩元來至五更下牀觸翻溺器盡底去乃大  
徹猶帶尿猛省前話始知兜率獨腳頌云子  
碎母啄子覺母殺子母俱亡應緣不錯  
拈子碎母啄即且從子覺母殺向那裏討  
即得子母俱亡應緣不錯子母既亡杳絕  
音耗阿那個應緣不錯且道憑個甚麼道  
無七  
理有人到此立得脚麼識得渠麼出來對  
衆道看若道未得莫亂道叅禪祇爲命根  
不斷依語生解搬出人前便見逗漏張無  
盡可作龜鑑到這裏下得手捏得香嚴鼻  
孔酸滴滴地禪和子本分茶飯若於獨腳

少有疑古今公案未夢見在切勿孟浪大  
須仔細今時出世稱長老者問著便是盲  
棒瞎喝非惟瞞肝他人兼自瞞耳他時如  
何見得闍家老子當時張無盡苟非兜率  
老婆心無盡那有今日

魚七

七

須獨脚香嚴鎖萬重重錦繡白雲封個  
中子母元無命碎啄之機也太聾錯不錯  
含元殿裏黃金索假饒牙爪利如錐早落  
香巖并鑊鑠張商英東林覺冬瓜印子砒  
霜惡死馬醫來活似猓千古無人敢動著  
內翰東坡居士蘇軾字子瞻因宿東林與照  
覺論無情話有省黎明獻偈溪聲便是廣長  
舌山色豈非清淨身夜來八萬四千偈他日  
如何舉似人未幾抵荆南聞玉泉皓禪師機  
鋒不可觸公擬抑之卽微服求見泉問曰尊

官高姓公曰姓秤乃秤天下長老的秤泉喝  
曰且道這一喝重多少公無對語風代云定盤星爆也  
於是尊禮之何不早後過金山有寫公照容  
者公戲題曰心似已灰之木身如不繫之舟  
問汝平生功業黃州惠州瓊州

拈這東坡老臊胡大似風流遊戲漢子若  
在東林覺印子脫出決定信人不得何故  
張無盡脏在若論夜來八萬四千偈他日  
如何舉似人少有宗門氣息一根秤子尚  
不會用用即被人拗折觀其所由悟即不  
無命根斷未敢相許古今相傳五祖戒後  
身若恁麼利害不淺雖然今日要如此蘇  
子瞻也難得

頌黃州惠州瓊州去去來來獨偶剛得一  
根秤子喝下還是空手落落拓拓一生妙

在舌頭會樓作萬古之斯文同秋風之抖擻儼似石灰布袋狼藉不用苕帚更問如何若何不會說禪只會喫肉吞酒

徑山別峰寶印禪師至徑山謁大慧慧問曰甚麼處來師曰西川慧曰未出劔門關與汝

魚七

八

三十棒了也師曰不合起動和尚慧忻然掃室延之紹熙元年十一月往見交承智策禪師與之言別策問行日師曰水到渠成歸索紙書十二月初七夜鷄鳴時九字如期而化奉蛻質返寺之法堂留七日顏色明潤髮長頂溫越七日葬於菴之西岡謚慈辯禪師

拈古人去住得大自在乃平日定慧所致非可強也少有物滯則不自由今別峰印禪師徑山開堂數十年二十六代住持也師年邁益厭住持十五年冬奏乞菴居得

請終後葬於菴之西岡今人不識何地方爲西岡何處爲菴居不亦疑乎

頌鷄鳴時刻報君知水到渠成月上枝豈是尋常心可擬言詮安得契無爲

雲門顧鑑嘆

拈跛脚阿師掃來掃去一生不著便陳尊宿感戴不盡後被人喚作紅旗閃爍受屈不少

頌雲門顧鑒嘆六六三十六有米便煮飯沒米便煮粥得得得養家方子須明白

魚七

九

徑山法濟湮禪師僧問掩息如灰時如何師曰猶是時人工幹僧曰幹後如何師曰耕人田不種僧曰畢竟如何師曰禾熟不臨場拈一問一答如鐵打釘半斤八兩三寸五寸鎚鎚相應不費心力然乃這僧問處不

真答去勞而無功雖然閑故紙要且無益  
於人三十年後有人動著粥足飯足佛法  
始有靈驗

頌寥寥行來月似盤千峰秋白葉將寬北  
窗無物誰能惜南畝多雲我獨看路徑慣  
飛猿捉果池塘引步兔尋餐不妨問答非  
干舌一任庭花雨露寒多少耕人不插田  
一般把箸度浮年青眉漫鎖閑愁緒綠袖  
偏臨媚景川雛雀怕飛枝尚遠蒼龍欲翅  
月同眠掩然無事燈初續投寺秋雲亦豎  
拳忙忙促促曉春耕半節蓑衣蘸水明踏  
渚鷺鷥擬雪色歌花鸚鵡眼風晴篇章石  
上鋪烟嫩律調林邊開錦英最快牧童牛  
不管索頭無恙任縱橫

大慧禪師舉竹篋示僧喚作竹篋則觸不喚

作竹篋則背不得下語不得無語速道速道  
拈著甚死急喫了清水白米閑不過大似  
發狂發顛幸是這僧若是語風喝一喝打  
一圓相書個○字拋向面前且看妙喜作  
麼生折合

頌離中虛坎中滿允上缺巽下斷是甚麼  
章句忠清里巷馬回子諸人還會麼休休  
三十六條花柳巷向來曾不禁人行

趙州栢樹子

拈趙州和尚盜常住物私已用幸是這僧  
不要若荷負將去大似平地喫交

頌日炙風吹這趙州祖師潭不在鉤頭西  
來大意庭前栢欲得相親更上樓

徑山照堂了一禪師明州人上堂云禪玄之  
士觸境遇緣不能直下透脫者蓋爲業識深

重情妄膠固六門未息一處不通絕點純清  
含生難到直須入林不動草入水不動波始  
可順生死流入人間世諸人要會麼以拄杖  
畫曰祇向這裏薦取

拈這明州人說甚六門一門大都祖師出  
世無事討事無夢說夢盡大地撮來是粟  
米大微細更微細影也沒有說個利生早  
是緣木求魚一場好笑不如穩坐青山目  
視雲漢始合那邊

頌說個空王佛即差何堪舉拂更拈花六  
門晝夜白毫現日日衆生常在家

徑山智訥妙空禪師僧問牛頭未見四祖時  
如何師曰坐久成勞見後如何不妨我東行  
西行

拈妙空和尚雖得兩轉語以包括千七百

魚七

十一

則陳爛葛藤了也坐久成勞東行西行雖  
然與那牛頭猶隔丹陽在

頌問處疎寒答處親莫教扭捏昔時人牛  
頭山上御花鳥換却羽毛不叫春貧徹骨  
冷如水雲在青山水在瓶虎踪狼跡如何  
也白澤之圖孰可盟

有僧問師云時時示時人時人自不識即今  
這裏是甚麼時師答曰甲子乙丑丙丁巳卯  
復頌漁郎船子兩頭穿逆順風波總不前  
討個火來炊飯喫荻花叢裏滿天烟

又問處處無踪跡聲色外威儀即今這裏是  
甚麼處師答曰有個人來知前不知後莫向  
這裏覓

頌飽食胡餅更由誰獨我山居常不炊自  
喫那些鐵橛子問雲問水孰追隨

又問人從橋上過橋流水不流即今這裏是  
什麼人師答云眉橫鼻直不必打點

頌威音那畔不知名猶若千江孤月行擬  
議四山光影亂照人肝膽不分明

中峰禪師觀流水有省即詣高峰求證高峰  
打趺出既而民間訛傳選童男女師因問曰  
忽有人來問和尚討童男女時如何高峰曰  
我但度竹篦子與他師於言下大悟

拈高峰剝肉做瘡貶陷平人中峰脚跟未  
穩一狀領過若依語風判斷兩人犯彌天  
之罪各罰饘飯一堂借此供狸奴白牯何  
故與他流水甚麼相干雖然不許夜行投  
明須到

頌竹篦拈來用得親曹家女子屬他人柳  
絲眼暖春三月兩個黃鸝相對陳紅粉髮

魚七

十二

紫羅牀十分恩愛醉牙觴駕鸞飛入翠微  
裏鳳閣龍樓遠建章

法昌遇禪師上堂春山青春水綠一覺南柯  
夢初足携筇縱步出松門是處桃花香馥郁  
因思昔日靈雲老三十年來無處討如今競  
愛摘楊花紅香滿地無人掃

拈這箇語話若作禪道佛法商量太遠在  
若作風流景緻會又辜負法昌還有人向  
這裏和會得麼出來說看若和會未得元  
在法昌舌根上轉

魚七

七

頌舌根落落送嘉聲香谷春枝朵朵橫亂  
挿山頭紅白髮平分水面淡濃情南柯夢  
覺人何在北騎征忘身未名自是法昌閒  
不徹楊花襲襲逐君行

佛印禪師一日與學人入室次適東坡居士

到面前師曰此間無坐榻居士來此作甚麼  
士曰暫借佛印四大爲坐榻師曰山僧有一  
問居士若道得即請坐道不得即輸腰下玉  
帶子士欣然曰便請師曰居士適來道暫借  
山僧四大爲坐榻祇如山僧四大本空五陰

魚

十三

非有居士向甚麼處坐士不能答遂畱玉帶  
師却贈以雲山衲衣士乃作偈曰百千燈作  
一燈光盡是恒沙妙法王是故東坡不敢惜  
借君四大作禪牀病骨難堪玉帶圍鈍根仍  
落箭鋒機會當乞食歌姬院奪得雲山舊衲  
衣此帶閱人如傳舍流傳到我亦悠哉錦袍  
錯落猶相稱乞與伴狂老萬回

拈東坡居士到佛印處大似刺頭入膠盆  
奈何人硬貨不硬開口便落人圈續總之  
不知宗門有陷虎之機雖然莫怨他家枯

井深若是徑山則不然見他道四大本空  
五陰非有竟扯佛印出山門佛印也無奈  
我何

頌玉帶垂垂束紫腰一天風靜落孤鵬雲  
山綻衲何長短輸與春堤嘶柳驕

天章寶月禪師僧問如何是佛法大意師曰  
一年三百六十日曰便恁麼會時如何師曰  
迢迢十萬不是遠

拈這僧問佛法大意不識佛法大意是個  
甚麼答伊一年三百六十日雙手擎出來  
也天章將謂熟瞞這僧這僧却不要天章  
却成自瞞呵呵這些飯袋子古今有之  
頌變化魚龍水不知聖凡名字孰爲施眉  
毛生在眼睛下捉個麒麟當馬騎問佛法  
莫狐疑現成公案破窗籬一年三百六十

日日春風動竹枝

大梅法英祖鏡禪師宣和初勅天下僧尼爲德士雖主法聚議無一言以回上意師肆筆解老子詣進上覽謂近臣曰法英道德經解言簡理詣於古未有宜賜入道藏流行仍就賜冠珮壇誥不知師意者往往以其爲佞諛明年秋詔復天下僧尼師獨無改志至紹興初晨起戴樺皮冠披鶴氅執象簡穿朱履使擊鼓集衆陞座召大衆曰蘭芳春谷菊秋籬物必榮枯各有時昔毀僧尼專奉道後平道佞復僧尼且道僧尼形相作麼生復取冠示衆曰吾頂從來似月圓雖冠其髮不成仙今朝拋下無遮障放出神光透碧天擲之於地隨易僧服提鶴氅曰如來昔日貿皮衣數載慚將鶴氅披還我丈夫調御服須知此服不

龜七

古

相宜擲之舉象簡曰爲嫌禪板太無端豈料遭他象簡瞞今日因何忽放下普天致仕老仙官擲之提朱履曰達磨携將一隻歸兒孫從此赤腳走借他朱履代麻鞋休道時難事掣肘化鵬未遇不如鷄畫虎不成反類狗擲之橫拄杖曰今朝拄杖化爲龍分破華山千萬重復倚肩曰珍重佛心真聖主好將堯德振吾宗擲下拄杖斂目而逝

龜七

十五

拈大哉善哉大梅和尚真奇特丈夫天師表看伊作用大似大海起波濤無你擬議處所謂法界量減者出入若遊戲隨意拈弄真幻影中人三界爲戲場耳嗟佛祖光明末後始信雖然當初不該斂目而逝若是徑山更活三十年有何不快咄咄須身平價平無礙光明處身空洞居界無

城千載風骨萬世嘉名僧充道士絕戶絕  
丁皮衣鶴氅何重何輕如夢如幻赤體虛  
靈妙哉至德驚瞎龜盲頌之若謗天明五  
更

甘贄行者入南泉設粥

拈南泉老老大大未免隨人起倒直饒打  
破粥鍋也是賊過後張弓若在請念誦時  
掀翻桌子猶較些子悲哉喫得一碗粥折  
了一口鍋仔細打一算好事不如無甘贄  
行者雖然拂袖便去未稱好手何故賊頭  
狗面俗氣不除

頌不是冤家不聚頭偷營劫寨涸涸流狸  
奴白牯無靈性引得王郎特地愁

投子和尚僧問一切聲是佛聲是否曰是云  
和尚莫屎涕盃鳴聲投子便打又問麈尾及

細語皆歸第一義是否曰是云和尚作頭驢  
得麼投子便打

拈這僧弄嘴頭以作遊戲好痛與三十棒  
投子不識轉變由人犯法亦與二十拄杖  
還有不甘者麼二俱擯出

頌佛自無言何有聲作驢作馬不多爭一

團白月潭中現處處秋光照夜明

天衣懷和尚示衆舉古人云五蘊山頭一段  
空同門出入不相逢無量劫來賃屋住到頭  
不識主人公有老宿拈云既不識他當初問

惠

十六

甚麼人賃恁麼拈也太遠在何故須知死人  
路上有活人出身活人路上死人無數那個  
是活人路上死人無數那個是死人路上活  
人出身處若檢點得分明拈却胭脂帽子脫  
却鶻臭布衫

拈前老宿拈云既不識他當初問甚麼人  
賃此語大有叅情肯向這裏下隻腳踏遍  
四天下忽遇無厭足王出生死也不難今  
人拖了死屍長日亂闖說張三道李四好  
山好水好叢林好風涼孰不知都向死人  
路上分別短長還要識活人麼死人路上  
會取天衣和尚固是弄潮手只是忒煞老  
婆且聽許半個字

頌秋風颼颼何太涼從來不識個中郎同  
門出入年來事賃屋那曾著地方彷彿示  
人名是主依稀當體假爲鄉欲知端的歸  
家路耳朶頭毛五蘊香

雲門曰眼睫橫亘十方眉毛上透乾坤下透  
黃泉須彌塞却汝咽喉還有人會得麼若有  
人會得拽取占波共新羅關額

十七

十七

拈雲門和尚說禪猶若萬里無人烟一間  
破屋裏手舞足蹈高聲唱言我是如來應  
供正徧知名行足自喜自悲自言自語還  
有知音者麼對牛彈琴

頌囉囉哩哩唱田歌曠劫許誰薦得麼梳  
影草萊翻白晝潑空烟雨冷青蓑分明花  
在春枝上花落香寒春色過琴瑟無音言  
語正尋行數墨病何多

僧問雲門如何是諸佛出身處門云東山水  
上行

拈諸人會麼東山水上行則易會諸佛出  
身處則難明何故謂伊諸佛無鼻孔

頌拈地西風劈面吹君家何必苦追隨東  
山水上如何會笑指雲門妙絕詞

僧問雲門如何是一切智智清淨門云掃地

潑水相公來

拈雲門大師隨手拈一錠足色紋銀與這僧可憐這僧不識嗟哉世間幾人能會此意除非過量人金博金水投水

頌掃地潑水相公來陳年茗帚白花开無端拈在春籬上天曉黃鸝叫幾回

仰山叅東寺如會禪師問汝是甚處人仰曰廣南人師曰我聞廣南有鎮海明珠是否仰曰是師曰此珠如何仰曰黑月則隱白月則現師曰還將來也無仰曰將得來師曰何不呈似老僧仰叉手近前曰昨到瀉山亦被索此珠直得無言可對無理可伸師曰真獅子兒善能哮吼仰禮拜却入客位具威儀再上人事師纔見乃曰已相見了也仰曰怎麼相見莫不當否師歸方丈閉却門仰歸舉似瀉

山瀉曰寂子是甚麼心行仰曰若不恁麼爭識得他

拈仰山說法酬機大似空中一隻鶴旋轉俯仰活卓卓地搏風萬里吸孤雲於霄漢巢喬木於蒼翠鎮海明珠滿地撒去又道無言可對無理可伸幸是東寺長老放過徑山又且不然何故禮多必詐

頌仰山小釋迦東寺老古錘如牛飲澗泉上下嘴對嘴明珠撒出太多又道無言可對小釋迦善言語此情惟有當行知千載

魚七

丈

無人敢相許

章敬懷暉禪師有僧來遶師三匝振錫而立師曰是其僧又到南泉亦遶南泉三匝振錫而立泉曰是不是此是風力所轉終成敗壞僧曰章敬道是爲甚麼和尚道不是泉

曰章敬即是汝不是

拈妙哉宗門殺活自在這僧脚跟不穩若  
脚跟穩當的道是也只怎麼道不是也只  
怎麼何故自有錫杖在

頌錫杖搖搖在路途隨風墜落葛藤窠天

魚七

十九

涯渺漠何時到莫去山前作野狐

青原行思禪師見六祖問曰當何所務即得  
不落階級祖曰汝曾作甚麼來師曰聖諦亦  
不爲祖曰落何階級師曰聖諦尚不爲何階  
級之有祖深器之

拈言言出身不落人境字字如珠不涉玄  
妙非具手眼衲僧莫能窮其淺深今有杜  
撰長老妄斷曲直作狐涎氣吾謂此人尚  
在門外不知海內有人眼如閃電

頌問處深深湛若秋金針引月過長流針

鋒不損月中水境色安窺頂上眸君不見  
作家手宗眼清明六不收今古嫡傳誰敢  
擬赤斑蛇啖海中漚

雪峰迎雲門纔見便曰因甚麼得到與麼地  
雲門乃低頭從茲契合

拈雪峰既知雲門來處更問奚爲幸是問  
著雲門若問著別個即搬出秦時鍍鑠鑽  
雪峰也無奈伊何

頌因甚麼得到與麼地觸著雲門痛癢處  
含淚未乾恨未止低頭已一簾風月許誰  
知至今遺痕在江湖閃爍紅旗顧鑑嘆

唐莊宗詔興化問曰朕收中原獲得一寶未  
曾有人酬價師曰請陛下寶看帝以兩手舒  
幘頭脚師曰君王之寶誰敢酬價龍顏大悅  
拈興化和尚舌辯如風有個唐莊宗賣弄

不少若非興化慈悲幙頭幾乎粉碎

頌興化老太無端佛法人情兩俱到輕把  
幙頭彈一指昔來痕跡未曾消舊幙頭說  
向帝王價不高

廟賓國王秉劔至師子尊者所問曰師得蘊  
空否祖曰已得蘊空王曰離生死否祖曰已  
離生死王曰既離生死可施我頭祖曰身非  
我有何恡於頭王即揮刃斷尊者首白乳涌  
高數尺王之右臂旋亦墮地七日而終

拈師子尊者既償定業王揮刃斷尊者首  
白乳涌高數尺可知王之右臂旋亦墮地  
七日而終何哉嗟孤掌不成拍

復拈當時王若問徑山師得蘊空否答未  
空曰離生死否答未離王曰可施我頭否  
咄哉癡人頭安可施非惟頭作得主王之

二十七

完膚何如哉

頌幻擬無根同海雲浮沉冉冉孰爲捫一  
刀兩段春風裡千古半林明月痕夙債希  
成談白血全身拋出示王孫癡兒臂墮延  
七夕永劫沙汀飛冷魂休將此地較疎親  
遊戲場中偶似人白乳染成銀芍藥香流  
莫問去來身

再拈師子尊者預付法於婆舍斯多尊者  
以償夙緣非佛法中有斯事非佛法中無  
此事耶何故柴船自上米船自下

魚七

王

頌夙業難違要明剖一刀兩段獅子吼甚  
渠風雨月行空這段因緣非爾偶白乳升  
天數尺餘還他墮地一隻手

浮盃和尚凌行婆來禮拜師與坐吃茶婆乃  
問盡力道不得底句分付阿誰師曰浮盃無

剝語婆曰未到浮盃不妨疑著師曰別有長處不妨拈出婆歛手哭曰蒼天中更添冤苦師無語婆曰語不知偏正理不識倒邪爲人即禍生後有僧舉似南泉泉曰苦哉浮盃被

這老婆摧折一上婆後聞笑曰王老師猶少機關在澄一禪客逢見行婆便問怎生是南泉猶少機關在婆乃哭曰可悲可痛一罔措婆曰會麼一合掌而立婆曰伎死禪和如麻如粟一舉似趙州州曰我若見這臭老婆問教口啞一曰未審和尚怎生問他州便打一曰爲甚麼却打某甲州曰似這伎死漢不打更待幾時連打數棒婆聞却曰趙州合喫婆手裡棒後僧舉似趙州州哭曰可悲可痛婆聞此語合掌歎曰趙州眼光燦破四天下州令僧問如何是趙州眼婆乃豎起拳頭僧回

舉似趙州州作偈曰當機覲面提覲面當機疾報汝凌行婆哭聲何得失婆以偈答曰哭聲師已曉已曉復誰知當時摩竭國幾喪目前機

拈浮盃和尚馬祖下第七十四位何得不識語句受人熱瞞離師大早欠商量之過使這老婆聲價高遠若非趙州塞斷伊嚙喉那裡見有男子當時徑山若在見他歛手哭蒼天即與五棒趁出

頌凌行婆郎君女拈却浮盃無剩語脩然

魚七

三

異類中行去何似貓兒捉老鼠老漢浮盃悟不真還須趙老相幫舉

趙州問投子大死的人却活來時如何投子云不許夜行投明須到

拈昨有禪和子舉此語打個噴嚏答之問

他會麼曰不會不許夜行投明須到

須生出從前不作家怕人相見怕人誇夜  
行風亂青雲髻天曉露含白荳花處處綠  
楊堪繫馬山山黑月不飛鴉可憐直疾鬼  
無足驛路淒淒芳草嗟

夜半正明天曉不露

拈三個猢猻夜簸錢又如何海曙初明時  
又如何僧問古德如何是夜半正明天曉  
不露答云牡丹花下睡猫兒

頌牡丹花下睡猫兒答得依條絕妙辭梅  
綻石邊煙潑眼荻開江上月斜披地梭女  
子夜成錦把釣漁郎曉不知秋到家家簾  
幕雨人人悉見草安疑

懷淨土詩

青蓮臺上老金仙接引衆生不論年必也慈

魚七

三三

悲癡眷屬娑婆搏作四禪天

林下長開佛面花子規叫血數珠斜耳邊多  
少閒題目賺煞春風不到家  
日日飛忙似蜜蜂何時疑徹五陰空方纔拈  
得金剛子又有人來覓相公

秋來亭臺柿葉紅朝朝顏色不相同黑風忽

地牀頭起淨土如何去得通

傍閣芙蓉蘸水時誰人識得兩莖眉牕開面  
面彌陀佛不把閒心更著疑

日輪西涌五更初冷照池塘十萬魚未合吾

師懸鼓觀希奇別出一行書

彌陀六字鳥空啼鼓翼隨羣欲往西莫待好

花春雨過十分香氣蘸新泥

念佛如何行路人白雲渺渺一孤身彌陀不

在蓮華土賺我光陰十萬程

自性彌陀絕主賓山花浪暖柳枝新不勞更  
用之乎者覲面無非西土人

垂手噓噓已較多蒼龍未必混長波堪憐癡  
愛闔浮地不肯回頭可奈何

香檻殷殷樹裏開松枝漱灑滿樓臺不知箇  
是全身佛只管忉忉舌上裁

月明秋夜坐禪時香動黃昏靜若思收拾漫  
歸殘屋下蓮華開遍好題詩

珊瑚枝掛弱犀牛苦海揚波難盡頭咬啐一  
團空界月與君把手入層樓

追思父母未生前痛徹心頭得幾年面目昨  
來遭毒手一腔熱血葬青蓮

結根深種死生關彷彿安能五欲殘盡道工  
夫難下手不知日坐鐵圍山

古人有語極相投莫與兒孫作馬牛撒手懸

魚七

王吉

崖歸淨土任他滄海變荒丘

觀成十六佛無生平地風波問丙丁情盡六

門都不照江山朵朵月空明

瑤枝風撼水文章一瓣花飛蓮子香孤露竟

無人在上樂邦慈母越悲傷

梅枝鵲誦柳枝詩呼爾歸來未較遲我欲娑

婆多住住他年皓首是佳期

溪上行歌杖紫藤落花沒膝叫黃鶯春池無

月空撈漉早叩蓮邦題姓名

惡境交加鼓業風何曾汙染得虛空家鄉田

地如天穩不著閒愁方寸中

甲子山居澹石翁鑿池種月待秋風松聽白

晝彌陀佛抱枕無眠憶遠公

玉靜草堂喬木隣短牆梅綻初春雖然不

似蓮華土拒絕人間萬斛塵

築堤原爲晚山烟構屋還須三兩椽衲破扯

開荷葉補西方莫厭我廉纖

蹋遍秋山拋杖藜峻峻澹石絕攀躋人情若

道閻浮苦誰箇男兒不念西

新藕花開月上女敗荷葉爛紫袈裟驚鷺撞

魚七

圭

破蘆花雪天樂吹來處士家

晴峰古木獻花巖白兔時同野鹿叅爆竹聲

中明指示眼前瓦礫總優曇

一二三四五六七一心不亂往生西佛言說

得雖容易動步通身入淤泥

行船分付把梢婆須識長河逆順波只怕順

風吹過火轉來不得逆風多

布地金沙一坦平毫無銅鐵貢高名仕人欲

見彌陀佛先把毒蛇空聚明

衡門竟日對江開望斷春雲人不來薦取自

家親徹旨畫眉丞相下樓臺

與君法則鼓真風撇去頑然念苦空彈指揭

開千佛面白花影裏樹重重

西方可去芒鞋滑東土無依慙火畱紅爛劫

燒媼舍女痛心莫恨夜叉頭

青灰堆裏一聲佛萬劫死生火上冰功德池

空舍日月數枝香嫩白雲蒸

曉煙堤上柳精神垂示迷魂出暗塵多少闌

提邊塞死馬蹄遙送斷腸人

癡愚不解唯心土離此唯心別有麼每日普

光明殿裏搬柴運水古彌陀

欲醉黃昏合兩眸吞殘精氣粉骷髏荒郊壘

壘添新土多是少年人骨頭

我慢山高業障馳難爲心地道相期使君放

下無明窟便是那邊阿耨池

善法堂中議聖流夢涼雙徑祖燈秋衲僧棒

喝何如用直接西來最上頭

雪覆千山白馬蹄揚鞭歸去日蹉西兒號女

哭冤家別行樹忽驚鸚鵡啼

少婦樓頭思正濃梳烟楊柳細東風王孫是

處迷歸路曾寄家書幾萬封

佛樹扶疎接鈍機葛藤活活練荆扉明年了

得三椿事便可身輕同鶴飛

善法堂前議聖流南泉收得一頭牛欲將騎

往西方去唯恐西方不肯留

善法堂中拜冕旒百千天子盡風流人間罪

福分明舉不落空王簿上收

佛言利智法王臣獨一無師自悟人星宿劫

中何者是桃紅李白示全身

娑婆無苦苦娑婆果得婆伽益更多煩惱破

七

十六

時婆亦殞涅槃深義遍婆娑

嗟乎昔日頂生王七寶嚴身心尚狂不若水

邊窮衲子坐禪無力念西方

利養娑婆應有期百年快活剎那時渾身煨

得如生鐵只恐幽冥添馬皮

雪嶠禪師語錄卷第七

音釋

斬士減切音剗搏徒官切音團以手團之

輓山高峻貌輓衣冠不解如蛇輓耳尿木

輓輓投也輓衣冠不解如蛇輓耳尿木

輓輓投也輓衣冠不解如蛇輓耳尿木

輓輓投也輓衣冠不解如蛇輓耳尿木

三

雪嶠禪師語錄卷第八

魚八

參學門人弘珠等編

書問

辭衆檀開法徑山

凡稱善知識助佛祖揚化使衲子回心向道

魚八

移風易俗古人當理之言余今嚴身無德濫

廁僧倫視聽不聰幸安林下叨居雙髻雙徑

三十餘年但隨緣消遣澹泊而已絕無望上

之心出世之想况復佛祖門牆未可容易人

天衆前福力不勝欲舉大事因緣要以機教

相扣非揚揚鼓舌者擔荷大法所以閒心於

風月林前孤崖獨步問水於東坡池上掬烟

累手歌一聲兩聲主山神錄記殘楓紅散碧

落踏秋山以無處逐狂鹿而不返夕陽西去

茅亭綻衲下松枝旭日東來爛石蒼頭飛竹

葉幽幽不動軒中老病扶持天台藤杖垂垂  
語風石上白髮難爲蘇堤烟水道之隆替豈  
常耶在人弘之耳末法下衰諸方說禪者有  
人馬鹿鳴猿嘯唧唧草根則吾豈敢類聚諸  
方若州院之菊花水土各異有落不落之分  
別且教放我深深處鬼神覩不破無陰陽地  
上卓箇青檐叫不應山谷中煮些紅雨隨春  
秋以將息拈黃熟而祝聖年年如是月月皆  
然善法堂中分明舉示已上供通並是詣實  
望大檀護法留我在山作千古之榜樣萬感

寄憨山大師

師老矣某何時出山方得一晤雲水縑素頗  
多其中不知有一個半個爲問此事否末法  
澆漓難得其人某何日潑皮大膽將十方塵  
刹國土鎔作一咲拋擲座下欲師一一還我

去住頭緒亦鎔作一咲擲之徑山語風居今  
朝幸是無事師亦不可將本頭上現成茶飯  
打發三家村裏齋公亦不許之乎者也以當  
生平

### 與聞谷禪師

兄意欲弟晤便是舊時面孔晤作甚麼今年  
五十一狂心未休歇摸着鏡中頭臨濟白拈  
賊雙髻安身驢馬生牛月惡聲天下傳誰  
是親骨血有日出頭來一棒俱打折留得趙  
州狗咬折乾屎橛前山與後山虎狼齊叫屈  
夜半捉烏鷄天曉日頭出來時我獨來無口  
爲兄說

### 附石布衲余集生居士書

弟子裕拈香啟問今日是臘月八日自宋  
東京諸大寺於是日作浴佛會以七寶五

魚八

味粥相遺沿傳至今不論木佛金佛泥佛  
城裏也浴山裏也浴灌頂底灌頂捧足底  
捧足請問水裏泥佛如何浴爐裏金佛如  
何浴火裏木佛如何浴祇如教中道不洗  
塵不洗體却向甚麼處浴起縱浴得紫金  
胸還浴得白毫光麼縱浴得三十二相還  
浴得頂相麼即今七寶粥供佛了未審一  
衆均沾也無

### 荅石布衲

不管伊金木水火土紫磨白毫光浴得浴不  
得與我收拾來一時埋向釋迦老子鼻孔裏  
免教惑亂人家男女在七寶粥早以吃向肚  
裏飽飽煖煖坐石負暄僧衆忻沾即此是復  
與何芝岳相國

老人雖在開先心居白下時與相公對談還

魚八

三

曾見老人麼這個語話不是說道理的的真  
真此中面目悟後人方知此段境界今相公  
做工夫切爲生死大事世所希有世所難得  
然要時時刻刻如救頭然日逐亦不必打入  
妄想窠裏亦不必穿鑿古人公案第得一日  
因地一聲桶底爆炸自然智慧自然天真古  
人云絕後再甦欺君不得大慧果云士大夫  
參禪只圖速效那邊這邊東觀西觀尖尖滿  
滿壑一肚皮壅塞悟門反說參禪無靈驗所  
以難了倘肯知非把娘未生時鼻孔一翻翻  
轉一切妄想惡習頓然冰冷佛亦不要做說  
甚麼何相公張相公劉相公水邊林下正好  
去將養聖胎養得純純熟熟出來提挈人也  
好不出來也好到那時穩坐高堂方知吾不  
欺也囑囑

與朱廣原居士

數載不晤近來道心若何與本命元辰親微  
否德尊爵重世所希有已事不明如何排遣  
誦經持素叩已而叅鼓舌搖唇爲復是誰六  
根如舊明暗有異此中性靈豈同妄覺當隨  
緣提挈勿使迷悶昔年居士到菴余早以提  
省有平日在那裏過日之語彼時氣宇頗盛  
總不理會以致今日有上危崖之逼塞也若  
肯留心當處打徹任伊百歲千年那怕甕中  
走鼈他日相逢畢竟另有一番消息

與圓通

十七日煩公過開先設齋大衆甚渴感謝之  
至老人即欲到圓通一談奈近日幻軀覺有  
不快諒遲遲秋涼過一晤以誅曲直匡山一  
家無分彼此矣笑笑

復黃闇齋居士

世出世法總之不離本地豈別有佛法世法  
但以中心樹子不變異何懼鑊湯爐炭皆清  
涼國土矣有甚不快所苦者苦於不得道相  
應中心樹子變異耳今居士得一貫功夫奔  
馳山水間皆乃遊戲拄杖古人云見道忘山  
居士得之矣

復李夢白居士

接得尊翰數十年之慕清名方得瞥地喜甚  
喜甚九峯是牛頭獄吏泰首座是地獄阿旁

那時若無九峯扶出石霜幾被首座累他墮  
坑落點幻有老人豎起拳頭且道爲九峯爲  
首座和尚今日拳頭在那裏大似貧兒索舊  
債他道個沒有曾奈拳頭何拳頭失却鼻孔  
元止半邊當時若是徑山劈脊便打這半邊

五八

五

還知痛癢麼擬議即喝出驚起汗出夜夢不  
祥近今末法衰替要個真恭實悟的人萬中  
無一此事大不容易達磨大師云行解相應  
是名曰祖而今人總之不論意識卜度生死  
結根縱得十分相似皮毛而已便向人前亂  
做宗門掃地今日矣或豎指或喝或云和尚  
何不領話或打○相或拂袖便行或女人拜  
此等皆是滅胡種之魔子也可悲可痛嗟杜  
撰長老如麻似粟朽到開先原非本意自念  
福薄德淺言語不重何能似古人匡宗行道  
帶水拖泥只可深埋山谷茅屋石鐺隨春秋  
問花問柳捱一日是一日有何道可悟衆生  
可度哉家家門前火把子那個男兒摸壁行  
華嚴會上無厭足王剌心取肝抽腸拔舌真  
個是如幻三昧豈虛語哉毒恨黃元公三回

五次持書徑山盤桓三年朽不得已作遊山  
計還他一點道心結制一期即還雙徑所以  
赴開先之請混俗塵世太宰果欲上山乞早  
幾日作盤桓了生死債結般若心空及第緣  
當自努力

復方孩未居士

接手教云云夜卧不寧日裏少困以清茶爐  
香對古人語句消遣夢境擾亂作張主不得  
此是日間意識紛飛狂馳不定日成妄想夜  
成夢也咄哉主人公端坐正堂風火隨我號  
令那許容伊聚散如大海水平平坦坦融納  
百川不見有已不見有彼此時秋月新輝澄  
清皎潔靜夜寒潭湛湛地有甚外物可到這  
裏我今少開方便見色聞聲時即便拽轉提  
撕話頭上生不知身老不知心逐日着衣喫

與

六

飯要見是個甚麼道理牢牢靠靠一咬咬定  
地水火風是我本源地更無別物迷之則  
生死始悟之即法身佛也除四大之外何處  
尋佛即四大之內佛亦不立且道即今落筆  
把箸的復是阿誰速道速道

與蕭伯玉居士

居士西江道人也佛法中大檀越樹蔭覆苾  
芻我之所來開先者遊山作佛事切勿我有  
禪道利益人然而上堂小叅出不得已遣日  
子豈有出世念而到匡山做人不是這個道  
理黃元公三回五次上徑山書不辜伊之一  
片苦心爲法門耳今將一年結制已竟當抽  
身遊山隨緣放浪於山水間老身七十歲不  
隨心而寧受人區宇耶

復金正希居士

已分中事只在舉足掉臂間無勞遠覓若將道理語句湊泊那事轉疎轉遠矣何以故他是無滋味無道理寂寞之鄉道理加之如何使得西來大師教外別傳者爲此方人泥於道理文字弄得嘴頭水漉漉地不得見性明

魚八

七

心勞他得得過來掃除葛藤有直指人心見性之一宗也今時士大夫做功夫圖速效喜解說不知那事所有法無法至空界色界種種殊勝劣緣一切沾粒他不着何以故他是無佛性無知解不作佛不作衆生你若親近無你親近處直饒文殊普賢快口利辭與麼與麼不與麼不與麼與那事毫沒交涉若有所得心欲證西來大意十萬八千未是遠在畢竟如何畢竟要辦個冰冷心肝和前所知所覺道理無道理乃至世諦習氣一齊掃

却掃不去拚命掃忽然掃破釋迦頂相諸代祖師鼻孔一時穿却快哉伯林吳居士進堂結制一月便覺心地清楚信有此事雖與道遠肯如此朝夕做去自然有倒斷日子古人云但辦肯心必不相賺

### 與黃海岸居士

春來道體安主人公住不動地何其應緣無虧拈之不得覩之沒形迥出天上天下作大佛事真奇特也嗟乎此事唯佛與佛乃能知之臨濟謂之無位真人雲門北斗裏藏身祖師呼之瞎漢者段光明容受萬有圓照法界雪山觀明星悟此也諸代祖師東語西話證此也十方諸佛東湧西沒說法如雲如雨說此也維摩默然契此也靈照依籬賣弄此也百姓日用而不知五欲三毒人我貢高迷此

也未法時祖道頽然宗風零替夢幻泡影認  
爲實法自謂修證道德齊於佛祖橫行直闖  
棒喝三家村婆婆媽媽騙衣索食痛哉一宗  
沉之海底老人三十年來不曾見一人頂天  
立地高唱祖庭披烟雲於萬里挈綱宗於當  
世如此法門何人不流涕痛惜者哉

與譚埽菴居士

別後不審居士道體若何老人邇來晨昏無  
繫寒光野色盡爲眷屬紅黃楓葉面攤東西  
靜坐林間惟見落葉三片五片鳥啼一聲兩  
聲時也追思物情尚有風霜韻致草木槁潤  
天地豈有心使然前承水原留住半月甚爲  
適意朽何人也一老僧也住山四十載今當  
行腳踏明月於萬方喙清霜於千里古人云  
未有長行而不住未有長住而不行者老人

八

得之矣笑笑

與蔡石朱居士

向承供養極感道心朽刻下居超果靜室逍  
遙稱嬾萬勿慮我也居士近日道體珍重促  
膝高談當在何日雖然安居別井那能及空  
山一笑九十里相聞耶古之藥山今之何人  
也三湘烟雲幾時肯撥棹否

與子容朱居士

西園吟詠秉燭夜遊誠爲快事春夏已交未  
見携囊買棹大都又向楮先生處遊過了也  
笑笑東溪佳什美則美矣若云更勝耶溪老  
人不覺噴飯子容當親到一番始知雲門不  
作誑語

八

九

與祈遠唐居士

朽自去秋出山雲門挂笠日逐逍遙竟不知

湘之南潭之北也不晤居士有日矣然無便  
人不及一訊刻下息超果靜室以問柳爲生  
涯梅花落地無可得問也燕子將來蠶豆花  
半開矣不知居士近日佛法作何面目門牆  
高廣無敢輕動笑笑

與狷菴單居士

午夜間忽有異人謂我言昔有梅花百詠流  
傳若再題百絕海內可稱奇絕老人喝曰汝  
是何人敢向我索詩耶其人稽首而請曰我  
非人也亦非天也乃梅花神耳師以佛法利  
生非詩也老人諾諾即題百絕續之時燈下  
率成恐字句差落顛錯不公乞爲改正  
歌

十二時歌

夜半子熟睡同小死驚覺起窓破風鳴紙

鷄鳴丑洗面展兩手苦追尋莫飲無明酒  
平旦寅眉毛眼上橫祖師來雲門吃胡餅  
日出卯莫與生死拗且隨緣疑破心了了  
食時辰黃花笑白蘋問何爲滿目是癡人  
禺中巳張三呼李四卧官街生平無個事  
日南午飯飽敲魚鼓白雲歸塞斷茅菴路  
日昃未短策遊山去青草中蝦蟆隱脚底  
晡時申寂寞且孤吟落水響始覺有知音  
日入酉暮色牽山走草蕭蕭隣舍啼蜀狗  
黃昏戌天外黑如漆進門來一頭撞著壁  
人定亥法身沒被蓋露堂堂任渠壞不壞

和趙州十二時歌

鷄鳴丑寒影燈殘窓逗漏明月堂前竹葉浮  
踏開天際何曾有白雲曉風布口水沸砂錯  
黃南斗瞋睡思量再上床夢中作主不唧溜

平旦寅荒村破院共誰論炊香白粥去年喫  
今日厨司尚見塵閒弄管字還親山水圖中  
過客頻亂髮簾纖如洒雪老來活計戴頭巾  
日出卯還同昨日生煩惱有田不耕可憐生  
破屋蓬塵何必掃生柴多熟飯少逐日思歸

魚八

十

徑山老憑他牛馬入門來那管短長法堂草  
食時辰鐵鉢曾持走四鄰去年喫了菜包子  
今日還生舌上津角鹿少兔來頻青天白晝  
沒閒人偷心只在青蚨杖只畏饑瘡不畏嗔  
禺中已披了袈裟豈如此世間可畏腥羶僧  
問着東西眼若死黃廿一李十四慚愧何曾  
有些子滔滔富貴傲他人兩腳長伸面上紙  
日南午索飯烏鴉無節度飛過山邊又水邊  
不離寸步如經註死猫頭酸似醋拖入肝腸  
苦蒿苴這般供養也難消百鳥不來地堅固

魚八

十二

日映未花陰撥轉南軒地饑來哈口西北風  
慚愧人天還不是只隨緣有何義渴飲曹溪  
坐不睡善法堂中無此娛一床破被壓吾背  
晡時申沽酒提壺無別人生下小兒半帶癭  
黑面黃眉唇皴皴楊柳茶貴似珍烏龜露骨  
不露筋十字街頭癡布袋逢着便教乞一文  
日入酉寂靜家風教誰守這樣山門影現無  
四大部洲豈沒有水漉漉道人口繼續傳燈  
臨濟後常用祖師一字關透得過者子胡狗  
黃昏戌山前有個維摩室珍珠等物總不逢  
惟見衲衣黑如漆脚尖頭起紅日踢出祖師  
聲唧唧忤逆兒孫林下行採花蜂去香成蜜  
人定亥除却魔王俱不受雪山堆裏白牛眠  
香草纏身何必蓋獅子兒說甚戒打滾雲中  
莫作怪錦帶飄飄春雨泥牛王問取還會會

半夜子生死冥冥何定止可憐羊啞劫中人  
出格丈夫能幾幾石脚床爛蘆蘆亂草些些  
作蓋被自來怪燒黃熟香絕不相聞牛糞氣

### 閒閒歌

心地閒不生草舊時學問多忘了尋常冷暖  
自家知不去向人外邊討散誕行勿繫絆蓬  
頭赤脚寒山樣相逢只是笑哈哈石虎當途  
何足怪五峰寒雙徑杳白雲自去松杉老幾  
聞山答月樓鐘古殿無僧關寂寥梅花香不  
可折飛窓暗度春枝雪冷魂飄磬下樓臺禪  
板蒲團閒不微妙喜風竹篋子活人劍也臨  
機使鋒鋦鮮利按龍蛇是聖是凡播出髓何  
國人何國住大唐天子原尊貴相扶同過玉  
河橋歷歷風霜太狼狽東坡池舊公案烟堆  
千指毘盧面山根野水曲灣灣殘塔稜層猶

八

十二

倔僵日放憨夜漠漠短床袂被如何樂任他  
千聖出頭來我正睡濃伸兩脚

### 不修行歌

不修行不染汗絕壁懸巖獅子住夜深哮吼  
月明前虎狼妖怪奔無路行便行卧便卧水  
漚一個依空聚妄想生時諸佛與何勞卓卓  
如泥塑天大明日頭露村前烟火炊無數正  
是山家得意時猫頭臭爛無人顧破衣裳半  
節袴放憨林下曾分付不向靈山受記來驢  
胎馬腹教誰怖

### 示獅聲珠侍者住山

獅子兒漫哮吼莫學狐狸邊界走葛藤窠裏  
老成精刺碎心肝難放手不放手病轉深尋  
枝討葉入荒林一槌擊破臭糟甕大笑携筇  
上翠岑今日會始知情直向匡廬峰之頂一

問茅屋半間雲枯木龍吟絕人影不求祖不求佛說甚疑情生死切當來覆去任逍遙歷歷孤明是何物心法忘根塵寂南北東西莫分別忽然迸斷血腥腥明月堂中清皎潔菜飯香真快活利鎖名韁都擺脫一個筋斗打出門五老峰前招彌勒

卷八

十三

諸方都作十究竟歌予作不究竟

不究竟心機思千里白雲深一重山色一重水夾竹梅花冷獨吟

不究竟身五陰聚沫幻非真馬蹄忙殺歸家晚芳草途中載主人

不究竟事紅紫枝頭無不是眼睛定動鬼門關塞外烟塵何所視

不究竟理酒肆娼坊誰讚毀山程不許夜人行天曉還鄉能幾幾

不究竟生黃鳥聲聲楊柳新披雨蓑衣泥沒膝前村傀儡戲初成

不究竟老面黃齒赤非草草任他歲月觸髅乾這個何曾受顛倒

不究竟病神工難按鉢孟柄川芎甘草及當歸妙藥難醫要死症

不究竟死世上幾人得到此三般不了可憐生業識茫茫千萬里

不究竟苦窮通榮辱石邊火丙丁童子擬翻身時節因緣無處躲

不究竟樂刀山劍樹何曾惡頭頭原是自家珍倒却剎竿早已錯

瞌睡歌

瞌睡哥瞌睡哥我欲惺惺爾欲呵不知何劫結冤家從死至生沒奈何苦捱排逐時過又

怕經行散亂多方纔打坐上蒲團燒得寸香  
頭又蹉無方便驅逐他因循歲月住巖阿剔  
起眉毛仔細看猶若長江水上波心不了動  
干戈他本無根我自羅話頭不切境涉境散  
亂如何魔復魔不必恨且支掄昏沉原是自

魚八

古

家人我若無心他便休一腔和氣劫前春三  
十載誰爲隣茶來飯去並無嗔空中月散主  
中主枕上黃梁實復實今覺了主中賓穿衣  
喫飯更何人香嫩渾如三月雨光虛正是五  
湖民賓中主寐亦親梅花枝上雪花頻飛來  
山鵲白禪翁滾水一杯吟玉塵瞌睡哥瞌睡  
哥石人兒子木人婆赤條條地打鼾眠那管  
日輪天上過堪笑諸方癡衲子都來昏散做  
功夫

### 逍遙吟

新茶嫩筍芳草垂楊徐步山谷鐵石心腸好  
鳥相喚其音丁當如何白雲飛滿眠床山下  
有田萊麥青黃溪邊有屋烟樹蒼茫忽來明  
月池上生光誰爲侍者松杉兩旁橫攬拄杖  
擊碎空王正恁麼時日出東方如大火聚今  
古文章普天之樂萬歲君皇常敬常仰竹爐  
生香山泉自流清聲勿狂金毛獅子哮吼高  
崗驚走無路妖怪孤狼一喝兩喝佛祖潛藏  
無人可伴臨濟家鄉爲衆生苦地獄天堂精  
神痛快燁燁煌煌長年受用百結衣裳續祖  
慧命伶俐兒郎吾師授受時刻不忘

魚八

十五

### 山行吟

春雲裂破一聲鳥七片五片花飛沼清冷莓  
苔爛石頭新鮮薜荔穿林杪危巖壁立不可  
登斗室藏身未嘗小狼虎嬉嬉印雨泥猿猱

逐逐啼天曉草鞋脫落付秋風拄杖揭開千  
佛香即此幻化空劫身有何法則與君了吟  
長吟笑獨笑赤脚高歌趁鹿行罵人怪煞無  
同調

居山歌

君不見好兒郎問汝何爲洗俗腸俗腸不洗  
神不清到頭氣息終難忘行腳去草茫茫望  
烟乞食興猖狂形骸枯盡若木偶道眼未明  
真可傷還只是居山強草蓬一個毛竹牀澹  
泊隨緣修午供盛來滿鉢菜根香孤屹屹豈  
即當杜鵑聲裏日初長山中十日九日雨烏  
花微微衲衣裳分明說不覆藏夜塘水漲白  
雲鄉千峰如浪湧門外打破老僧折脚鐺

辭院歌

君不見閻浮地寬得幾杖世界不屬人商量

春風秋風有時冷黃蜂蝴蝶雙過牆小兒子  
誰家即眉目分明衣帶香手中拈却大明律  
何必威儀入學堂記得起浮玉山偶然失脚  
墮坑巖是則名爲教兒法返擲猶如脫汗衫  
何人會乾坤函密不通風絕聖凡琉璃瓶碎  
山河雪一刹那頃坐斷岳又不見本懷原是  
住山翁不受叢林愛箬蓬此來扮出不成套  
恨殺新城黃元公這模樣未嘗逢一回歡喜  
一回空砂米炊香生鐵屑苦死人也遇劫風  
將就安身一年已償債開先作短工罪滿來  
春我欲去留我廬山甚不通燈下別寫歌辭  
山靈土地又如何假饒住此一千歲塞斷肺  
腸石屑過告訴弟告訴哥黃天放我出巖阿  
眉愁終日不得快一番狼藉一番魔時運不  
濟遇荒歲水陸程途數不差雲深路杳三千

里好對金焦月下歌由天命謝神祇護我還  
山東坡池毛竹萬竿風細細玉蘭一樹影癡  
癡梵王宮裏傳寒磬飄落人間渾是詩別大  
衆不須留四十年來何所求一切隨緣恁麼  
過水足草足老牯牛道人身邊空索索絕沒  
青蚨挂杖頭八月秋風衣帶解一帆江水共  
悠悠去兮去兮是時節黃花紅蓼東籬色大  
笑黃河水迸流千指菴中碁奕奕

魚八

十六

雜著

蝸角喻

佛之爲言心也以心靈故作萬物主以心明  
故不受諸蘊故曰天上天下惟我獨尊佛豈  
有我以無我而我空我故轉萬物爲自己無  
物故統四大全萬物也既萬物總是一心何  
分別而有世界衆生耶衆生世界本是一心

魚八

七

因世界起便有如是若干差別差別者衆生  
妄也以妄性不定起種種念種種識見異生  
異滅生而復死死而復生六道流轉汪洋不  
息始知世界起於衆生妄有雖曰流轉其心  
常故衆生不實業識所成何干於佛譬如日  
輪明暗虛空不動能流轉者業識自爲然亦  
不外虛空別說有個流轉性既流轉者亦無  
自性又如雲散虛空倏忽即無雲豈別有家  
鄉出沒太虛耶故曰即佛即心即真即妄也  
既說佛即心我何不見心作何色而能成佛  
不也佛本無相而曰即心心無自性而曰即  
佛真不別立而曰即妄妄不自有而曰即真  
譬如大地能載草木不失其時能開合者何  
也若說樹性本然而能花果樹當自成其時  
何假大地風霜雨露若說因大地而有功歸

於地也地既能成何不自成而來花木知否如是流轉不出因緣而別有因果也佛也眾生也俱不離因緣本源心地因緣若離心佛何在哉斯人便能坐微塵裏轉大法輪於一毫端現寶王剎今人若欲見自性明本心者先當離機用心動靜之際下隻臂撮摩虛空用心久長慎勿退轉精勤勞役初心不遷如是趨向自然有日一掬在手快哉始信佛祖之言不二之語也嗟嗟余原住衆生地摸索聖智猜詳西來達磨傳佛心印非老人實證之肯請君勿疑蝸角者若說其有亦不必有若說其無亦不必無因以爲喻

大佛頂

任伊千聖出頭向此下不得個元字脚若論世尊所說大佛頂者乃一部楞嚴經之綱目

未嘗不是然而知楞嚴經者解楞嚴經者不可逐文字而食其糟粕也大佛頂有旨焉大佛頂者乃是十方諸佛一切衆生命根謂之貪欲坑驢馬窟地獄渣山河吠大佛頂作用之體性也何以故善惡二緣離大佛頂無別有法近與衆生爲名爲號立知見本遠至十方諸佛莫不由斯經過利生濟物諸代祖師得大佛頂續祖慧命機用全提激揚後學大佛頂者世尊影上出影夢中說夢耳他原不屬有無空等名相今世尊安名曰大抱屈無魚入申他原不是件物而世尊安名曰佛教誰領話他原不是落影響絕內絕外無標無示而世尊安名曰頂何人承當擔荷大佛頂耶捏目云乎哉梵語首楞嚴此言一切事究竟堅固可見十方世界一切所有之法同漚花幻

影動他不得壞他不得乃至碎爲微塵九爲  
小大一任撮弄眼前有法無不是究竟堅固  
或云依如是說竟不必修行總之堅固罪福  
因果無不究竟了無少法在內外經云所作  
業不忘果報還自受乃在大佛頂上打筋斗  
何患不究竟堅固哉今學道者當細察審思  
故曰本自無著勿傷之也

魚人

九

### 水喻

法身如水隨緣流止不滯一隅不拘淨穢無  
分別無憎愛無背向高處高平低處低平空  
古今而不亂治寰宇而不動水之情物之體  
非造化而生非雕琢而有豈可擬議而得之  
耶人之謂人者妄人之謂性者虛既虛妄和  
合而成人何不推窮我之四大從何處起何  
處來假父母赤白二垢而成是則名爲一塊

血肉何曾有人今之搖擺風流遊山玩水隨  
識妄以攀前境是則名爲識主分別業蕩妄  
婆生死漂溺豈真性本心有此一種若悟後  
人不妨於事何以故趙州云汝等被十二時  
轉老僧轉得十二時此便是悟後人樣子

### 贈題子葵居士夢石譜

立黃宇宙不可摸眼耳鼻舌安能知吾有居  
士最靈異脩然不滯雲水機夜深獨卧駕湖  
閣神人出沒不可思千古萬古性一真劍鉞  
雖利難割水化石且教遺在夢天明小樓紅  
日起

### 題手卷

朽自庚辰春到匡廬開先十笏山齋坐夏閒  
情供眼拄杖逢人晝寢之餘山行林麓樹綠  
松長澗流飛瀑無日可更山色也昨弟子三

五輩談及宗門事近日相聞禪宗行海內若  
白雲過太虛忽有忽無之間未可寓也朽招  
隱橋引杖而歸幽然於心卓立香氣酒窓生  
平所習悉皆現前即爲潑墨傍有僧謂朽曰  
老人單丁獨處時始得今爲人天師作諸方  
眼豈可做這個勾當禪和子傳將去宗門何  
在請暫息還徑山一憑老人作用朽咄曰你  
也說得有理奈何朽不欲作土地去若依汝  
輩要我板板的循規蹈矩方是佛法不知自  
性中無所不有朽拈筆示之這是甚麼年間  
造的僧無語劈面一掌僧忍痛作聲朽曰好  
山水

雪嶠禪師語錄卷第八

卷八

辛

音釋

望 側六切音 賺 直陷切音 喙 許穢切音 敝  
鐵塞也 詰賣也 以喙而息也  
映 杜結切音 晡 奔模切音 敝  
日照也 道申時也  
七倫切音遼  
皮細起也

雪嶠禪師語錄卷第九

魚九

參學門人弘珠等編

道行碑上

附

徑山語風老人嗣臨濟第三十世雪嶠信大

禪師道行碑

魚九

欽命國子監司業兼掌祭酒事前戊辰二甲

進士工部虞衡司郎中大理寺左寺副曹

溪受法弟子福徵譚貞默槃談書

埽道人不慧默以壬子歲落一椽于武林

湖山之南屏山曰聊齋讀書習靜慕與方

外善知識交得遇

大師時師尚住雙髻號雪庭道騰四旬有三

而宗風已震攝諸方矣不慧時年二十有

三早知執禮問道師亦一見深許自此相

與結菴雙徑東坡池頭三十餘年來來往

往看山看水話東話西不減家常戚屬至  
乙酉春而不慧別往金陵丁亥秋而大師  
示寂雲門矣思彥禪友從雲門走南雍任  
所以訃聞而不慧隨合皈依善信藉覺浪  
和尚普說定祖庭位次以報矣載閱歲辛

卯春而獅聲珠公復不遠千里從匡山走  
金陵以陶人也居士行緣來更從樵李走  
雲門以王予安道兄塔銘來而徹崖歇公  
并續補東塔雲門二會未梓語錄來屬不  
慧描抹大師本來面目蓋二公竝大師親  
侍法乳謂熟悉大師生平道行者莫不慧  
若也謬以末後大事因緣見屬其何敢辭  
因念雙髻那畔事大師兩番落索已經親  
口道破只須筆頭點出頰上三毛特易易  
耳若語風向後事一舉一動一話一言悉

在不慧眼裏亦悉在諸方眼裏難將一隻手掩却天下目况大師爲法忘身入泥入水方且狼藉遍地誰敢收拾瞞天倘稍加嫌諱畏世間生眼不畏老人寂光乎其大難說者無如壁立門風逢着痛罵即至主

魚九

二

法同叅亦復不免更大難說者早已機緣響振酬報歷代師承偏自顛倒縱橫爛薰禹門鼻孔正所謂機用莫測賓主雙忘一任無眼人作是非實法會無煩纖毫嫌諱也真正大善知識若語風者擔荷頽綱斬新正令顯是慈明現相妙喜傳神有明三百年來宗壇鐵漢絕不肯人亦絕不受人肯究竟謂之人肯不得謂之自肯亦不得獨許從上佛祖的的首肯之者惟青獅翁一人而已功成呵佛罵祖纔許做忤逆親

兒徹到舉世皆孩始信是大人作略掃道人  
人不勝傾心瀝膽惘恍親炙知我罪我其  
何敢辭憶昔天目中峰和尚有虞學士集  
撰塔銘復有宋祭酒本製道行碑從來道  
行碑不多見惟唐代大沙門有之非此不

足以綜其實寫其真特爲拈香奮筆抽繹  
疇昔睹記所及叅取本山諸山應請語錄  
錯綜敘次穩順節文爰製徑山語風道行  
碑用勒金石以識不朽

大師法諱圓信初號雪庭既改雪嶠亦號青

魚九

三

獅翁晚號語風老人浙江寧波府鄞縣之江  
井巷人俗姓朱父素稱長者母計氏以隆慶  
辛未二月初十日誕師室有異光初在襁抱  
視日目不瞬輒歡笑計病尋歿不得乳飲長  
者遂飯之啼悽尫羸幾不成立九歲長者復

終寄食于貧戚家其家以酒腐爲生業師體貌岸偉肌膚柔膩天性孤挺奇僻不受世羈一日往倚僧廬聞誦彌陀經水鳥樹林皆念佛法僧忽然心動體中爆然有聲自此其家日替相與釀酒酒酸作腐腐減師既目不識丁復好放行兀坐傭作玩愒衣食難周遂巡至二十九歲始決志出家就寶峰法師受五戒遂往若虛法師席下聽講嫌其解析不明乃自截髮爲頭陀去之天台即猛念出家爲何事一箇不明白念頭打脫不下東走西走狀若風癩不識寒暑饑渴人與粥飯即以衣袖或兜帽承食衣敝零落嚴冬薦草卧古祠中止一敝袴遇無袴者解與之赤體七日夜冷氣攻腹痛難忍苦支二載無入頭處遂還俗一月餘正上床時忽空中垂大臂招鼻鼻

梁本隆直從此中斷曉起人咸怪之至得悟後因有若非鼻梁斷那得頂門開之句時尚未離家數日復垂大臂取喉中筋扯去數寸痛不可忍手按頸上筋結成塊觸着不得即捲衣渡江其塊便消如前打脫不徹日乞食夜廟宿至雲棲出復渡江至紹興往五雲門外草菴晚單上見一人金幘紅袍跪床下害眼三七日別過一菴夢韋馱立前展杵鼓弄次日與住僧語僧叱曰你要放光庄秦望山去隨渡江到秦望普濟寺訪靜主妙楨楨舉

帝九

四

他心通僧勸少林僧三天竺公案屬師代轉一語師下語楨呵曰宗門何得亂話師愧恨無已苦提竟夜五更聞報鐘入廚洗面抱衣赤膊見者怪而問之始省着衣仍走石頭上高提那一竺來速道速道至此通身是箇疑

情指日輪曰日午不明當扼吭自絕跨石上下狠提俄頃跨上石頭高聲曰也罷了忽前後際斷無身相可得銜口說偈云石貼背脊骨翻身脇肋骨仔細思量來動也動不得復喝一喝云張三殺人李四償命既見楨楨怪其逞然自喜曰今朝何得作怪師語以偈云紙上山河壓殺人擔來擔去幾多春纔知不是真消息卸下長江斷踪影此日境界非常遂能作偈然尚未識字未能作書也往叅徹堂腹正枵見飯輒以手搏食堂見而叱之師曰勘破你拍手出因訪儀峰彖彖恒持一叢師直前奪其叢曰道道彖無語師重擲一拳便行返天台尋人印證未得忽擡頭見古雲門三字乃大悟便發願弘雲門宗途中作偈云一上天台雲更深脚跟踏斷草鞋繩比丘

金九

五

五百無踪影見得他時打斷筋遂就人索紙筆書此偈後自題云雲門石頭上得正句又作偈云昨日樵柴手今朝文筆峰借君一張紙流水寫東風前此盲然於識字作書者向後手腕憑空脫皮換骨如獅子擺壞鎖韁揮灑縱橫一往吟山寫水得大自在成無師智統自見古雲門三字始此拈弄瓣香落索文字不可思議之來緣師末後到龍池特特自云從雲門普濟寺得地所謂直心是道場也既去雲門望空聲唱曰我待熱病一回方知工夫真假到天台華山頂太白書堂果患傷寒病中看來都無區宇有靜主顚愚者憨山國師第一高足也識師非常人留之室中調理顯見座頭切菜語師曰刀刀見底師曰何不道一刀見底閱月病愈乃下山走西天目

大殿禮佛見左邊坐伽藍神金襴紅袍乃昔日草菴所見問知爲周宣靈王過活埋菴僧請偈有香爐一箇折隻脚之句先是雲棲大師曾往五臺訪憨師同叅笑巖和尚師乃再詣雲棲欲求印證時法堂香爐冷地爆炸方丈槌僧懺悔封鍋不爇師觸前香爐折脚語合是印證之識入堂跪曰香爐是某甲打碎特爲懺悔語聞方丈蓮師令侍者答之曰你是客不是你打碎師曰打碎香爐不分賓主又令問曰打得幾塊生師曰賊物現在因叩首數百求開鍋侍者傳喻開鍋少頃仍未開師復進跪叩首數百頭幾破始得開鍋因謝而出蓮師顧侍者曰新到真菩薩行人好生留住師飯畢堂中禮九拜唱曰某甲不學好累及大衆竟去雨淋至十八澗通身濕透復

九

六

渡江到雲門普濟寺後雞心隴結底草屋居數月苦熱下至妙楨靜室夜單中聞牆外高聲云了義師父師謂楨呼之楨曰誰呼汝乃夢也忽思因緣有在次日即行被衲觸大暑至湖州弁山多寶寺苦告韋馱連頓首數十云何不護法指示一安身處珊瑚枕上兩行淚半是思君半恨君後到嘉興楞嚴寺韋馱現身云我未嘗不護法師曰既是護法的去韋馱即從空而去因爲偈云買箇小舟撐撐南復撐北何時撐上山拋舟抱雲宿忽思武康有雙髻峰是高峰和尚結茆故址欲往居之遂至武康上高峰山山中有寺寺主讓牀與師宿是夜主夢一獅子在牀上越日言之以爲異師登嶺尋地仰望雙髻壁立萬山中師念曰我何福堪此遂于是夜獨立草中試

之至黃昏有蝙蝠飛下遶身三回者再師曰  
蝠來地必在上矣至一團瓢逢住靜者號措  
菴謂師曰難得你虎窠裏立一夜因問知高  
峰故址師曰安所得米五斗銀五錢結一合  
掌草蓬千足矣措菴指見普濟菴施主潘明

卷九

七

霞師往告以欲向此結茆潘曰住山要錢糧  
師曰先辦錢糧後住山者此人不濟潘問師  
何處人師曰寧波潘誤聽寧國師復曰寧波  
潘驚起請師上坐曰我前夜夢到雙髻一茅  
菴額題寧波二字此師道場也詰朝再拜同  
上雙髻得夢中地而無菴潘爲構小三楹師  
自運山草披蓋之大笑曰快活無量矣于是  
以瓶底爲碗爐以編竹爲供案亂石爲牀蘆  
柴爲褥上漏下濕忍餓吞饑嘗一日喫爛豆  
渣半碗不下自囑曰你是薄福人定要你喫

因拈高峰枕子落地機緣作頌云一捺捺倒  
扒不起渾身沒在爛泥裏驀然枕子笑呵呵  
咄喫瓔珞粥的不足你自此閱歷三年矣或  
入林採薪或擔柴出市或鋤雲栽蔬或齋鼠  
喂鴉乏米時以少許米置瓶中喂鼠鼠銜竹  
葉松毛葢好一粒不動種菜三隣望空分付  
偷菜老兔與以一隣此隣和根喫盡兩隣片  
葉不傷性愛打筋斗每遇軟草平坡輒打筋  
斗數個垢面蓬頭人呼風子有過訪者盡物  
托出不留少許因作山居四時偈云簾捲春  
風啼曉鴉閒情無過是吾家青山個個伸頭  
看看我菴中喫苦茶古人樹下居無屋我有  
山居勝得多雷雨盡時苦亦盡奇雲影裏笑  
呵呵秋光一度正將殘野菊無香木葉乾入  
骨半窗寒雨過愁人不在布衣單半天紅日

照青巒草薦封門睡正酣莫道老僧真個懶  
起來炊火怕風寒一日上嶺見殘雪中二虎  
高眠石上覺師至從容起聚頭舞爪次第進  
林師作偈有日午枝頭雪未消熟眠老虎未  
伸腰之句又一日過嶺訪友見虎在竹林下

衆九

八

打滾師語虎曰我亦無此快活立久之其虎  
豎兩足東西顧盼師乃徐行還菴有瓶窻聞  
谷師叅請龍池幻有和尚歸過雙髻訪師師  
方于日中捫蝨谷從後拊其背曰慈悲些師  
曰個個見血谷因舉似龍池機緣曰此笑巖  
真子也宜往謁之師乃下山至荆溪龍池叅  
幻和尚師纔見便把住曰佛不見身知是佛  
且置如何是若實有知別無佛幻云有了你  
沒了我師即拓開禮拜幻曰汝不得老僧道  
師拂袖出留踰月受具足戒而歸幻特與更

名圓信實爲天童圓悟磬山圓修二師同派  
非初出家時法名也因復往叅雲棲蓮和尚  
問如何得成佛作祖去蓮曰問道于盲師曰  
道豈盲耶蓮曰我盲師打○相曰總在這裏  
蓮曰盲師曰見婦不須重下淚還他原是個

中人蓮曰不是個中人師曰却好蓮曰好好

師禮拜次日呈偈蓮爲逐句着語不解西方

不學禪

着

低聲低聲偶來塵世只隨緣

着解

也學也三間茅屋傍溪住

着

溪深路滑兩扇

竹窗關月眠

着

春色滿園關不住碎盡衲衣

衆九

那有結

着

曾似寸絲不掛養長頭髮欲成顛

成顛亦不惡自從會得吾師意

着

胡餅裏

討汁白雪飄飄六月天

着

夏行冬令寒暑不

正師拜別去蓮送之囑以頭陀行住山續祖

慧命又囑以深藏後出師于爾時別有領會

到底拈香供養猶是雲棲香爐冷地爆炸時  
不可思議因緣也閱歲復往龍池叅幻和尚  
幻豎一指問會麼師道這個喚作甚麼幻微  
笑師拂衣出又閱歲復省龍池着草鞋直上  
方丈幻和尚曰你草鞋猶未脫也師曰何處  
見我草鞋來幻微笑師即呈偈云數載龍池  
三度登重重問話舌生水草鞋分付虎狼去  
雙髻峰頭一個僧幻領之及幻示寂留兜帽  
付師以示信後來師到龍池掃塔衆請普說  
有從上諸祖傳佛心印的的心髓樹高千丈  
葉落歸根之語此三上龍池消息會前雲門  
雲棲兩不思議大因緣正師所自謂有時作  
賓有時作主有時賓主齊彰有時賓主雙忘  
此是臨濟家大機大用人天莫測者也靈雲  
見桃花而悟香嚴擊竹而悟是桃是竹未有

不葉落歸根者故曰但憑徑山作主諸人安  
得摸索也師住雙髻作拈古頌古一百三十  
則其自序云古人鼻孔大小常流未敢措辭  
摸索惟過量人方許發言吐氣批判古今不  
然入地獄如箭射子念無智庸人有何作用  
抱愚守癡久卧空山拈華落草打水驚魚一  
笑一歌日逐如此偶日不知何處降下一尊  
阿師撞入茅茨捏住幾則公案索頌予笑曰  
汝何癡也縱饒頌得祖師公案徹頭徹尾與  
汝分中有何交涉若要理會西來大意畢竟  
向已躬下透出方可與古人相見汝等土心  
木膽說不肯信不頌汝必謂我佛法有所悞  
咄薦取第一座此天啟乙丑秋日語也其首  
一則世尊纔生師拈云世尊奇特忒煞奇特  
未免傍觀者哂頌云七步周行也不妨指天

指地便郎當大風吹倒梧桐樹自有傍人說  
短長其餘別有全錄梓行又作懷淨土詩自  
敘云甲子秋遊黃山直上危峰絕頂若昇忉  
利忽空中人語比丘久隱時當弘法衆生差  
異善調伏之予憶雲棲大師記續祖慧命之

魚九

十

語敢辜負耶自恨滯貨不及脫手一切時聽  
其自然逍遙過日亦不禁風月閒情觸處舌  
根皆生雲氣蓋天蓋地時商山艸堂隨手走  
筆作懷淨土詩四十八首以報先師一憑諸  
方扯將糊壁其第一首云青蓮臺上老金仙  
接引衆生不論年必也慈悲癡眷屬娑婆搏  
作四禪天後癸未開堂東塔復續成一百八  
首師命畫自己像手握數珠無非不忘雲棲  
因緣也各有全梓行世又雙髻四威儀云山  
中行上稜嶒縛腰爛草繩思量活菜喫石壁

魚九

十二

採朱藤山中住檀那地茆屋漏無底四壁冷  
蕭蕭半夜來風雨山中坐虛空破何處覓功  
夫勛斗打出門天外笑呵呵山中卧將就過  
着地鋪草窠衲被不遮寒猿啼五更苦又雪  
偈云諸山俱被我埋沒縱使虛空亦受關夜

半日輪當午照不曾留跡在人間雪霽云雪  
霽青松流濕烟梅花石壁雨脩然厨房不乞  
鄰家火熟煮春風劈爛椽師初住雙髻作念  
曰高峰六年我亦住六年及六年滿石板爲  
之自鳴合掌竈房火自然之又念雲棲深藏  
後出之囑留戀數年至乙卯師年六十歲橋  
李婦道人與會稽王子安苕溪閔裴卿武林  
卓笑生諸道侶謀展一坐具地于徑山之東  
坡池頭即曩時張無垢馮濟川兩居士與大  
慧杲禪師盤桓問道處所名不動軒者是也

師曳拄杖到山之日鄰僧過慶烏鴉亦隨之  
鳴立牆頭環繞幾遍其地實占雙徑之勝登  
取上層千山如指因名千指菴作千指偈云  
朝夕菴開殺活機門前春色野雲飛亂峰數  
出千僧指指點吾家白板扉後于山頂築語

風居因號語風老人從此宗風披拂聲振江  
南叅徒問道往來絡繹于雙溪道中者無虛  
日榜其居云孤雲卧此中萬山拜其下又云  
烹煉五湖伶俐衲子活埋四海惡毒瘴龍又  
云雷霆禪而生焰石火機亦無嘆又徑山四  
威儀云山中行脚健草鞋輕踏破了白雲千  
萬層山中住閒送春秋去鳥不啼花落溪邊  
樹山中坐窗亮胡蕉布虎狼歸在我簷前過  
山中卧困到日頭午炊粥喫鄰菴去討火又  
逍遙吟云新茶嫩笋芳草垂楊徐步山谷鐵

石心腸好鳥相喚其音丁當如何白雲飛滿  
眠牀山下有田菜麥青黃溪邊有屋烟樹蒼  
茫忽來明月池上生光誰爲侍者松杉兩傍  
橫攔拄杖擊碎空王正恁麼時日出東方如  
大火聚今古文章普天之樂萬歲君皇常敬  
常仰竹爐生香山泉自流清聲勿狂金毛獅  
子哮吼高岡驚走無路妖怪狐狼一喝兩喝  
佛祖潛藏無人可伴臨濟家鄉爲衆生苦地  
獄天堂精神痛快煒煒煌煌長年受用百結  
衣裳續祖慧命伶俐兒郎吾師授受時刻不  
忘丙辰冬十一月愁山國師以弘法罹難成  
曹溪恩赦還東遊上徑山茶毘達觀大師留  
山中禪堂度歲雪師固峭聳特立與世無偶  
愁國師雖門庭廣大亦鮮所許可獨與雪師  
盤桓契洽爲作千指菴六妙銘改名其前峰

爲麟角峰有羣走奔騰一麟自足惟麟所重  
在乎角獨之句自言喻雪之獨師亦頌和六  
銘其自序云家住在朝陽峰之左東坡池之  
上紫石峻峻若虎狼千峰萬峰如遊龍時丁  
巳歲春日愁山老師過我喜其風景翛然山  
光雅致嘆曰此地小小規模大大眼界因題  
六景爲六妙銘予復頌和之云愁國師又  
爲題雪嶠山主真讚云坐斷雙髻峰捏出秤  
鎚汁打破金剛圈咬碎鐵栗幾番凍餓死  
復生剛博得些閒氣息不是殺父冤讐爲甚  
着這死急落得一條性命却又東拋西擲走  
向雙徑峰頭不解掃蹤滅跡露出這形容也  
是眼中着屑縱饒雪上加霜須知炎天赫日  
試看端的橫眉顰鼻杜鵑聲裏雨如烟東風  
吹落花狼籍赤脚蓬頭下翠微相逢誰是真

相識臨別又受師鐵如意而爲之銘後師寄  
愁國師書云師老矣信何時出山方得一晤  
雲水緇素頗多其中不知有一個半個爲問  
此事否末法澆漓難得其人信何日潑皮大  
膽將十方塵刹國土鎔作一笑拋擲座下欲  
師一一還我去住頭緒亦鎔作一笑擲之徑  
山語風居今朝幸是無事師亦不可將本頭  
上現成茶飯打發三家村裏齋公亦不許之  
乎者也以當生平云此埽道人追隨雙徑  
同王芥菴朱白民二公目擊師與曹溪肉祖  
愁本師一番大因緣不得不當場拈出者也  
已未仲春海昌郭疑之延過放生池埽道人  
往會同過白鷗山金粟古剎隨喜故孫吳時  
康居國尊者道場也師到山已及暮是日僧  
來迎者有喜色亟云午刻集蜂數斗環繞大

悲像三週如纓絡盤旋收之入籠如故物見  
在以為師開堂興復之兆遮留入方丈越日  
彭祝吳許諸檀越宰官居士畢集具啓留師  
住錫師亦棲遲彌月衆請說法終若夷然不  
屑者頃之即還千指菴蓋是時天童梵設方

九

十四

弘師遂攢眉而去正如高峰位下斷崖義公  
時嗇其用以推揖于中峯本公也有去金粟  
詩云適來金粟山何晚把袂傳燈碑上看樓  
閣棲遲蜂一斗池塘清澹月千竿楓殘半落  
人家掃春老全提僧梵安孤掌浪鳴居國調  
龍蛇出沒海狂瀾又題金粟景物十一絕和  
者累百人時李九疑先生諱日華者深會法  
門宗旨與師有特契是舉實爲倡和之首師  
既還山浹歲埽道人復過徑山同黃介子請  
師自說行脚備述雙髻以前苦叅悟道行略

至移錫雙徑日而止介子筆而傳之從此不  
出語風居者許久有春日雪霽山居詩云鈍  
置青林不施功草鞋如虎杖如龍寒流春濶  
消殘玉抱石松濤落晚風窗啓卧雲山鵲囀  
池連化日火魚紅老來沒有逃禪興毛穎先

生尚未空又秋日山居云石邊覓水到廚房

寂喜山家物理長鋪舊竹牀伸脚穩刈新茅

草枕頭香青桐葉落日初短白荳花開天又

涼方外許多癡衲子就中那個不郎當又咏

雪云鳥無音律古溪幽草樹生機挂玉旒一

九

十五

鉢澹香獅子肉滿爐寒焰石人頭從教埋沒

閑田地漫說浮沈壓觸骸滄海不隨緣變滅

白波千里自悠悠又亂髮吟云亂髮垂垂直

到肩白雲如水雨如煙山中一片莓苔石滑

到野狐幾萬千又拄杖云拄杖多年不遇人

閒閒壁立滿頭塵從教一擲成龍去千里煙  
雲攪海春大抵在菴吟嘯多年絕不襲人牙  
後慧一字而衝口所出無非西來大意亦無  
非超格好詩一時老禪和老詞伯總不能出  
其手拈弄長短千篇賦雪偏多奇特要以自

寫本色不假推敲讀其句子者竟不曉其半  
生不識隻字空菴絕無本頭也一日下山往  
雲棲掃塔哭之以詩云千丈月沉西嶺去微  
餘殘白紙窗浮影堂雨竹分枝淚草榻寒煙  
布葉愁刻漏已回東土想傳燈虛焰梵村幽  
家風未易遷題目衣鉢山中問道流就中衣  
鉢兩字識者知非草草屬筆也至甲戌歲爲  
崇禎七年師住徑山越二十年矣召上唐祈  
遠元竑起名弘祖閱裴卿度起名弘復及諸  
居士弟子合山大衆集千指菴請師開堂出

世師曰出世作甚麼把手牽他行不得惟人  
自肯乃方親按牛頭喫草決使不得因舉雲  
門謁雪峰項上鐵枷何不脫却話謂出世是  
大惡業事放我在地獄裏去你看那個是爲  
生死的甚麼喚作生死謾神謔鬼有甚利益

直饒截我語風頭去寧作無頭人亦不隨汝  
等脚跟轉大衆跪久始去越一日大衆復集  
進云世尊三請方說法師曰世尊眼花及至  
道個止止不須說早已漏逗不少有甚奇特  
因全舉雪峰示衆一切法無差雲門胡餅趙  
州茶之偈向衆云語風也有兩句一切法無  
差鶻鴟對老鴉生臺爭飯喫打得亂如麻有  
約不來過夜半閒敲碁子落燈花慚愧西湖  
保叔塔六橋烟雨夕陽斜珍重師進室中衆  
候良久裴卿曰大師雖未登座說法已竟乙

亥歲春日杭州司理黃海岸名端伯到徑山  
入千指菴即問云入泥入水時如何師曰滑  
殺人岸云久聞雪嶠及至到來不見一點師  
曰日頭大岸云雪鎔後如何師曰春水滿溪  
流岸云大師曾見甚麼人來師點胸曰雪老

魚九

十六

岸禮拜三月初三日海岸同余中丞集生名  
大成沈水部彥威名榮及吳江諸居士請開  
堂至韋馱殿曰韋天韋天還記得湖州弁山  
多寶寺苦告你因緣麼第一陞座師語至此  
事人人具足個個圓成海岸出衆問曰如何  
是個個圓成的事師曰好與三十棒會麼日  
輪西墜夜月東昇卓拄杖下座第二陞座豎  
拂子曰見麼若也見數瞻汝眼若也不見眼  
在何處衆問答竟師召大衆曰人人衣帶下  
有此大事各宜照管擊拂子下座第三陞座

魚九

十七

語次良久曰一槌擊碎珊瑚月大地山河是  
阿誰僧問答竟有進問徑山堂上敲鐘播鼓  
驚起座中獅子舞如何是獅子舞師擲花瓶  
曰花瓶倒地進云請大師再道師洒香灰曰  
蘇嚕蘇嚕僧禮拜師曳拄杖下座第四陞座  
師擊拂子曰八十七人在此經過非今日之  
徑山非一日之徑山也千年常住一朝僧今  
朝祖令當行十方坐斷且道還有祥瑞也無  
鐘樓生耳朶佛殿又懷胎海岸出問云如何  
是鐘樓生耳朶師拈生香示之曰會取這個  
進云如何是佛殿又懷胎師曰產下也岸禮  
拜師舉瀉山泥壁次與疎山酬問有句無句  
如藤倚樹語至瀉山放下泥盤呵呵大笑師  
便道瀉山笑裏有刀召大衆曰要見瀉山笑  
裏刀麼呵呵大笑下座第五陞座說法已竟

海岸拈香問曰這一枝香供養天下老和尚  
且道何處得來的師曰無根樹下莫思量千  
古叢林今日是珍重下座明年丙子春三月  
師往四明故里了墓母事地與天童逼近密  
老人因遣十侍者齋書往邀書水啓封致辭  
者傳有延請天童上堂之語師佛然怒擲書  
于地侍者進之究不肯發視越日即令從者  
腰包抵雲門留數日渡江還山天童侍者還  
報密老人笑曰此我師弟故態非一日事矣  
何怪下丑春月餘杭衆居士請下山于長明  
寺上堂示衆有曰若論宗門一事甚爲希有  
悟此宗者直接西來穿過十方諸佛鼻孔歷  
代祖師髑髏無奈末法下衰依依徬徬彷彿  
自稱悟道少有一兩句文字寫得幾個  
字咬嚼不進的公案無縫罅的語句問他他

魚九

十八

便解說支吾過去此乃義學之流杜撰長老  
這些冬瓜瓠子那裏安身立命且道與古人  
相去多少毫釐有差天地懸隔云隨復還  
山時道價隆重檀度響從歲在巳卯余中丞  
集生躬至徑山語風居啓請同應天錢京兆  
元冲名士貴方柱史孩未名震孺方太史坦  
菴名拱乾蔡太守明藩名屏周衆宰官及余  
未也二聞顧與治夢游衆居士暨翠屏山靜  
明寺山主等延師以長至月二十五日到山  
上堂陞座曰半夜月明時正好相隨漁父過  
瀟湘業風吹入靜明寺未免拈香祝帝王拈  
香說法竟集生問云大師今日還有奇特事  
也無師曰有進云如何是奇特事師曰案山  
高似主山進云謝師答話師曰放你三十棒  
集禮拜僧出問答竟師下座入方丈指門曰

方方圓圓恰好恰好在寺經年遍遊白下名山諸勝各有詩作翠屏山五景詩各三律自序云余自已卯仲冬住金陵翠屏山寺山靈懷抱而風景雅致中有怪石長松池塘映畝道人之樂豈如是而已供眼遊山則不無此

集九

十九

景也曰翠屏山曰烏龍峰曰玉花泉曰石鴈池曰狀元峰名山之下可無詩乎老人呵凍敲烟題之五景以曉山林之勝云相與盤桓殷至者爲何相國芝岳方太史坦菴而集生明藩尤契一日芝岳訪道畧及宗門話頭師正色下鉗錐語岳面熱不能堪孩未遽曰相公莫被黑風飄墮岳乃解頤師曰死馬醫作麼明年庚辰前正月初一日石布衲余集生請上堂師至法座前拈香曰今歲忻逢也大奇春風兩度上梅枝拈香祝聖無多句國祚

遐昌萬壽期拈香竟即陞座石布衲出禮拜云今年春王兩正月元下起元恰值徑山大師七十初度行化京都弟子裕有新年頭佛法一句不免對大眾拈出今大師拈的是雲門香據俗眼觀來盡道是雲門一宗滅了也千年桃核忽抽枝自解開花還結子何不即今成褫一髻雲門兒孫得以接續將來師舉拂子提唱雲門來歷千言末後云五宗各自有師承不見古人只下得一語祥菴主便合掌云雲門兒孫猶在豈徒然哉衲云即今雲門宗那個是光前絕後的人師曰恰遇老僧拄杖不在衲云大師拄杖分付何人師曰有瞎漢在衲云不可教後人斷絕去也師曰何不領話衲便禮拜歸衆有一僧擬出伸問次師曰去去西天路迢迢十萬餘便下座埽道

人所見大師平昔拈提雲門宗旨特向靜明會上和盤托出試取語錄全篇備詳顛末語句只謂雲門宗旨足蓋五宗師承未嘗以雲門宗三字作師承實法會抹煞龍池并抹煞雲棲使前言後句自作矛盾也就此不許

石布衲成禪雲門兒孫一時早已葉落歸根矣大師一生只怕魔昧後昆專提正法眼藏豈有他意哉亦豈肯以佛法當人情哉閏正月初一日濟生菴監院我空同大眾祝壽請上堂陞座曰諦觀辛未年前事徹夜思量淚不乾雖然父母未是親誰是最親者祖佛非我道誰是最道者豎拂子召大眾曰還見老人手中拂子麼還聞拂子說法麼既不見不聞汝等尋常所用六根俱成虛妄以何爲主不見華嚴經云剎說塵說熾然說無間歇且

無九

二十

道何人得聞拂子得聞何人得見拂子得見是何章句諦聽諦聽高聲曰紮得髻根牢便休一朝何用兩梳頭大底還他肌骨好不搽脂粉也風流卓拄杖下座二月初十日大師壽誕余集生黃海岸薛更生余子揚吳備三

衆居士請上堂師就座海岸拈香問答竟師曰若論第一義諸代祖師到不得十方諸佛會不得不見古人云只許老胡知不許老胡會今日老僧還到得也無自代云太遠在七十年從何處來浙江山水亦悠哉喜逢海岸

無九

主

今朝至眼上眉毛不用猜諸仁者既是怎麼現成爲甚麼搆他不得只爲你因循五欲沉溺生死不得自在你若猛着精彩坐斷十方那裏見有世數短長千歲百歲來石布衲出問今日靜明來日開先畢竟爲甚麼事師曰

來爲靜明來去爲開先去問答竟乃擊拂子  
云今日開舖全無主顧收拾下堂閉門打坐  
便下座作詩留別石布衲云不將征事付蠡  
湖先著鴻書上病夫匡嶺籃輿添別緒白門  
烟棹豈言辜江聲遙接金輪影雲氣初開五  
老圖他日春風扣籬落玉花依舊到山廚是  
歲三月應請入匡廬大師于江行途中紀事  
云已卯冬十月初三日下徑山至十七日到  
白門寓馴象門外蟄菴余集生居士靜室十  
二月二十五日改寓靜明寺進山二十里許  
庚辰二月十一日出山住有一百五日十二  
日在蟄菴與海岸同齋十三日到上清河船  
上看海岸話別予十六日上船十八日解纜  
江水參差帆澀不能行駛閭蝴蝶山有詩三  
十日到小姑山泊船其山如指秀拔可仰石

面貼波有浮遊之意石罅中有佛閣僧寮森  
森樹木出入以舟爲路凡船隻過往者乞錢  
米爲供日之費猶如江水發一漚泡噫不識  
此中人在漚泡中如何過日有詩三月初一  
日送東北風帆如劈箭至半途有大姑山一  
名鞞山有詩其日舟行二百里許到南康彭  
蠡門初二日進匡山開先寺大雨此師從出  
徑山入匡山越歲自記語也初四日挂鐘板  
合山大衆及衆居士請上堂陞座喝一喝云  
雲門宗旨絕商量函蓋乾坤不覆藏觸着頂  
門便顛蹶棒頭指出好兒郎吳潯上黃海岸  
居士等書來徑山請三度五度無奈他何捉  
猪上樸不得已應個時節諸人應自思惟六  
根門頭縱橫妙用不可耽着五欲遷延歲月  
增長無明眼光落地打發不去今日老人到

此急急料理衣帶下事他日黑面老爺捉將  
去佛也救你不得卓拄杖下座三月十九日  
住開先十笏山齋方丈拈管適意云白雲既  
去頂露青山竹底涼風安能及無草茅之頂  
相有時扶杖出門招隱橋趺而歌綠樹桐

五八

六二

花進茶盃而到口忽來黃鳥枝頭三三兩兩  
樹下噴雪狂流逐疎烟而不定爛頭亭子斷  
臂觀音此山門標榜古宿之龜鑑也長松傍  
立若迎若待于海上橫行衲子平石坦然可  
賓可主惟月下高眠自得倦人天氣炎蒸火  
傘人間獨我山林風疎雨竹巖阿有硯一方  
有紙千堆可供老年消遣白日痛責枕頭昨  
夜夢裏又歸雙徑東坡池上語風居侍者寮  
與子孫輩哆哆啾啾看御愛峰指點峰頭懸  
山老師云小小規模大大眼界越日往五乳

五九

五

峰掃愁國師塔後作廬山面目云山中叢林  
若干五乳院愁老師復建居僧五十餘有靜  
室一千五百各得其地深藏幽寂松竹所圍  
泉石受用無不樂懷修其道本然而艱苦異  
常不可勝言也時嘉興黃閣齋名承吳者爲

九江道以問道通書往來適有伐佛手崖松  
木燒炭事師特作書述 太祖御碑禁語又  
言山中僧人願贖竹木以蔭匡山閣爲給示  
禁止山賴以安五月初一日吉安郭首龍居  
士請上堂師陞座曰一字相聞忉利天廬山  
荒寺在開先喜逢他日成金殿萬指同叅來  
復禪叅柏大士云自他不隔毫端始終不離  
當念因舉白雲祥禪師椅子鞬袋公案曰這  
僧既會椅子又不識鞬袋宗師家手出不得  
卓拄杖下座六月初四日新建齋堂監院請

上堂師陞座喝一喝曰亘古開先風景異比  
山何似紫袈裟無言童子分明說那個男兒  
先到家復喝曰諸人還見麼爲開先重興祖  
席今朝隨喜慶賀擔個甚麼東西來乾屎橛  
倒一說二事奉與諸人咬嚼百千雲水飡香  
飯盡是解粘去縛人珍重下座六月十四日  
覺休李居士請上堂師陞座拈香白椎竟乃  
曰今日順天李居士發菩提心已久到處叅  
訪經歷程途不得因緣耽閣至今遇老人懇  
求出家號覺休覺者覺一切煩惱生死根本  
了達自性圓明通天徹地無彼此相無優劣  
想故金剛經云是法平等無有高下蠢動含  
靈皆入平等菩提道場不變初心永爲法門  
道種下座七月初九日黃吏部海岸端伯起  
名弘調同李揮使覺休二居士祝髮請上堂

師陞座卓拄杖喝一喝曰萬樹秋風入院賒  
綠袍換得紫袈裟若干頭腦一刀盡性海澄  
清不浪花拈香白椎竟踞坐曰老人今日爲  
新城黃海岸發心出家非一日兩日夙植德  
本般若正因入我法門鬚髮自落作大比丘  
這事舉示人不得如人飲水冷煖自知絕後  
再甦欺君不得因舉丹霞捧水跪前石頭即  
與剎落丹霞到馬祖處入禪堂騎聖僧項因  
緣海岸出問云騎却獅子項時如何師曰看  
尾巴進云如何是出家事師喝一喝進云如  
何是到家事師曰非汝境界進云大師曾到  
此境界麼師以拂子打一圓相岸禮拜云明  
眼人難瞞師曰珍重下座八月初一日薦覺  
休上堂師陞座海岸出問生從何來死從何  
去師曰向這裏會取進云死中得活時如何

師曰初三十一岸禮拜師乃云嗟乎痛哉覺  
休纔見披剃今日又見薦亡生死路長人欲  
苦回頭便是涅槃山覺休此去歸何處竹色  
秋聲月掩關大衆無常迅速刹那異世豈得  
不怕隨業動流無可據秋風依舊掩門時下  
座一日師遊金輪峰集九回大衆請上堂師喝曰  
遊罷金輪峰歸來招隱坐大凡一切事體須  
得親到方知端的向南向北若不親到一回  
接耳聽來未免舛訛兼之疑情不解金輪峰  
昔來耶舍尊者自西域持佛舍利造塔其頂  
常放寶光老人昨日去彼禮塔今日方回不  
曾動着一步諸仁者還見老人去來麼若見  
老人出入即是諸人鬼窟裏活計何曾得見  
老人良久曰樹頭黃葉盡應見遠山青珍重  
下座十一月初一日結制上堂師陞座喝一

喝曰四十年來恁麼行斬開碧落血腥腥其  
中果有希奇事獅子遊行不問程今日結制  
此乃古來舊規不許交頭接耳不許亂走一  
步又不許作默照邪禪亦不得在鬼窟裏作  
活計只有本叅一個話頭切要明白離心意  
識叅絕聖凡路學僧問還丹一粒點鐵成金  
至理一言轉凡成聖金鐵即不問如何是丹  
師曰大展坐具看進云至理如何師曰好似  
念經一般卓拄杖下座示衆結制偈云莫道  
進堂好進堂生死拗半夜不得眠昏散和衣  
倒雙眼撐不開板響生煩惱若是其中人晝  
叅夜無飽板聲入耳門祖佛俱了了十五日  
上堂師陞座維那白椎竟師呵呵大笑如雷  
曰這一笑笑破諸佛鼻孔虛空百雜碎老僧  
今日頭痛不得爲你說且舉古人現成公案

不着佛求不着法求不着僧求作麼生會鵲  
鳩樹頭鳴意在麻倉裏好與三十拄杖喝一  
喝舉雲門一念不起須彌山公案問還有會  
的麼出來若不會老僧爲你頌破一念不起  
須彌山青天白日鬼門關黃鶴樓前鸚鵡岸  
白蘋紅蓼血斑斑久立珍重便下座十八日  
吉安蕭次公居士請上堂師陞座拈香白椎  
竟良久曰我堂中大衆懵懵董董過日子有  
甚好也須着些筋骨看是個甚麼道理不要  
蹉過這樣道心檀越天色溫暖寒有火向饑  
有飯喫莫看作容易當生慚愧始得久立珍  
重下座臘月八日說戒大衆請上堂師陞座  
說戒義戒性竟曰菩薩子五戒沙彌戒比丘  
戒菩薩戒諸佛成道都打這裏過離不得五  
戒根本根本若虛求菩薩戒皆爲枉然自今

魚九

三十一

受戒之後姪殺盜妄永不再犯成就戒香定  
香慧香解脫香知見香十方諸佛所遺到今  
日各各自已守護大衆禮拜師下座歸方丈  
楚中透菴邵居士棄家至開先結制臘月十  
六日請上堂師至座前曰先以定動後以智  
拔喝一喝陞座維那白椎竟唯一出問云如  
何是第一義師曰且緩緩一云請更道師便  
喝一轉身對透云今日上堂特特爲居士聞  
居士有些見識古人云此是選佛場心空及  
第歸選佛場且置如何是心空及第速道速  
道透以袖左拂一云未在透以袖右拂復座  
前禮拜大師師笑曰多得的一遂出去師乃  
曰這位漢陽鄧透菴居士看華嚴經至毘目  
仙人執善財手善財得無數三昧向這裏打  
失特來開先見老人所謂欲窮千里目更上

魚九

三十一

一層樓喝一喝曰這個事原非兒戲如今世間多是絡絡索索有許多葛藤瞞騙龍天似有所得問他得個甚麼開先這裏則不然比山當面來白拂隨手轉下座十七日西林一如禪人請上堂師陞座喝一喝曰今日恁麼明日不恁麼來去去上上下下有甚麼要緊有耳不聞圓頓教有眼不見舍那身可憐生其中有根器者決不向這裏耽閣過時喝一喝卓拄杖下座

雪嶠禪師語錄卷第九

音釋

惕去例切音 梏虛矯切音 鼓徒刀切音陶  
其柄搖之兩 罇虛訝切音赫 紮側八切音  
耳還自擊 缶燒善裂也 札纏束也  
畬詩車切音 奢火種也

雪嶠禪師語錄卷第十

魚十

參學門人弘珠等編

道行碑下

附

辛巳元旦大衆請上堂師至座前云昨夜鐵牛生獅子今朝滿地是光輝喝一喝陞座云

魚十

莫謂古人無奇特今人奇特勝前人因舉天

目斷崖大地山河一片雪之偈逐句下註脚

竟喝一喝曰到這裏容註脚不得爲甚如此

這點雪從那裏來今爲新正初一人人脚跟

下大須仔細如紅爐上點雪相似好則好矣

羨則羨何方不可是歸期只爲路窮山更杳

可憐墮落作奴兒珍重下座正月初六日解

制請上堂師至座前云開合有時人情大體

喝一喝陞座曰結制何如解制奇春風南北

各樓遲村中乞食無些子一片饑腸一首詩

六十五日前從何處來六十五日後從何處去是大神呪是大明呪正當六十五日內在  
此中作麼若有相應者出來舉似老人爲汝  
證明如無麤絆娑訶今日打開布袋一任諸  
人東拋西擲橫行海內假如撞著黑面老爺  
切莫道開先解制來大師孤情絕照不可一  
世即出世大緣實悶然而起不得已而後應  
在開先時有楚中李太宰夢白名長庚者通  
書敘京師見幻有和尚機緣堅請住九峰祖  
庭師不許復以書云近今末法衰替要個真  
叅實悟的人萬中無一此事大不容易達磨  
云行解相應是名曰祖而今人不論意識卜  
度生死結根縱得十分相似皮毛而已便向  
人前亂做宗門掃地或豎指或喝或云和尚  
何不領話或打○相或拂袖便行或女人拜

此等皆是滅胡種之魔子也可悲可痛朽到  
開先原非本意毒狠黃元公三回五次還他  
一點道心結制一期混俗塵世太宰果欲上  
山早幾日作盤桓了生死債可也蕭太史伯  
玉名士瑋同李梅公問道師書有云居士江  
西道人也佛法中大檀越樹蔭覆苾芻我來  
開先上堂小叅出不得已遣日子豈有出世  
念而到匡山做人不辜黃元公一片苦心爲  
法門耳金太史正希名聲入山訊求法語師  
開示云直饒文殊普賢快口利辭與麼不與  
麼與那事毫沒交涉畢竟要辦冰冷心肝和  
前所知所覺道理無道理乃至世諦習氣一  
齊掃却掃不去拚命掃忽然掃破釋迦頂相  
諸佛祖師鼻孔一時穿却快哉伯林吳居士  
進堂結制一月便覺心地清楚信有此事雖

東十

二

與道遠肯如此朝夕做去自然有倒斷日子  
古人云但辦肯心必不相賺大師到開先專  
爲黃元公出世一番奇特因緣相與高流名  
衲往還雖衆其眉毛厮結如從上諸公以佛  
法相見者亦不數數惟與圓通方丈浪杖人  
書云十七日煩公過開先設齋大衆甚渴感  
謝之至老人即欲到圓通一談奈近日幻軀  
覺有不快諒遲遲秋涼過一晤以誅曲直匡  
山一家無分彼此矣笑笑初示海岸祝髮云  
瓶錫家風話有年今朝自喜以相便海門擎  
出千輪月廊廟誰談少一員竿木不妨逢敵  
者林泉聊許放魚筌宰官二字雖然隱長老  
之名天下傳既祝髮令爲知賓鉗錘遍授靡  
不至海岸竟先出山作闍行師有示海岸調  
侍者出山二首云方袍纔放剪解帶又思鄉

三

三

樂事忘清節苦心聞戒香青山夙有約冷月  
愈生光應念時衰落家風同雪霜出山九月  
時寒絮薄如詩孤影隨江遠雙眉何日期了  
心無可寄鼓念有多岐一夜初聞雁梅花已  
較遲又作辭院歌四百餘言中有此來扮出  
不成套恨殺新城黃元公將就安身一年已  
償債開先作短工之句以辛巳正月十五日  
出山大衆苦留許以九月復來適有達道和  
公久侍大師因令守開先方丈而示以偈云  
大雪漫漫出院期秋風九月復來時不須頻  
望山頭雁我自思歸結制時二月初一日過  
江州地方見任別駕陳司理嚴德化令劉彭  
澤令謝德安令徐衆居士等爲太守君平張  
公祈嗣請師于能仁寺上堂師至座前執疏  
云今日公案不必問如何若何遂過疏云以

此爲驗維那宣畢師一喝陞座維那白推師  
隨聲一喝曰全體恁麼去全體恁麼來阿刺  
刺阿刺刺一語相投善法堂百千天子施禪  
祥山河永固田蠶熟處處笙歌樂帝鄉因說  
祈嗣因緣竟大中書記出問大師今日舉揚  
世諦佛法如何得一槌兩當去師曰你道釋  
迦牟尼佛在甚麼處進云恁麼則石筍抽條  
千萬枝也師曰不爲分外進云只如子歸就  
父又作麼生師曰特地一場歡中禮拜云團  
圓共說無生話師一喝中歸位有居士出問  
只如張公祖多男之囑當生幾子師曰兩個  
進云父母未生前通個消息師曰會取進云  
生下又如何師曰惡水鷺頭澆士禮拜師曰  
珍重下座江行道中師筆記云開先寺南唐  
李中主開山屈指十六位尊者上堂說法遲

道者等崇禎庚辰三月徑山入此保社卓錫  
一載有語錄梅花百詠落花三十韻山居詩  
若干弟子范起叔輩刻流通其山居之一云  
未到匡廬先有詩山林誰敢語多奇春三葉  
嫩黃花笑秋九楓殘白雨悲淋出巖頭如雪  
卷狂依樹底若雷推塔峰遙接故人至七十  
獅翁作住持大師應請所至筆舌狼藉收拾  
之人是以詮次爲難獨開先一會歲時顛末  
迄今未散則有獅聲珠偃風璞等著意記錄  
之功也師擬還徑山道經白下余公集生及  
范大司馬質公名景文者復以祇陀林相邀  
提唱休夏者久之時有高氏兄弟起名弘曠  
弘曠及湯元衡居士起名教新者爲皈信檀  
施之翹楚師是以低徊白下至秋九月始還  
徑山過橋李晤埽道人一見即曰此番上山

須築語風生塔院好爲我作募疏埽留師住  
城東藥山龍樹壇中師出自作一疏見示疏  
意擬于高峰獅子巖用缸合而外灰石透地  
三尺作室覆之偈曰諸方大人各出隻手助  
我山中肉身之塔七十一歲古希出格先辦  
後易他年快活雖有子孫不若親置堂堂三  
界巍巍五峰塔在其上額曰語風後書辛巳  
四月十九日某疏計著筆時尚寓祇陀林也  
又擬製一龕作封龕偈云須彌頂上鐵爲龕  
內有空王月一函不解秋光淨如練佛來相  
見也垂簾埽如命作疏書之卷頭募得百鎰  
遂從瓶窰擇二大缸昇之語風居因料理塔  
院事至壬午秋月下山抵雲門以別因却請  
仍還千指度歲除夕有詩二首搖搖松秒逗  
春風送臘爐香一歲終空響驚毛翻白羽寒

封雞舌閣林中將爲暮色分先後誰道年光  
別有公老我一身渾是膽何須剪髮學兒童  
殘更春雨話寒暄臘盡明朝拜聖恩風雪替  
零歸客暮松杉錯落斷人言誰聞爆竹鳴山  
谷我亦題詩曉寺門知得循環顛倒者眼前

拈法付兒孫癸未春正月天童法屬費木諸  
公走侍者上山啟致封塔之請師遂卓拄杖  
往四明二月十一日上天童和尚供進云昔  
日南嶽讓禪師曰道一去一向不見持個信  
來著一僧去見他上堂出云作麼其僧如法  
出衆云作麼馬祖曰自從胡亂後三十年不  
曾少鹽醬今日天童這裏作麼生君子千里  
同風某辦一箸菜飯供養師兄雖然無鹽醬  
且喜滋味肯馨香禮拜而退舉天童和尚龕  
喝一喝云癸未二月十有三日南山卜得一

穴最吉祥地修捨精藍人天大眾請師兄到  
彼安樂受用自在逍遙惟願天童香火綿綿  
德風遠播相繼祖燈如帝珠聯絡不絕法界  
衆生俱爲瞻仰法駕蚤臨不必躊躇復曰起  
封天童和尚塔進云稽首大哉俊哉我師兄  
密雲和尚末法時拈出威音那邊鼻孔捏根  
拄杖把住天下人舌根打人打得血淋淋地  
海沸山騰乾坤黑暗猶是不肯住手復起臨  
濟之宗非吾兄而誰今日退身三步藏身處  
沒踪跡沒踪跡處且藏身更說一偈坐空千  
界月諸佛汝同猜鑿破青山面將身就活埋  
復云封十五日天童景德寺諸檀越同大眾  
請上堂師陞座呵呵大笑喝一喝云笑個甚  
麼笑那無舌人善能解語復喝云不必打葛  
藤拈香畢遂斂衣就座曰若論此事盡大地

拈來在老人一毛孔中著不滿諸佛心印不  
從人得既不從人得難道從牆壁瓦礫得既  
不從牆壁瓦礫得難道從地水火風四大五  
蘊喜怒哀樂而得豁開自己正眼炤天炤地  
始知不從人得如啞子喫苦瓜向人道不得  
遂鼓兩臂作獅子奮迅勢云獅子遊行不求  
伴侶喝一喝下座二十日鄞邑陸敬身居士  
等同大眾請師光溪天王寺上堂師陞座喝  
一喝曰斬開碧落百花新扶起山門兩位人  
古殿雖殘雲不老燈傳白月夜精神四明鄞  
邑乃老朽故土爲送天童和尚入塔得得過  
錢塘江城中縉紳居士留住數日此乃鄉情  
眷眷陸長者發菩提心就此天王古剎請老  
人陞座舉揚大事因緣知人人脚跟下有此  
一段光明諸仁者莫錯用心是誰著衣喫飯

送客迎賓不必東語西話生從何來死從何  
往喝一喝下座挽天童和尚詩云同出龍池  
入路長吳興分袂過錢塘多年挂錫玲瓏石  
今已藏身寂寞鄉雲面揭開紅日眼山眉愁  
斷白花香離離一片苦心事且道何人在影  
堂題天童和尚像十則之一云多年不學老  
胡禪且喜今朝日勝年天大事來同涕唾艸  
鞋不值半文錢師兄坐得好我亦徑山眠別  
天童還雙徑作云塔豐事訖且抽身曉嶂重  
重接遠鄰飄影葉乾風拭露點衣寒翠日初  
新泉鳴沙澗遊山客天指肩與過嶺人獨抱  
苦心帶歸去雙眉欲解在三春立夏前一日  
進雲門道中云舟行兩岸春山老不見漁郎  
捉草魚嫩綠樹邊橋接鷺初黃麥上燕窺畚  
將爲暮色登新殿自許今朝與物疎聊把舊

情須短臘高談宇宙一荒廬因至外雲門顯  
聖寺時三宜孟公爲本寺堂頭洞上湛和尚  
法嗣也迎入方丈宜公拜延上堂力爲法門  
大事因緣特特躬親白槌請師辨香拈出師  
因登座拈香有昔年三登禹門皆有機緣此  
乃嫡親嫡故無敢違者今日人天衆前撥轉  
船頭順風把舵之語自此天童徑山葛藤截  
斷矣自此天童去龍池來矣自此還山不半  
月曳拄杖走荆溪掃幻有和尚塔拈幻有和  
尚香把陳年茗蒂柄結宿世冤家案矣是役  
也岌岌乎殆哉天童諸公借此以勸語風語  
風亦借此以自勸苟非大出手眼擺壞鎖韁  
遊行自在幾何不墮阮落塹哉個中消息因  
緣語風向掃道人數數道破今日不言誰當  
言者老人烟烟孤明肯覲面作誑語哉掃道

十

八

人還復自笑一生何幸得逢此兩大老冷眼  
旁觀一打殺天下人一罵殺天下人畢竟打  
有棒棒有眼眼有筋筋有喝喝有舌舌有骨  
天童徑山同出母胎的的是威音王以前難  
兄難弟歷恒沙劫效顰不得者也師以崇禎  
十六年癸未夏四月之二十有六日至龍池  
掃塔年七十有三歲矣時萬如微公爲龍池  
堂頭天童法嗣也率大衆出山迎入師掃塔  
跪祝云今日有此宗風乃梁朝達磨大師過  
我東震旦國相傳至六祖以下列爲五宗各  
立門庭以應達磨大師一花開五葉結果自  
然成之識而今法眼尚在高麗瀉仰杳無音  
信曹洞雲門依稀有人唯有臨濟一宗沿流  
不止至我笑巖師翁師翁付先師幻有和尚  
今日塔前唯有徑山一人是師嫡子特具薄

十

九

供分付主山神主地神主林神主空神等護  
持我先師全身法塔如今大明國內愚癡者  
甚多見性者甚少惟願先師常寂光中加被  
衆生遠紹教外別傳之旨不負達磨大師笑  
巖師翁以此敬爲人天供養越二日荆溪吳

九敘居士等同禹門大衆請師上堂師至座  
前喝一喝便陞座曰抱暑進山所爲何事多  
年不到龍池今日特來掃塔薰風自南來殿  
角生微涼倦來困一覺何必好眠牀拈香竟  
就坐曰佛法正是衰替時節各宜努力以求

出世人人埋没多生今朝若不透徹何時解  
脫因舉南嶽叅六祖說似一物即不中機緣  
云 這個一物即不中便是六祖大師本來

無一物合轍之語所以祖祖相傳佛佛授受  
與達磨大師正法眼藏合文合節若有一言

半字差異即同魔外何爲臨濟正宗也卓拄  
杖下座龍池掃塔詩云銅棺山下養龍池步  
入涼風覓我師當尸娑羅空腹樹迎堦芳草  
昔人眉追思滴血曾留偈會寫傳燈嗣法詩  
今日塔前成九頓流源千載繼孫兒寓南嶽  
寺度夏詩云相憐逸骨初爲客舉動不如山  
裏時南嶽風高山近月芙蓉秋老夜看枝食  
牛膽氣腥猶在跨虎雄心早斷思憶子未疑  
奇特事獨餘數尺洗腸池瀕出荆溪時三一  
道人吳永功九敘氏以語錄全帙呈大師師  
曰恐無眼禿兵作是非會姑逸之俟我涅槃  
後刻可也時埽道人與黃給事聞齋曹侍御  
石倉朱太守葵石謀延師開法禾城東塔屬  
侍達羽培走荆溪致公啟以請師答書云自  
小持齋今已老見人無力下禪牀此乃趙州

老漢尊貴宗門之語從上來無一人知伊脚  
跟著落處朽操道行脚尚不見踏破一綱草  
鞋忽爾一日知非直向孤峰絕頂巉巖水邊  
盤結草菴獨行獨坐冷煖自知折脚鐺邊得  
些子消息只可自受用前月徑山出嶺到荆  
溪掃約有先師法塔不意相逢宜邑幾多在  
道居士苦留南嶽度夏盤桓有日今復思歸  
高眠竹枕嘉興者借路經過何敢望東塔廁  
清涼老師足蹟也切思人命懸絲剎那異世  
况朽無味于宗門何宗門之有我衆位居士  
欲老朽挂榜出賣死猫頭決不敢領命只隨  
喜數日以通方情時掃道人附絕句邀之師  
次韻荅云老身扶杖肩頭痛有水不能擔出  
山一任諸人齊叫渴活埋烟雨草亭灣掃道  
人再以絕句附監院邀之師乃許赴再次韻

惠十

十一

荅云秋風桂子點亭臺香雨淋漓不屬裁昨  
夜月中親手折十分光彩自東來以八月初  
八日到東塔入方丈十五日曹石倉朱葵石  
汪爾陶諸宰官王季延嚴轅轢李珂雪丁元  
公孫培菴吳水原朱子藻子葆子容孫起伯  
諸居士掃道人同弟閻仲侄戈文及合山大  
衆等請上堂師陞座云東塔寺前問水神相  
逢盡作帝鄉人故園田地如何會一喝分明  
介主賓拈香白椎竟師就座舉仰山問洪恩  
如何得見佛性義洪恩與說獼猴睡著猩猩  
相見公案云若無仰山後語幾乎獼猴個個  
無尾巴諸人要見佛性義麼漁船上有塹壘  
堆頭有下座中秋日掃道人延師于東塔之  
右藥山佛仔草堂中坐月師即席爲詩云望  
月林間坐石牀寒侵衣帶未經霜吟心何待

梧桐老烟水欲期楊柳黃玉魄空飛流夕影  
浮圖遠插到山堂此來爲採峰頭藥誰弄中  
秋曲水觴至明日復依原韻續成四首緇白  
步韻者丁元公等累百有彙帙梓行者題曰  
藥山月籟是月廿九日埽道人生日親友衆  
居士爲設齋請師上堂陞座云佛身充滿於  
法界普現一切羣生前隨緣赴感靡不周而  
恒處此菩提座今日老人于此下個註脚佛  
身充滿於法界到不得者裏普現一切羣生  
前太勞勞生隨緣赴感靡不周還見麼而恒  
處此菩提座掀翻他窠臼有明眼者出來簡  
點看僧出問如何是向上一乘師曰塔尖峰  
頂如何是向下事師曰幡竿動也意旨如何  
師曰地藏菩薩又僧出問擊碎東塔踏翻太  
湖且道此人具甚麼手眼師舉如意示之進

魚子

十二

云批却德山棒放下臨濟喝還有爲人處也  
無師曰到得這裏麼下座九月初八日雲間  
徐序東居士薦母同大衆請上堂師陞座曰  
古人道父母非我親誰是最親者諸佛非我  
道誰是最道者父母既非我親畢竟誰是至  
親有伶俐衲僧出來道看一僧纔出師便喝  
珍重下座十月初一日結制請上堂師陞座  
拈香竟師曰結制無有他爲切念生死大事  
到此禪堂不得東語西話不得亂想胡思一  
心正念提起話頭看個父母未生前那個是  
我本來面目若不苦心參究受他施主供養  
滴水難消切須仔細下座臘八日暮曹石倉  
設齋同埽道人及衆居士合山大衆請師方  
丈小叅說行脚師陞座大喝一聲曰苦哉苦  
哉遂涕泗交下襟袖爲之濕透良久備言在

家出家種種艱難辛苦叅方得道因緣堂中  
聞者動色多有泣下者秉燭更餘下座始散  
大抵與徑山語風居所說二會無異語在徑  
山錄中甲申元旦場道人同石倉葵石珂雪  
爾陶季延輟轡子孫子容範臣水原高寓公

卷十

十三

魯孔孫程范卿諸宰官居士率子吉彭暨合

山大衆請上堂師陞座曰且道新年頭佛法  
如何舉揚村村蠶麥熟處處稻花香拈香竟  
忽聞爆竹聲隨云爆竹一聲天地老塔前無  
處不光輝即此是法即此是道大衆久立珍

重下座正月初八日解制陸登之設齋同諸  
宰官居士請上堂師陞座曰結制解制爲個  
甚麼祇爲當人脚跟下一段大事不明如大  
火聚不得清涼所以道十方同聚會個個學  
無爲此是選佛場心空及第歸一期過了堂

中不見一個半個雖然且喜太平良久云一  
二三四五六七萬仞峰頭獨足立問伊你更  
是阿誰我是人間白拈賊遂喝一喝曰十字  
街頭撞著馬相公與你索飯錢你作麼生祇  
對衆無語師曰老人與你代一轉語春風日  
日到園林夜夜面南看北斗時黃海岸從家  
中來已入仕籍機舟東塔方丈溪邊冠巾問  
道者三日夜而行師亦隨曳拄杖返徑山矣  
瀕行朱公葵石走送索題夢石譜師爲題云  
玄黃宇宙不可摸眼耳鼻舌要能知吾有居  
士最靈異翛然不滯雲水機夜深獨臥鴛湖  
閣神人出沒不可思千古萬古性一真劍銘  
雖利難割水化石且教遺在夢天明小樓紅  
日起蓋師往還朝夕指示語也東塔一期觀  
生監院檀度全集江南法會之盛近所未有

餘施作徑山合山齋而還二月末師至千指  
叅徒日衆菴無容足處有內監出家名大徹  
者慕師道望到山皈依久之見大殿方丈主  
僧不足爲徑山重而潞藩以國亂適馭武林  
崇信佛法監微因奏請依大慧禪師被旨住  
持例不由地方檀越敦請驟破規格大駭觀  
聞八月屆期藩使者特以扁額齋供隆禮來  
迎入院而羣不逞者竟入關爭堅固劫中師  
爾時方嘯傲巖頭無意登座亦絕不曉聚訟  
來緣一瓢下山復來橋李驀然與埽道人相  
見呵呵大笑埽道人問侍者乃知其槩亦笑  
曰佛法付與國王大臣今別成一番奇特曲  
調徑山開堂說法竟矣然雖如是令旨不行  
國事從此可知矣仍留師住藥山龍樹壇中  
往來托宿吳水原居士齋頭者久之雲間徐

孝廉序東游承起名弘晝者前數來東塔與  
師機緣不淺此日專啟來迎埽道人時膺再  
召不得已赴金陵相與一笑別去師至雲間  
與單進士狷菴恂起名弘尚者同衆居士延  
入超果寺時乙酉三月十有七日也監院知  
一靜主紹源并合山大衆暨合郡檀護請祝  
聖上堂師拈香白椎竟師曰暮春三月好風  
光盡見遊心白面郎國界無虞今日定夜深  
皓月照長廊豎拂子云即此用離此用復震  
威一喝云此是馬祖陳爛公案不勞拈出今  
日打些新鮮葛藤與大衆結緣會麼若論佛  
法三世諸佛無下口處歷代祖師結舌有分  
何以故法如是故祖佛出世蓋爲一切衆生  
沉淪苦海墮落五欲所以開方便門接引愚  
癡咄言多去道轉遠還有問話者麼僧出問

如何是大師方便門師以拂子畫一畫曰會  
麼太平日月光天德一統山河壯帝居師卓  
拄杖下座金澤頤浩寺監院一輪同宋存植  
徐濟承李莊徐復曾陸慶雍衆居士及弟子  
教忻教守教果等三日三請上堂第一日上  
堂師臨座云七十五年何處來燈籠生脚上  
天台癡人知道我來處三月菜花歷路開老  
人于甲申八月被業風吹入雲間今日蒙請  
登此法座說些閒談說話拈香竟乃舉圓悟  
叅五祖小豔詩公案復舉臨濟離家舍不離  
家舍公案下註脚著語竟末舉華嚴偈云毘  
盧遮那佛願力週沙界一切國土中恒轉無  
上輪今日盧舍那佛在徑山拂子頭上轉大  
法輪大衆還聞麼還見麼良久云既不見不  
聞何人得聞牆壁瓦礫得聞牆壁瓦礫說法

何人得聞徑山拂子得聞聞的事作麼生師  
曰如是我聞大衆久立珍重下座第二日上  
堂陞座曰乘言者喪滯句者迷古人已道破  
了也何故要你向自性三昧海中狂波闊浪  
裏轉身吐氣始有說話分更須向深雲窮谷  
養得純純熟熟方可出來人天衆前舉揚個  
事光耀祖庭瞻之仰之庶不辜負達磨大師  
西來一番辛苦若也不然只是個蝦蟆田雞  
亂跳亂叫成得個甚麼邊事乃呵呵大笑復  
曰笑個甚麼笑那吳山端獅子見弄獅子得  
悟後有老僧譏他故說偈云鄉裏獅子鄉裏  
弄眼睛鼻頭一齊動假饒弄到帝王前也是  
一場乾打哄有時上堂云佛法無可得說不  
如打個觔斗便下座徑山今日在頤浩上堂  
也沒有獅子弄也不打觔斗說些平實話接

物利生且道如何是接物利生句。聾叅須實  
叅悟須實悟。有僧出禮拜。擬問師便打云。待  
你開口。成得個甚麼。卓拄杖下座。第三日上  
堂。陞座曰。今日登此寶座。爲那本鎮居士設  
齋供養。老人說些佛法。普利衆生。諸仁者莫  
瞋睡惺惺。著眼前山林池沼。無非是你故宅。  
只爲離鄉太久。所以不得受用良久云。樂云  
樂云。鐘鼓云乎哉。禮云禮云。玉帛云乎哉。即  
此見聞。非見聞。無餘聲色。可呈君個中。若了  
原無事體。用何妨分。不分卓拄杖云。離中虛  
坎中滿。下座。明日游承居士等請茶話。師曰  
真個難得的。也是希有事。頤浩寺裏三日三  
上堂。是爲希有。是爲難得。諸方聞之。也不知  
是佛法也。不知是世法。因論叅禪學佛。非是  
等閒痛切五百餘言。末舉黃檗云。不道無禪。  
魚十

只是無師。應在今日矣。良久云。適纔老人這  
些說話。若論世法。則不無。若論佛法。遠之遠  
矣。師去雲間。過抱香菴。有請開示者。師與偈  
云。啼破春風血未乾。月明枝上漏聲殘。誰家  
猶自貪歌舞。舞散歌停魂夢難。叅埽叅此偈  
恰寓亂離鼎革之象。佛緣實世緣也。四月上  
徑山。歷五六月間。山中北虎南狼。禪寮蹂躪  
無寧。晷師遂遁跡于山後火龍頂菴。菴中者  
匝月。一日數兵丁逐一僧至菴。縛之。將加刃  
師力勸之。并師就縛。忽一頭目至。吐曰。此地  
不可縛人。親解師縛。并釋縛僧。以刀斫菴門  
者三而去。師仍豪眺風巖。作開示侍者語云。  
百日內外變狀萬千。如夢如幻。縱得心地道  
理明白者。未免有些子介帶。吾謂娑婆世界  
是個銀汞法聚。得成團忽。從罅縫處流將去。

若欲不流無縫始得銀汞乃流動性難可把  
捉銀汞虛明能藥能毒今人先不知何者是  
汞何者是鍊嗟嗟銀汞流去不遠既不知所  
從來因地去何曾得知著落處所杳杳冥冥  
晝夜愁腸心生懊惱何時還我昔日之歡娛  
去我今日之心垢且人從有漏中來原從有  
漏中去理固然也佛云和合妄生和合妄死  
如春在花紅白暫時耳天也風霜雷電忽有  
忽無人命無常忽生忽死豈有根而不壞者  
虛空神告其人曰汝之命根在我命根裏其  
人快活歡喜不已我之命根與虛空同壽虛  
空神咄曰癡人我性本空何法與汝同壽癡  
人復告空神曰既不與我同壽我之命根還  
在那裏空神曰汝若欲知命根著落當自究  
竟未出母胎前一著此乃諸佛護念衆生之

命根也汝當學多生習氣昏墜罪業深固力  
欲拔之無處下手奈何下手處甚有但不肯  
信何以故福深德遠業性漸輕般若漸近好  
事多做看肉身原同敗壞之物無可繫戀宣  
子光明忽然而現埽道人得大師此法語真  
蹟自識乙酉夏日徑山火龍頂書還念此恁  
麼時作恁麼話若非命根實斷生死真空不  
能道隻字也想見當日將頭臨白刃一似斬  
春風氣象任他天地反覆龍蛇起陸徑山這  
裏只是說法如雷放光動地一時惟拂子得  
聞惟埽道人得聞還念平日上堂法語都是  
如語實語不誑語不異語也師復戲書硯巖  
云九月化去果以是月雲門僧鏡可來延師  
從兵戈中渡江而往猶在魯藩爰立時也雲  
門故得道地師每捲懷及之天龍扈從緇白

奔轅遂得從離亂中法幢復建振力激揚春  
日進雲門詩云雲抱千山新木葉鳥鳴一徑  
落花枝雛猿覓石翻松子老鶴銜烟綴紫芝  
淺澗吹流峰有月石橋送影候多時古規梵  
刹呈君看拄杖擔來未稱奇至上堂拈香

魚十

十九

竟就座曰雲門有一奇特事從曠大劫來無  
人動著今日分明舉似大眾良久云忘却了  
也曳拄杖下座師于雲門掩關者久之守關  
者荆門禪人也合山大眾及諸檀護以結制  
有期請爲出關上堂師陞座曰春秋三度掩  
柴關無事於心不放閒今日聊通一線道踏  
開烟水入深山既是出關合該逍遙山水于  
石橋啜茗焚香于溪閣爲什麼又要入山聲  
爲他途路不得力下座結制日大眾請上堂  
師陞座曰欲知佛性義當觀時節因緣時節

若至其理自彰大眾今日是甚麼時節舉拂  
子一拂云雲門老古錘出世也地搖六震天  
雨四花且道有何祥瑞五雲山下青獅子曳  
尾搖頭弄爪牙隨喝云這畜生休作怪要騎  
便騎要下便下下座丙戌除夕茶話師示偈  
云今朝除夕又逢春大眾威儀事可伸棕蓼  
拂子如何道草木高低一樣青時蓋歲朝春  
也丁亥二月初十日師誕日解制大眾請上  
堂師陞座曰老人自住雲門已來不曾動著  
一步不曾措著一辭今日幸遇解制打開長  
汀子布袋放出百千萬億光明雲將五湖四  
海衲子而爲眷屬使歷劫多生父母俱超樂  
國以拂子打○相云會麼盡十方世界是燃  
燈古佛光明門盡十方世界是釋迦老子總  
持門盡十方世界是兜率陀天彌勒世尊解

脫門盡十方世界是文殊師利法王子般若  
波羅密門盡十方世界是普賢菩薩行願門  
盡十方世界是一切修多羅差別義海門盡  
十方世界是凡夫衆生四生六道微細極微  
細昆蟲蚤虱生滅門喝云今日雲門解制猶

學

二十

如螃蟹去草縛橫行直撞切須仔細倘遇無  
厭足王莫道我是雲門解制來若道著被他  
棒打折你驢腰莫言不道下座師在雲門  
未結制前金司馬正希黃祠部海岸已殉難  
白門矣時有魯太史青海出家祝髮師示以  
偈云性海無波下一橈千花覆頂伴漁樵林  
間散誕成蓮社石上提撕好挂瓢昔日衣冠  
懸碧漢今朝杖履渡溪橋法門得入多生幸  
笑指長空破寂寥丁亥新秋寄子容朱居士  
起名弘肇者詩一首云信知黃葉亂正是落

秋時去此東溪遠無聞拾野炊水流焦塔影  
魚啞夕陽碑寄想南湖月鄰峰許我詩繼此  
遂不復作詩獨作一書寄埽道人末云老人  
邇來晨昏無繫寒光野色盡爲眷屬今當行  
脚去踏明月于萬方咏清霜于千里古人云  
未有長行而不住未有長住而不行者老人  
得之矣笑笑一日遣侍僧囑之往南雍任所  
見埽道人屬以料理語風塔院事僧未及行  
師已示微疾因坐次偶侍者請師肖像贊師  
題云誰個不識你自雙髻山主口吧吧終日  
罵人大唐國裏無人中你意如此空腹高心  
將八斛四斗蟪蛄蟲塞你眼根白雲萬里塞  
你意根教你要動動不得要罵罵不得誦大  
明王真言陀羅尼咒至七日轉身吐氣慧性  
開朗若有人問你如何是祖師西來意如何

是庭前柏樹子不必擬議隨口答去無不合  
轍無不自在題竟忽厲聲曰如今還開口動  
舌得麼羣侍者爲之愕然從此令執事封叅  
堂鐘板曰果學道人安事此遂三日不飯惟  
飲清水令侍者必呼爲茶舉必以索不如令  
則不飲口中惟唱雪花飛雪花飛驚毛雪滿  
空飛時未見雪聞者不解師自知期至沐浴  
著衣結跏趺坐大衆圍繞師遂唱偈曰小兒  
曹生死路上須逍遙皎月冰霜曉喫盃茶坐  
脫去了侍者進茶俄頃寂去身不歇側三日  
如生示寂之日蓋八月二十有六日也世壽  
七十有七僧臘四十有九所著傳世語錄有  
徑山自述行略千指菴辭開堂說徑山長明  
金粟金陵靜明廬山開先江州能仁四明天  
童景德光溪天王會稽雲門顯聖荆溪龍池

嘉禾東塔雲間超果金澤頤浩若干處若干  
會結制解制上堂小叅法語梓錄若干卷復  
有拈古頌古懷淨土梅花落花等詩偈若干  
首每題竝以百計各有梓本其隨手散落詞  
翰圖寫爲世珍拾者無算也先是東塔晚叅  
茶話次婦道人曰要與大師作平實商量師  
住山有年到處出世亦多年矣每一期竟其  
間問答叅請輒蒙訶斥者走入他方便得拄  
杖拂子而還只今有他方記莚掩耳來皈者  
又添反復冷嚴不容著足無乃拒人已甚乎  
師長嘆曰佛祖慧命非通小可智過于師方  
堪傳授目前那得有如我的真叅實悟盡底  
掀翻吾寧棧絕以重大法掃菴曰宜乎唯一  
首座之捲單去也因問海岸畢竟何如師曰  
還是他良久曰也沒交涉末後在雲門郭爾

章居士問曰大師究不囑累奈何師曰此事  
奴污甚吾故嚴之庶以矜貴法門耳臨寂一  
月出山門至竹橋遇一寒士父子無所得食  
師招之入室飲噉之其父秋涼無衣師脫新  
施羅衫與衣之其子夜苦蚊師以說法棕拂  
付之驅蚊大笑曰快哉吾衣拂付汝父子矣  
後諸方遂誦傳有大師衣鉢付花子之說要  
知衣拂陳迹雖掃英靈嗣子正多只據目前  
付囑各處道場便作淵源印證如曹源金  
獅聲珠 徹崖歇 山鳴瑤 子畫宗 形  
山淖 竝弘字一輩出頭法乳也若夫唯一  
叅開先東塔晚叅雲門數番破格盤桓其嗣  
縱不在圓弘頓教十六字之派亦足當老人  
法乳者也元禮頓湘親侍記錄最久忠勤不  
二寂葬語風不可沒也師寂時覺浪盛公主

卷十

三

席徑山方應請金陵報恩思彥侍者走南雍  
報訃于埽道人即日拉同蔡二白張如磐陳  
旻昭倪樸菴凌官球錢文青潘墨海劉惺心  
林道生諸宰官顧與治余未也薛更生姚伯  
右姚叔采黃觀之諸居士等翕集嚮皈善信  
數百人設齋請浪公上堂舉揚老人祕旨及  
示寂機緣各各思慕讚歎因說徑山祖庭位  
次梓有法語定議王子安偃公同魯青海如  
公在雲門得山翁忘公從慈水來赴封龕執  
義主老人喪同襄大事卜窆雲門寺之右隴  
以是年十二月二十二日塔全身焉封龕入  
塔忘公各有法語時有上座實際者新侍大  
師恰值歸寂料理塔院事實周且悉此老人  
末後一番大放光明也老人悟道石在普濟  
寺今新建大殿諸人用作柱礎以表識靈蹟

老人示寂前六日過之令侍者拜而笑是知  
雲門得地直到龍池證明此日回首藏身始  
印悟緣夙識即有語風生塔之命僅可以爪  
髮了付囑此實雲門特節因緣乃有不揣脚  
跟造正名拈香之謗者現受惡舌之報諸方  
共聞信哉佛法之必驗古德之足欽也是爲  
頌頌曰

語風出世震羣雄 發真歸元隕虛空  
舌頭坐斷踞巍峰 劫鼻當年隆準公  
谷訣記荊無留踪 賓主齊彰道岸崇  
律儀解脫清規隆 兒戲莊嚴法界中  
雙髻雙徑遊鴻濛 雲門雲棲鼓雷風  
龍池儵忽騰三龍 一龍幻化青獅翁  
心空及第登梵宮 寒白掀翻消息通  
蹴踏諸方血濺紅 沒石飲羽神臂弓

撒開皮袋雲萬重 風光本地披玲瓏  
响喚低眉慈姥雍 拈提努目金剛兇  
呵佛罵祖誓不容 罵人直罵到天童  
尺布可縫斗可春 閨牆兄弟在宗工  
鬬爭揖讓狀難供 斷崖中峰機用同

摩尼五色肉眼朦 塗毒一聲癡耳聾  
禪林裨販法市幾 堅壁固壘睢陽功  
祖關慧命扼喉嚨 壇坫冰寒鮮伏戎  
三驅百戰無前鋒 甘會道場四結冬  
一個半個流西東 叩竭參苓誰入籠  
三十殺活予奪緇白鉢 任他鑪鞴瀉金銅  
那許羶冶成凍僵 智過堪傳早發蒙  
手應自肯把不逢 獅絃絕響曲調終  
北斗藏身撒手封 宗綱正印真孝忠  
人天號令齊嶽嵩 提唱文詞韶蘆從

詎煩螟蛉作斯螽 兒孫億劫靡終窮

順治九年歲在玄默執徐月為孟陬日為上

元而文成

雪嶠禪師語錄卷第十

畢

三

音釋

罽古委切音軌窰林倫切音屯儼與修同識  
罽以表度日也窰窰突下指也儼儼同識  
楚楚切音去聲前都念切音店士士卑不  
定徵兆之言也站得作但于室中為土  
站以紘胡干切音皮食紘賢絲紘也